

www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org
www.BanglaBook.org

অ্যাজ ইউ লাইক ইউ

উইলিয়াম শেক্সপিয়ার

এ্যাজ ইউ লাইক ইউ

বাটকের চারিত্র

| | |
|-----------------------------------|-------------------------------|
| নির্বাসিত ডিউক সিনিয়র | টাচস্টোন। বিদূষক |
| ফ্রেডারিক। নির্বাসিত ডিউকের জ্ঞাত | স্মার অলিভার মার্টেস্ট। পাদরি |
| এ্যামিয়েন্স্ | করিণ |
| জ্যাক | সিলভিয়াস |
| লা বো। ডিউক ফ্রেডারিকের সভাসদ | উইলিয়ম। পল্লীযুবক |
| চার্লস। কুস্তিগীর | রোজালিন্দ |
| | কল্পা |
| অলিভার | স্মার রোলাণ্ড ছ বয়ের |
| জ্যাক | সিলিয়া। ফ্রেডারিকের কল্পা |
| অর্ন্যাণ্ডো | ফীবি। মেঘপালিকা |
| আদম | অডারী। গ্রাম্যবালিকা |
| ডেনিস | সভাসদ ও অল্পচরবর্গ |

ঘটনাস্থল : অলিভারের বাসভবন : ফ্রেডারিকের রাজসভা ও আর্ডেনের বনভূমি।

□ প্রথম অঙ্ক □

প্রথম দৃশ্য। অলিভারের বাগানবাড়ি।

অর্ন্যাণ্ডো ও আদমের প্রবেশ

অর্ন্যাণ্ডো। আমার হৃৎকুর মনে পড়ছে, আমার বাবা উইলটা করে যান এইভাবে, আমাকে সেই উইলের মাধ্যমে এক হাজার ক্রাউন দিয়ে যান এবং তুমি জানো, দাদাকে আশীর্বাদ জানিয়ে আমাকে ভালভাবে মানুষ করার ভার দিয়ে যান তার উপর। কিন্তু সেই থেকেই শুরু হয়েছে আমার দুঃখ। আমার ভাই জ্যাককে স্থলে রেখে পড়াচ্ছে, শোনা গেছে তার পড়াশুনা ভালও হচ্ছে। কিন্তু আমার দিকটা দেখ, সে আমার গেলো ভূতের মত বাড়িতে রেখে দিয়েছে, অথবা সত্যি কথা বলতে কি আমার দিকে নজরই দেয় না। আমার মত ভদ্রবংশীর এক ছেলের পক্ষে একে কি তুমি বেঁচে থাকি বলবে? একটা বলদের জীবনযাত্রার সঙ্গে আমার জীবনযাত্রার তফাৎ কি আছে? আমার থেকে তার বোড়াগুলোও ভালভাবে থাকে। ভাল

থাওয়া ও সুখ সুবিধার ব্যবস্থা ছাড়াও তাদের চালচলন শিক্ষা দেবার জন্য মোটা টাকা দিয়ে সহিস রেখে দেওয়া হয়েছে। কিন্তু আমি তার আপন ভাই হয়ে একমাত্র থাওয়া পরা ছাড়া আর কিছুই পেলাম না। আর এরজন্তে আমি তার আন্তাবলের জন্তুগুলোর থেকে বেশী কৃতজ্ঞতা তাকে জানাতে পারি না। তার উপর প্রকৃতি আমার যা দিয়েছে দাদা যত্ন না নেওয়ার জন্য তাও মষ্ট হয়ে যেতে বসেছে। সে পশুদের সঙ্গে আমায় খেতে দেয়, ভাই বলে স্বীকার করতে চায় না এবং উপযুক্ত শিক্ষা না দিয়ে আমাকে ভদ্র সমাজের অযোগ্য করে তুলেছে। এইটাই আমাকে সবচেয়ে দুঃখ দেয় আদম। আমার দাবার মত যে মানসিক তেজ আমার মধ্যে রয়েছে তা এই দাসত্বের বিরুদ্ধে বিদ্রোহ করতে শুরু করে দিয়েছে। আমি আর এ সহ্য করব না, যদিও জানি না এর থেকে রেহাই পাবার সঠিক পথ কি।

অলিভারের প্রবেশ

আদম। ঐ আমাদের মালিক আর আপনার ভাই আসছে।

অর্ন্যাণ্ডো। একটু সরে যাও আদম, একটু আড়াল থেকে শুনবে কিভাবে সে আমায় উত্তেজিত করে তোলে।

অলিভার। এখানে কি হচ্ছে?

অর্ন্যাণ্ডো। কিছুই না, কিছু করতে ত আমায় শেখাওনি।

অলিভার। তাতে তোমার কী এমন ক্ষতি হয়েছে?

অর্ন্যাণ্ডো। আমি আমার কুঁড়েমির দ্বারা আমার সহজাত ঈশ্বরদত্ত গুণ-গুলোকে মষ্ট করতে তোমায় সাহায্য করছি।

অলিভার। খুব হয়েছে। শুধু শুধু ঘুরে না বেড়িয়ে একটা কাজে লেগে গেলে ভাল হয়।

অর্ন্যাণ্ডো। আমি কি তোমার গুণের চড়াব আর তাদের সঙ্গে ভূমি খাব? অমিতব্যয়ীর মত কী এমন অর্থ বা সম্পত্তির অপচয় করেছি যার জন্য আমাকে এই দারিদ্র্য সহ্য করতে হবে?

অলিভার। জান তুমি কোথায় আছো?

অর্ন্যাণ্ডো। ভালই জানি। এটা তোমার বাগানবাড়ি।

অলিভার। কার সামনে কথা বলছ তা জান?

অর্ন্যাণ্ডো। আমি যার সামনে আছি সে আমার যতখানি না জানে আমি তাকে তার চেয়ে ভাল জানি। আমি জানি তুমি আমার বড় ভাই এবং ঠাণ্ডা মাথায় তোমারও এটা জানা উচিত। সবশা দেশের প্রচলিত প্রথা অনুসারে তুমি বড় বলে পৈত্রিক সম্পত্তির সোটা অংশটা তুমি পাবে, কিন্তু তোমার আমার মধ্যে কুড়িটা জাই থাকলে সে প্রথা কখনো আমার পৈত্রিক রক্তকে অস্বীকার করবে না। পিতার রক্ত তোমার দেহে যতটা আছে, আমার

দেহেও ঠিক ততটাই আছে। তবে আমি স্বীকার করি যে তুমি আগে জন্মেছ বলে তাঁর ভালবাসা বেশী পেয়েছ আর সেই কারণে আমার কাছে শ্রদ্ধা ও ভক্তির পাত্র।

অনিভার। কী ছোকরা! (আঘাত করল)

অর্ল্যাণ্ডো। যাও যাও দাদা, এবিষয়ে তুমি আমার থেকে অনেক অনভিজ্ঞ।

অনিভার। তুই কি আমায় মারবি নাকি, শয়তান!

অর্ল্যাণ্ডো। আমি শয়তান নই! আমি হচ্ছি স্তার রোলাণ্ড ছ বয়ের কনিষ্ঠ সন্তান। তিনি ছিলেন আমার পিতা এবং যে বলে যে তিনি শয়তানের জন্ম দিয়েছেন সে নিজেই একশোবার শয়তান। যদি তুমি আমার বড় ভাই না হতে তাহলে আমি আমার এই হাতখানা তোমার ঘরের উপর থেকে সরাতাম না যতক্ষণ পর্যন্ত না আমার অস্ত্র হাতটা তোমার জিবটা টেনে বার করে আনত। তুমি নিজেকেই নিজে খিক্ত করেছ।

আদম। (এগিয়ে এসে) শাস্ত হোন আপনারা। অস্ত্রতঃ আপনাদের বাবার কথা মনে করে ধৈর্য ধরুন।

অনিভার। আচ্ছা আমাকে যেতে দাও।

অর্ল্যাণ্ডো। না, আমার কথার সম্ভাবজনক উত্তর না দিলে তোমায় যেতে দেব না। আমার কথা শোন। আমার বাণী তাঁর উইলে আমাকে লেখাপড়া শেখানোর ভার দিয়ে গিয়েছিলেন তোমার উপর। কিন্তু তুমি আমার ভদ্রজনোচিত গুণগুলোর বিকাশ ঘটতে না দিয়ে একটা গেন্নো চাবী করে তুলেছ। বাবার মানসিক তেজ আমার মধ্যেই বেশী আছে। আমি আর তা সহ্য করব না। স্মরণ্যৎ এমনকিছু ব্যবস্থা করো যাতে আমি উদ্র হয়ে উঠতে পারি অথবা পৈত্রিক সম্পত্তির যে অংশ উইলে আমায় দান করা হয়েছে তা আমায় বুরিয়ে দাও, তাই দিয়ে আমি আমার ভাগ্যস্বেষণে বার হব।

অনিভার। কি করবে? সেই সম্পত্তি ছুরিবে গেলে ভিক্ষে করবে? ঠিক আছে তাই হবে। আমি তোমায় নিয়ে আর কোন ঝামেলা পোষাতে চাই না। উইল অহসারে তুমি তোমার অংশ পাবে। এখন আমাকে যেতে দাও।

অর্ল্যাণ্ডো। আমার নিজের প্রয়োজন মিটে গেলে তোমাকে আর আমি বিরক্ত করব না।

অনিভার। ওর সঙ্গে তুমিও যাও বুড়ো কুকুরটা কোষা করার।

আদম। 'বুড়ো কুকুর'—এইটাই কি আমার পুরস্কার। আমি তোমাদের এখানে কাজ করে বুড়ো হলাম, আমার সঙ্গে দাঁত পড়ে গেল। আমার পুরনো মালিক স্বর্গলাভ করলেন। তিনি কখনো এ কথা বলতেন না।

(অর্ল্যাণ্ডো ও আদমের প্রস্থান)

অলিভার। তাই নাকি? আমার উপর বাড়তে চাও? দেখাচ্ছি তোমার মজা। তোমার সব বদমায়েসিকে ঠাণ্ডা করে দেব, আর এক হাজার ক্রাউনও তোমায় দেব না। ডেনিস!

ডেনিসের প্রবেশ

ডেনিস। আমার ডাকছেন হুজুর!

অলিভার। আমার সঙ্গে কথা বলার জন্য ডিউকের কুস্তিগীর চার্লস আসেনি এখানে?

ডেনিস। হ্যাঁ হুজুর! উনি ত এখানে এসে এই দরজার কাছেই বসে আছেন উনি ও আপনার কাছে আসার জন্যই অসুস্থ হয়ে পড়েছেন।

অলিভার। তাকে ডেকে নিয়ে এস। (ডেনিসের প্রস্থান) এটা খুব ভালই হবে; কুস্তিটা হবে কালই।

চার্লস-এর প্রবেশ

চার্লস। নমস্কার হুজুর।

অলিভার। নমস্কার স্যার চার্লস। তারপর, ওখানকার নতুন রাজসভার খবর কি?

চার্লস। নতুন খবর কিছু নেই স্যার, খবর সব পুরনো। বৃদ্ধ ডিউক তাঁর ছোট ভাই বর্তমান ডিউকের দ্বারা নির্বাসিত। আর তিন চার জন মর্ড তাঁর অনুগামী হয়ে স্বেচ্ছায় নির্বাসন দণ্ড ভোগ করছে। তাঁদের সব বিষয়সম্পত্তি নতুন ডিউক আত্মসাৎ করে নিয়েছে; সুতরাং তাঁরা এবার নিঃশেষ অবস্থায় ঘুরে বেড়াক না যত খুশি।

অলিভার। আচ্ছা বলতে পার ডিউককল্পা রোজালিন্দ কি তার বাবার সঙ্গে নির্বাসনে গেছে?

চার্লস। আচ্ছা না। কারণ তার খুড়তুতো বোন অর্থাৎ নতুন ডিউকের মেয়ে তাকে এত ভালবাসে যে সে নির্বাসনে গেলে সেও যাবে, অথবা একা এখানে থাকলে আত্মহত্যা করবে। দুজনে একসঙ্গে ছোট থেকে মানুষ হয়েছে কি না! কলে তার কাকাও তাকে তার মেয়ের মতই ভালবাসে। দুজন মেয়ের মধ্যে এমন ভালবাসা দেখাই যায় না।

অলিভার। পুরনো ডিউক কোথায় বাস করছেন এখন?

চার্লস। লোকে বলে তিনি নাকি এখন আর্ডেনের বনভূমিতে আছেন। অনেক লোক তাঁর সঙ্গে আছেন। ইংলণ্ডের রবিন হুডের মত তাঁরা সেখানে বাস করছেন। লোকে বলছে, বহু ভদ্রবংশীয় যুবক স্বেচ্ছায় সেখানে দলে দলে যাচ্ছে এবং অতীতের স্বর্ণযুগের মত সেখানে নিশ্চিন্তভাবে দিনগুলো ঘুরে বেড়িয়ে কাটিয়ে দিচ্ছে।

অলিভার। কী, তুমি কি আত্মগোপন নতুন ডিউকের সামনে কুস্তি লড়বে?

চার্লস। আচ্ছা হ্যাঁ স্যার। আর একটা বিষয় জানাতে এসেছি আপনাকে;

আমি গোপনে জানতে পারলাম আপনার ছোট ভাই অর্ন্যাণ্ডো ছদ্মবেশে অর্থাৎ নিজের পরিচয় না দিয়ে আমার সঙ্গে কুস্তি লড়ার মতলব করছে। আগামীকাল আমি আমার সম্মানের জন্য লড়াই করব। কাল যে আমার সঙ্গে লড়াই করবে সে যদি হাত পা অঙ্কুর অবস্থায় আমার কাছ থেকে চলে যেতে পারে তাহলে বুঝব সে মাহুব! আপনার ভাই বয়সে ছোট, ছেলেমানুষ এবং শুধু আপনার ভালবাসার খাতিরে আমি তাকে ফেলতে পারি না। অথচ আমার নিজের সম্মানের জন্য আমাকে তা করতেই হবে, যদি সে যোগদান করে। তাই আপনার প্রতি আমার ভালবাসার খাতিরে আমি আপনাকে ব্যাপারটা জানাতে এলাম। হয় তাকে তার এই আত্মঘাতী অভিলাষ থেকে নিবৃত্ত করুন, না হয় তাকে জানিয়ে দিন এরজন্মে এমন অপমান তাকে ভোগ করতে হবে যে সে তা কখনো ভুলতে পারবে না। আর এটা ঘটবে সম্পূর্ণ তার নিজের দায়িত্বে আর আমার ইচ্ছার বিরুদ্ধে।

অনিভার! আমার প্রতি তোমার ভালবাসার জন্য তোমায় ধন্যবাদ। আর তুমি দেখবে এই ভালবাসার প্রতিদান তুমি ঠিকই পাবে! আমিও আমার ভাইএর মধ্যে এই ধরনের ইচ্ছার পরিচয় পেয়েছি এবং ভিতরে ভিতরে পরোক্ষভাবে তাকে এ ব্যাপারে প্রতিনিবৃত্ত করার চেষ্টাও করেছি। কিন্তু সে দৃঢ়সংকল্প। আমি তোমায় বলে দিচ্ছি চার্লস ও হচ্ছে শারা ফরাসী দেশের মধ্যে সবচেয়ে একশত্বে জেদী ছোকরা। সে হচ্ছে দারুণ উচ্চাভিলাষী ও পরশ্রীকাতর। পরের কোন ভাল গুণ দেখলেই তার অহুকরণ করে এবং এমন কি তার আপন ভাই আমার বিরুদ্ধেও সে গোপনে চক্রান্ত করে। সুতরাং তুমি যা বুশি তাই করো। আমি বলছিলাম কি তার আঙ্গুল টাঙুলের পরিবর্তে তার ঘাড়টা একেবারে ভেঙ্গে দাও আর তুমিই একমাত্র তা পারবে। কারণ যদি অন্য কিছু অপমান করে তাকে ছেড়ে দাও আর যদি সে তার শক্তি দিয়ে তোমাকে কায়দা করতে না পারে তাহলে সে তোমার উপর বিষপ্রয়োগ করবে অথবা অন্য কোন ভয়ঙ্কর বিশ্বাসঘাতকতার দ্বারা তোমাকে ফাঁদে ফেলবে এবং কোন না কোন উপায়ে সে তোমার জীবন না নেওয়া পর্যন্ত কিছুতেই ছাড়বে না। একথা বলতে ছুখে চোখে জল আসছে আমার, তবু তোমায় বলতে বাধ্য হচ্ছি, ওর মত শয়তানি ওর বয়সী আর একটি ছোকরাও কোথাও জীবিত নেই। সে আমার ভাই আর ভাই হিসেবেই আমি একথা বলছি। যদি আমি বিজয়িত তার স্বরূপ বিশ্লেষণ করি, তাহলে লজ্জা আর দুঃখে আমার কাঁধ পাহব আর তুমিও বিশ্বয়ে বিমুগ্ধ ও মলিন হয়ে যাবে।

চার্লস! আমি আপনার কাছে আসতে পারার জন্য অন্তরের সঙ্গে আনন্দিত। যদি সে কাল আসে তাহলে আমি তাকে উচিত শিক্ষা দেব। যদি সে অক্ষত অবস্থায় কিয়ে যেতে পারে তাহলে আমি আর কখনো কোন পুরস্কারের

জগত কৃষ্টি লড়খ না। যাই, ভগবান আপনার মনস্কামনা পূর্ণ করন। (প্রস্থান) অলিভার। বিদায় চার্গস। এইবার আমি এই খেলোয়াড়কে উত্তেজিত করে তুলব। আমার মনে হয় এইবার তার জীবনের অবসান হবেই। কেন জানি না আমার সমস্ত অন্তরাঙ্গা তার মত এত ঘৃণা আর কাউকে করে না। অবশ্য সে শাস্ত, কোন দিন ফুলে না গিয়েও সে বেশ জ্ঞানবিদ্যা অর্জন করেছে। সে সুবুদ্ধিসম্পন্ন ও নীতিবান। মাল্লবের মধ্যে মানুষ যেসব গুণগুলোকে খুব ভালবাসে সেই গুণগুলোর সবই আছে তার মধ্যে। সুতরাং সবাই তাকে ভালবাসে, বিশেষ করে আমাদের এই অঞ্চলের লোকেরা তাকে এত ভালবাসে যে আমার কোন গুণের কথা স্বীকারই করে না। কিন্তু আর এরকম চলতে দিলে হবে না; এই কৃষ্টিগীর সবকিছুর শেষ করে দেবে। এখন আমার শুধু একমাত্র কাজ হলো ছোকরাকে উত্তেজিত করে তোলা এই কৃষ্টিতে যোগদান করার জগত। আর আমিও তা দেখতে যাব। (প্রস্থান)

দ্বিতীয় দৃশ্য। ডিউকের প্রাসাদ সম্মুখস্থ প্রাস্তর।

রোজালিন্দ ও সিলিয়ার প্রবেশ

সিলিয়া। রোজালিন্দ, লক্ষ্মী বোন আমার, দয়া করে তুই আমার কথা শোন। রোজালিন্দ। আমি আমার সাখ্যের অতিরিক্ত হাসিমুখি নিয়ে থাকি। তুমি কি আরো চাও? কিন্তু দেখ, আমি যদি আমার নির্বাসিত বাবার কথা ভুলতে না পারি তাহলে কেমন করে অসাধারণ ও অস্বাভাবিক আনন্দ উৎসব নিয়ে মেতে থাকি।

সিলিয়া। আমি দেখছি আমি যতখানি ও যতটা গুরুত্বের সঙ্গে তোমায় ভালবাসি, তুমি আমার তা বাস না। তোমার বাবা নির্বাসিত ডিউক যদি আমার বাবাকে নির্বাসনে পাঠাতেন তাহলেও তুমি ঠিক আমার কাছেই থাকতে। আমি কিন্তু আমার ভালবাসার খাতিরে তোমার বাবাকে আমার বাবার মতই দেখতে পারতাম। তুমিও তা নিশ্চয়ই পার যদি অবশ্য আমার প্রতি তোমার সেই ভালবাসাটা আমার মত ঠিক পথে চালিত হয়।

রোজালিন্দ। আচ্ছা ঠিক আছে, আমি আমার আসল অবস্থার কথা ভুলে ভাগ্যের কথা ভুলে তোমার সুখে সুখী হব।

সিলিয়া। তুমি জান আমি ছাড়া বাবার আর কোন সঙ্গীনেই; আমার হবার কোন আশাও নেই। বাস্তবপক্ষে আমার বাবার মৃত্যুর পর তুমিই তার উত্তরাধিকারিণী হবে। কারণ আজ জোর করে তিনি যা তোমার বাবার কাছ থেকে কেড়ে নিয়েছেন আমি তখন তা ভালবেসে দিয়ে দেব তোমায়। আত্মসম্মানবোধ বলে যদি কোন জিনিস থাকে আমার তাহলে আমি তা নিশ্চয়ই দেব। এ শপথ যদি ভঙ্গ করি তাহলে তুমি আমার রাক্ষসী বলে ডাকতে পার। সুতরাং লক্ষ্মী বোন আমার ফুটি করো।

রোজালিন্দ। এখন থেকে আমি খেলাধুলার কথাই ভাবব। আচ্ছা, প্রেম পড়লে কেমন হয়, তুমি কি মনে কর ?

সিলিয়া। হ্যাঁ, তা পড়তে পার। তবে আমার কথা হচ্ছে, খেলাচ্ছলে। কোন লোককেই সত্যিকারে ভালবাসবে না। এমন লজ্জা ও সংকোচের ব্যবধান রেখে ভালবাসবে যাতে করে আবার যেকোন মুহূর্তে ফিরে আসতে পার, বেরিয়ে আসতে পার।

রোজালিন্দ। তাহলে আমাদের খেলাটা কি হবে ?

সিলিয়া। আমরা বসে বসে আমাদের গৃহলক্ষী ভাগ্যদেবীকে বিক্রপ করতে পারি যাতে তিনি সকলের উপর সমানভাবে তাঁর কৃপা বর্ষণ করতে পারেন।

রোজালিন্দ। আমিও বলি তাই আমরা করব। তাঁর দান নিয়ে ব্যাপকভাবে অবিচার করা হয় ও যাকেতাকে বাছবিচার না করেই তাঁর দান তিনি দিয়ে বলেন! অমিত মন্দশালিনী সেই অন্ধ নারী যেহেতু ব্যাংগারে বেশী ভুল করে থাকেন।

সিলিয়া। সত্যিই তাই। যাদের তিনি সুন্দরী করেন তারা সং হয় না। আর যারা সং হয় তারা দেপতে ভাল হয় না।

রোজালিন্দ। না, তুমি ভাগ্যদেবীর কথা বলতে গিয়ে প্রকৃতির কথা বলছ। ভাগ্যদেবীর দান জাগতিক যতদব বস্তুর মধ্যেই থাকে সীমাবদ্ধ, সুন্দর অসুন্দর প্রভৃতি প্রাকৃতিক ব্যাপারের সঙ্গে তার কোন সংক্রম নেই।

টাচস্টোনের প্রবেশ

সিলিয়া। প্রকৃতি যদি কাউকে রূপ দেয় তাহলে সে রূপ কি কখনো ভাগ্যদেবীর কোপাঙ্গিতে পুড়ে ছাই হতে পারে! অদৃষ্টকে পরিহাস করার উপযুক্ত বুদ্ধি বিধাতা আমাদের দিয়েছেন, কিন্তু সে পরিহাসের আনন্দটুকুকে ছিঁড়ে খুঁড়ে দেবার জন্য অদৃষ্ট আবার এই নীরবেট বোকাটাকে পাঠিয়ে দিয়েছে।

রোজালিন্দ। তা বটে। অদৃষ্টের রহস্যকে ভেদ করা বিধাতার কর্ম নয়। তা না হলে অদৃষ্ট কখনো বিধাতার দেওয়া স্বাভাবিক বুদ্ধিটাকে ব্যর্থ করে দেবার এমন ব্যবস্থা করত না।

সিলিয়া। এটা হয়ত অদৃষ্টের দোষও না, হয়ত এটা বিধাতারই বিধান। এইসব ভাল মন্দ বিচারের ক্ষমতা আমাদের বুদ্ধির নেই দেখেই হয়ত বিধাতা সেই ভোতা বুদ্ধিটাকে শান দেবার জন্যেই একে পাঠিয়েছে। কারণ অনেক সময় বোকার বোকামি দিয়ে বুদ্ধিমানের বুদ্ধিতে শাপ দিয়ে নিতে হয়। তারপর, ওহে বুদ্ধিমান! কোনদিকে যাওয়া হচ্ছে ?

টাচস্টোন। আসুন মা লক্ষী, আপনাদের কথা শুনেছেন আপনাদের।

সিলিয়া। তুমি কি দুতের কাজ করছ না কি ?

টাচস্টোন। আজ্ঞে না, শপথ করে কথাই, তিনি আমাকে আপনাদের

জাকতে বললেন তাই এসেছি।

রোজালিন্দ। আবার শপথ! তুমি আবার শপথের কথা শিবলে কোথায়? টাচস্টোন। কোন এক যোদ্ধার কাছে। একবার এক যোদ্ধা খাবার সময় শপথ করে বলেছিল প্যানকেকগুলো খুব ভাল, সবথেষ্টা ছিল খারাপ। কিন্তু আমি জানি সবথেষ্টা ছিল ভাল, কিন্তু কেকগুলো ছিল খারাপ। অথচ লোকটা বেশ শপথ করে গেল।

সিলিয়া। কেমন করে তুমি বুঝলে? তোমার জ্ঞানবুদ্ধির বহর ত খুব বেশী। রোজালিন্দ। তোমার বুদ্ধির বহরটা একবার দেখাও দেখি।

টাচস্টোন। আপনারা দুজনে আমার সামনে দাঁড়ান। তারপর আপনারা দু'হাতে হাত দিয়ে দাঁড়ি ধরে শপথ করে বলুন আমি বদমাস। বলুন আমার সুবুদ্ধি নেই।

সিলিয়া। আমাদের দাঁড়ি! যদি আমাদের দাঁড়ি থাকত তাহলে আমরা তার নামে শপথ করে বলতাম তুমি একটি আস্ত বদমাস।

টাচস্টোন। আমারও যদি দুটু বুদ্ধি থাকত তাহলে আমি বদমাস হতাম। তোমাদের যা নেই তাই দিয়ে যদি শপথ করে তাহলে তোমাদের সে শপথ হবে মিথ্যা। তেমনি সেই যোদ্ধারও মান-সম্মান বলে কোন জিনিশ ছিল না, অথচ তার সম্মানের নামে মিথ্যা শপথ করেছিল। সম্মান বা মর্যাদা-বোধ থাকলে এ শপথ সে কখনই করত না।

সিলিয়া। কিন্তু তুমি কার কথা বলছ?

টাচস্টোন। আমি বলছি এমন একজনের কথা যাকে আপনার কাঁবা ফ্রেডারিক ভালবাসেন।

সিলিয়া। আমার বাবা যাকে ভালবাসেন তিনি নিশ্চয়ই সম্মানীয় লোক। তার কথা থাক। তা নাহলে তাঁর নামে আজো আজো কথা বলার দরুণ তোমাকে আবার চাবুক পেতে হবে।

টাচস্টোন। এইটাই ত দুঃখের বিষয়। বুদ্ধিমানরা বোকার মত কাজ করবে, অথচ বোকারা বিজ্ঞের মত কথা বলতে পারবে না।

সিলিয়া। এটা তুমি অবশ্য ঠিক বলেছ। যখন থেকে বোকাদের যে একটু বুদ্ধি আছে সেইমত তাদের কথা বলতে দেওয়া হয় না, বুদ্ধিমানদের বোকা-মিটা বেড়ে গেছে। এই যে লে বো মশাই আসছেন।

লে বোর প্রবেশ

রোজালিন্দ। মনে হচ্ছে তার মুখে অনেক খবর আছে।

সিলিয়া। পায়রাগুলো যেমন তাদের বাচ্চাদের মুখে খাবার ঢেলে দেয় তেমনি উনিও বোধহয় সেই খবরের রোকাটা আমাদের ওপর ঢেলে দেবেন।

রোজালিন্দ। তাহলে আমরা ত খবরের জারে ভারাক্রান্ত হয়ে পড়ব একেবারে।

সিলিয়া। তাতে বরঞ্চ ভালই হবে। এতবেশী খবরের বোঝা থাকলে

বাজারে আমাদের দাম বাড়বে। নমস্কার লে বো মশাই, খবর কি ?
লে বো। সুন্দরী রাজকুমারী ! ভাল খেলা হলো, দেখতে পেলেন না !
সিলিয়া। খেলা ! কী ধরনের ?
লে বো। কী ধরনের খেলা ? কি করে বলব ?
রোজালিন্দ। যেমন করে আপনার বুদ্ধি আর অদৃষ্ট বলাবে।
টাচস্টোন। ভাগ্যের বিধান অল্পসারেই বলবে।
রোজালিন্দ। আপনার কিন্তু সেই আগেকার চটক আর নেই।
লে বো। আপনারা আমাকে অবাক করলেন ! আমি আপনাদের কুস্তি
খেলার কথাই বললাম যে খেলাটি আপনারা দেখতে পেলেন না।
রোজালিন্দ। তাহলেও কিভাবে খেলাটা হয়েছে তা বলতে পারেন।
লে বো। আমি শুধু প্রথমটার কথা বলব। যদি আপনাদের তা ভাল-লীগে
তাহলে আপনারা শেষটা দেখতে পারেন, কারণ শেষটা এখনো বাকি আছে
আর ঠুথানেই সেটা হবে।
সিলিয়া। যেটা হয়ে গেছে ঘরে গেছে তার কথা বাহর দিন, তাকে কবর দিন।
লে বো। একটা বুড়োলোক এল, সঙ্গে তার তিনটে ছেলে।
সিলিয়া। আপনার বর্ণনার শুরুটা দেখে আমার এক পুরনো গল্পের কথা
মনে পড়ল।
লে বো। তিনজন ছোকরাই খুব যোগ্য। যেমন তাদের চেহারা, তিনজন
চমৎকার দেখতে।
*রোজালিন্দ। তাদের গলায় একটা করে কাগজ আঁটা : এইসব পুরস্কারের
দ্বারা জনসাধারণকে জ্ঞাত করা যাচ্ছে—
লে বো। এই তিনজন যুবকের মধ্যে সবচেয়ে যে বড় সেই ডিউকের কুস্তি-
গীর চার্লসের সঙ্গে লড়ল। কিন্তু চার্লস মুহূর্তের মধ্যে তাকে ফেলে দিলে
তার তিন তিনটে পাঁজরা ভেঙ্গে দিল, এখন তার জীবনের আশাই কম।
দ্বিতীয় এবং তৃতীয় যুবকেরও এই দশাই ঘটল। ওইখানে তারা পড়ে রয়েছে।
তাদের বুড়ো বাবা এমনভাবে কান্নাকাটি করছে যে দর্শকরাও তার সঙ্গে
কান্নাতে শুরু করে দিয়েছে।
রোজালিন্দ। হায় !
টাচস্টোন। কিন্তু মশাই, আপনি যে খেলার কথা বললেন তা এঁরা দেখতে
পাননি সে খেলার খবর কি ?
লে বো। কেন, এই ত বললাম।
টাচস্টোন। এই বুঝি দিনে দিনে মানুষের বুদ্ধি বেড়েছে। এই আমি
প্রথম স্তন্যাম, মানুষের হাড়-পাঁজরা ভাঙারি তোমাশা দেখে মেয়েরা আনন্দ
পায়।
সিলিয়া। আমিও তোমাকে সমর্থন করি।

রোজালিন্দ। এর পরেও কি কোন মানুষ হাড্ডাপার শব্দ শুনতে চাইবে? এর পরেও কি কেউ পাঞ্জরা ভাঙ্গা দেখবে? আচ্ছা ভাই, আমরাও কি কৃষ্টি দেখব?

লে বো। আপনাদের অবশ্যই দেখতে হবে। যদি আপনারা এখানে থাকেন। কারণ কুস্তিখেলার জন্তু এই জায়গাটাই নির্দিষ্ট হয়েছে। আর ওরা খেলার জন্তু এখানেই আসছে।

সিলিয়া। ওই নিশ্চয় ওরা আসছে। তাহলে থেকেই যাও, দেখা যাক ব্যাপারটা।

বান্ড। ডিউক ফ্রেডারিক, সভাসদগণ, অর্ল্যাণ্ডো, চার্লস ও অল্পচরবর্গের প্রবেশ ডিউক। তাহলে শুরু করো, ছোকরা যখন কোন কথা শুনবে না তখন তার ফল ভোগ করুক।

রোজালিন্দ। ঐ লোকটিই কি?

লে বো। আজ্ঞে হ্যাঁ।

সিলিয়া। হায় হায়। খুবই কম বয়স। তবু ওকে খুব পাকা খেলোয়াড় বলে মনে হচ্ছে।

ডিউক। কী খবর, তোমরাও দেখছি কুস্তি দেখার জন্তু এখানে কখন চলে এসেছে।

রোজালিন্দ। আপনি যদি অহুমতি দেন ত দেখব।

ডিউক। কিন্তু এতে তোমরা কোন আশ্বাস পাবে না। ছেলেটা বড় এক-ভয়ে। ওর বয়স কম দেখে আমি ওকে প্রতিনিবৃত্ত করার জন্তু অনেক চেষ্টা করেছিলাম। কিন্তু ও আমার কথা শুনবে না। ওর সঙ্গে কথা বলে দেখ দেখি, যদি কোনরকমে ঠেকিয়ে রাখতে পার।

সিলিয়া। ওকে একবার এখানে ডেকে আনুন ত মশাই লে বো।

ডিউক। তাই দেখ, আমি এখানে থাকব না। (ডিউক ফ্রেডারিক সরে গেলেন)

লে বো। ও মশাই প্রতিযোগী ছোকরা, রাজকন্যার আপনাকে একবার ডাকছেন।

অর্ল্যাণ্ডো। সদম্মানে আমি তাঁদের আশ্বাস গ্রহণ করছি।

রোজালিন্দ। আপনিই কি চার্লসের সঙ্গে লড়াই করার জন্তু তাঁকে আশ্বাস জানিয়েছেন?

অর্ল্যাণ্ডো। আজ্ঞে না। সেই বরং সবাইকে আশ্বাস জানিয়ে বেড়ায়। আমি আর পাঁচজনের মত আমার যৌবনের শক্তিটুকু পরীক্ষা করতে এসেছি।

সিলিয়া। আপনার বয়সের জুলনার আপনার সাহস খুব বেশী। এই লোকটার ক্ষমতার নিষ্ঠুর পরিচয় আপনি দেখেছেন। আপনি যদি নিজের

চোখে তা দেখে থাকেন আর নিজের বিচারবুদ্ধির সঙ্গে তা জেনে থাকেন, তাহলে এ শক্তি পরীক্ষায় আপনার ভীত হওয়া উচিত ছিল এবং সমানে সমানে লড়াই করার ব্যবস্থা করতে হত। আপনার নিরাপত্তার জন্তেই আপনাকে এই দুঃসাহসিক কাজে যোগদান করতে নিষেধ করছি।

রোজালিন্দ। আপনি আমাদের কথা রাখুন। এতে আপনার খ্যাতি কিছুমাত্র ক্ষুণ্ণ হবে না। এ কুস্তি বন্ধ করে দেবার জন্তে আমরা আবেদন জানাব ডিউকের কাছে।

অর্ল্যাণ্ডো। আমার বিনীত অনুরোধ, আপনাদের এইমত আশঙ্কাপূর্ণ চিন্তার দ্বারা আমায় কষ্ট দেবেন না। আমি স্বীকার করছি, আপনাদের কথা রাখতে না পেরে নিজেকেই অপরাধী মনে হচ্ছে। কিন্তু আমার শক্তি পরীক্ষার সময় আশাকরি আপনাদের সদয় দৃষ্টি আর শুভেচ্ছার মাধুর্য থেকে বঞ্চিত হব না। যদি আমি হেরে যাই তাহলে জানবেন এমন একজন লজ্জিত হবে যে কোনদিন কোন সম্মান পায়নি। আর যদি মরে যাই ত জানবেন এমন একজন মরেছে যে ধরতে চেয়েছে। আমার মৃত্যুতে কোন বন্ধুর বৃকে ব্যথা বাজবে না। কারণ আমার মৃত্যুতে শোকদুঃখ করার মত কেউ নেই। আমার এই মৃত্যুতে পৃথিবীর কোন ক্ষতি হবে না। কারণ পৃথিবীতে আমার বলতে কিছু নেই। আমি শুধু এই পৃথিবীতে এক অবাঞ্ছিত বোঝার মত এমন একটা জায়গা জুড়ে আছি আমি মরে গেলে সে জায়গাটা অন্য কোন যোগ্য লোকের দ্বারা পূরণ হবে।

রোজালিন্দ। আমার ক্ষমতা অতি সামান্য। তবু সেই ক্ষমতা দিয়ে যদি আপনাকে সাহায্য করতে পারতাম।

সিলিয়া। আমারও শক্তি থাকলে তাই করতাম।

রোজালিন্দ। তাহলে বিদায়। ভগবান করুন, আপনার শক্তি সবক্কে আমাদের ধারণা যেন সফল হয়।

সিলিয়া। আপনার অন্তরের বাসনা যেন সফল হয়।

চার্লস। কই সেই দুঃসাহসী ছোকরা, পৃথিবীমাতার কোলে শোবার জন্য যে খুব উদ্গ্রীব হয়ে উঠেছে?

অর্ল্যাণ্ডো। আমি প্রস্তুত স্যার। তবে আমার ইচ্ছাটা কিন্তু অত ছোট নয়। ডিউক। খেলা একদফাই চলবে।

চার্লস। না। আপনার প্রথম অনুরোধ যখন ও শোনেছি তখন আর ওকে দ্বিতীয়বার অনুরোধ করবেন না ছড়র।

অর্ল্যাণ্ডো। খেলার পরে আমায় ঠাট্টা করলে পাবতে, আগে নয়। যাই-হোক, এম।

রোজালিন্দ। হে ধুবক, শক্তির দেবতা ক্যামিডিউলিস তোমার দেহে ভর করুন।

সিলিয়া। আমার ইচ্ছা হচ্ছে আমি অদৃশ্যভাবে উড়ে গিয়ে লোকটার পাটা টেনে ধরি।
(কুপ্তি শুরু হলো)

রোজালিন্দ। চমৎকার। সাবাস যুবক।

সিলিয়া। যদি আমার চোখে বিদ্যাতের গতি থাকত তাহলে কে জিতবে আগেই বলে দিতাম।
(চার্লসএর পতন, চারিদিকে হর্ষধ্বনি)

ডিউক। আর না, আর না।

অর্ল্যাণ্ডো। আমার বিনীত অহুরোধ হুজুর, এখনো আমার কোন শাসকষ্ট হয়নি।

ডিউক। কেমন বোধ করছ চার্লস?

লে বো। ও কথা বলতে পারছে না হুজুর।

ডিউক। গুকে সরিয়ে নিয়ে যাও। তোমার নাম কি যুবক?

অর্ল্যাণ্ডো। অর্ল্যাণ্ডো হুজুর। স্মার রোলাণ্ড ছ বয়ের কনিষ্ঠ পুত্র।

ডিউক। তুমি যদি অল্প কারো পুত্র হতে তাহলে ভাল হত। তোমার বাবাকে সবাই সম্মান করে শ্রদ্ধা করে। কিন্তু আমি তাঁকে এখনো আমার শত্রু বলেই মনে করি। তুমি যদি অল্প কোন বংশের ছেলে হতে তাহলে তোমার আজকের এই বীরত্বপূর্ণ কাজে আমি আরো বেশী খুশি হতাম। যাই হোক, বিদায়। তুমি একজন বীর যুবক। তোমার পিতা যদি অল্প কেউ হতেন তাহলে ভাল হত।

(ডিউক, লে বো ও অহুচরবর্গের প্রস্থান)

সিলিয়া। আমি যদি আমার বাবা হতাম তাহলে আমি কি এটা করতে পারতাম?

অর্ল্যাণ্ডো। স্মার রোলাণ্ড ছ বয়ের কনিষ্ঠ পুত্র হিসাবে আমি সত্যি গৌরব বোধ করছি। ফ্রেডারিকের পোস্তপুত্র হিসাবে তাঁর সমস্ত সম্পত্তির অধিকারের পরিবর্তেও এ গৌরব আমি ত্যাগ করতে চাই না।

রোজালিন্দ। আমার বাবা স্মার রোলাণ্ডকে তাঁর নিজের আগ্রার মত ভালবাসতেন এবং সবাই তাঁকে শ্রদ্ধা করত। তিনি ছিলেন সর্বজনপ্রিয়। আগে যদি জানভাম এ যুবক তাঁর পুত্র তাহলে আমার অহুরোধের দ্বারা অশ্র-মিশিয়ে এই দুঃসাহসিক কাজ থেকে নিবৃত্ত করতাম তাকে।

সিলিয়া। চল বোন। তাকে ধন্যবাদ ও উৎসাহ দিয়েছে। বাবার রুচ ও ঈর্ষান্বিত আচরণে আমার প্রাণে বাধা লেগেছে। এ বিজয়গৌরব আপনার প্রাণ। প্রেমের ব্যাপারেও আপনি যদি এইভাবে আপনার প্রতিশ্রুতি রক্ষা করে চলেন তাহলে আপনার প্রণয়িনী নিশ্চয়ই সুখী হবেন।

রোজালিন্দ। হে সৃজন। (কণ্ঠ হতে হাত ধুয়ে অর্ল্যাণ্ডোকে দিয়ে)

আমার পক্ষ হতে এ উপহার গ্রহণ করুন। দেবার মত এই সামান্য দান বা ছিল তাই দিলাম। আরো দিতে প্রাণ চাইছে, কিন্তু হাতে ত আর কিছু

মেই। আচ্ছা বোন, আমরা কি এবার যেতে পারি ?

সিলিয়া। তাহলে আসি, আমরা বিদায় নিচ্ছি আপনার কাছ হতে।

অর্ল্যাণ্ডো। 'খন্ডবাদ আপনাদের,' একথাটাও কি বলতে পারি না আমি।

আমার সব ভাল গুণগুলোই যেন চলে গেছে। যা এখন আমার মধ্যে আছে তা এক প্রাণহীন পাষণ ছাড়া আর কিছুই না।

রোজালিন্দ। উনি আমাদের ডাকছেন। আমাদের সৌভাগ্যের সঙ্গে সঙ্গে আমার গর্বেও পতন ঘটেছে। আপনি কি আমাদের ডাকছিলেন? শত্রুর সঙ্গে সঙ্গে আরো কিছুকে আপনি পরাজিত করেছেন।

সিলিয়া। তুমি কি যাবে বোন ?

রোজালিন্দ। আচ্ছা আপনি যান। বিদায়।

(রোজালিন্দ ও সিলিয়ার প্রস্থান)

অর্ল্যাণ্ডো। কী এক আবেগে কণ্ঠবোধ হচ্ছে আসছে আমার। মুখে কথা সরছে না। আমি তার সঙ্গে কথা বলতে পারিনি, তবু সে কত কথাই না বলল। হায় বেচারী অর্ল্যাণ্ডো! তুমি আজ পরাভূত। চার্লস কেন, তার থেকেও দুর্বল কোন প্রাণীর কাছে আজ বশীভূত তুমি!

লে বোর প্রবেশ

লে বো। কিছু মনে করবেন না মশাই। বন্ধু ভেবেই আমি আপনাকে এ স্থান ত্যাগ করার উপদেশ দিচ্ছি। যদিও আপনি এখন প্রচুর অন্ধা ভালবাসা এবং উচ্চ প্রশংসার যোগ্য, তথাপি ডিউকের মনের অবস্থা দেখে মনে হচ্ছে তিনি আপনাকে সন্দেহ করছেন। ডিউক বড় খামখেয়ালী। এবার আমার কিছু বলার থেকে আপনি অল্পমান করে নিন তিনি কী ধরনের লোক।

অর্ল্যাণ্ডো। আপনাকে সত্যিই খন্ডবাদ। তবে আমার অহুরোধ একটা কথার উত্তর দিন: কুস্তির সময় যে ছুটি মেয়ে এখানে ছিল তাদের মধ্যে কে ডিউকের মেয়ে ?

লে বো। আচরণ দেখে যদি বিচার করি তাহলে বলব কেউ তার মেয়ে না। তবে দুজনের মধ্যে যে ছোট সেই হচ্ছে ডিউকের মেয়ে। অল্পটি হলো নির্বাসিত ডিউকের মেয়ে। বর্তমান ডিউক তার মেয়েকে সঙ্গ দান করার জন্য তাকে প্রাসাদে রেখে দিয়েছে। আর ডিউককন্যা তাকে নির্বাসিত রোমের থেকেও ভালবাসে। তবে একটা কথা বলে রাখছি, সন্দেহি ডিউক তার এই শাস্তিশিষ্ট ভাইবিটির উপর রুষ্ট হয়ে উঠেছেন। তার মেয়ে এই যে তার গুণের জন্য সবাই তার প্রশংসা করে আর তার নির্বাসিত খাবার কথা ভেবে তাকে দেখে সবাই দুঃখ করে এবং আমি বেশ বুঝতে পারছি ডিউকের এই চাপা হিংসা যেকোন সময়ে হঠাৎ কেটে পড়তে পারে। আচ্ছা মশাই বিদায়। যদি কখনো এর থেকে ভাল কোন জায়গায় দেখা হয় তখন আমার আরো প্রীতি জানাব, তখন আপনার সঙ্গে আরো ঘনিষ্ঠ পরিচয়

হবে আমার।

অল্যাগো। আপনার কাছে আমি বিশেষভাবে কৃতজ্ঞ রইলাম। বিদায়।
(লে বোর প্রধান) এবার আমার ধুম থেকে আগুনের মাঝে গিয়ে পড়তে হবে। হিংস্র অত্যাচারী ডিউকের হাত থেকে বেঁচে গিয়ে পড়তে হবে অত্যাচারী ভাইএর খপ্পরে। তবে একটা দাস্তানা, স্বর্ণপ্রতিমাসম রোজালিন্দের স্মৃতি আমার অন্তরে থাকবে চির জাগরুক।

(প্রস্থান)

তৃতীয় দৃশ্য : ডিউকের প্রাসাদ।

সিলিয়া ও রোজালিন্দের প্রবেশ

সিলিয়া। কেন বোন! কেন রোজালিন্দ! প্রেমদেবতার দিব্যি, আর একটুকু কথা বলবিনে।

রোজালিন্দ। কথা বলবি কী, কুকুরকে বলার মতও একটা কথা আমার নেই।

সিলিয়া। না ভাই, তোর কথার দাম এত বেশী যে তা কখনো কুকুর বেড়ালের উপর ছুঁড়ে ফেলা যায় না বরং তার কিছু আমার ওপর ছুঁড়ে ফেল। নে, এবার আমার যুক্তি দিয়ে কার্য কর ত দেখি।

রোজালিন্দ। তাহলে ত দেখছি দুটি বোনই হলো ধরাশায়ী। একজন হলো যুক্তির স্বাধীনতা খোঁড়া আর এক বোন হলো যুক্তির অভাবে উন্নত।

সিলিয়া। এসব কি তোমার পিতার দুঃখে?

রোজালিন্দ। না, কিছুটা তাঁর জন্যে আর কিছুটা আমার সম্ভানের পিতার জন্যে। এই দৈনন্দিন জীবন কী কাঁটায় ভরা সিলিয়া!

সিলিয়া। ওগুলো হচ্ছে চোরকাঁটা বোন, খেলার ছলে তোমার গায়ে জড়িয়ে ধরেছে। আমরা বাঁধা পথ ছেড়ে যদি বেগখে চলি তাহলে ওরা আমাদের পরনের পোষাকে আটকে ধরবেই।

রোজালিন্দ। পোষাকে আটকে ধরলে ত আমি তাদের ঝেড়ে কলে দিতে পারতাম। কিন্তু তারা আমার অন্তরে যে বিধে গেছে।

সিলিয়া। তাহলে অন্তরের মনোই গঁথে রাখ।

রোজালিন্দ। তারজন্যে চেষ্টা করব যদি আমি তাকে ডাকলেই পাই।

সিলিয়া। থাক, তোমার প্রেমের সঙ্গে এবার কৃষ্টি লড়। লড়ে তোমাকে জয় করো।

রোজালিন্দ। কিন্তু সে যে আমার থেকে বড় কৃষ্টিগীর।

সিলিয়া। তোমার ওপর আমার শুভেচ্ছা রইল। পড়ে পোষা আবার চেষ্টা করবে। বাইহোক, এইসব ঠাট্টা ভাষাশা ছেড়ে কামের কথায় এস।

আচ্ছা এটা কি সম্ভব, হঠাৎ একবার দেখার সঙ্গে সঙ্গে আমার রোজালিন্দের কনিষ্ঠ পুত্রটিকে তুমি ভালবেসে ফেললে?

রোজালিন্দ। আমার বাবা আগেকার ডিউক এর বাবাকে খুবই ভাল-বাসতেন।

সিলিয়া। তাই বলে কি তাঁর ছেলেকেও তুই ভালবাসবি? ভালবাসার এই যদি প্রথা হয় তাহলে তাকে আমাকে ঘৃণা করতে হয়, কারণ আমার বাবা তাঁর বাবাকে ঘৃণা করতেন। কিন্তু তা হলেও আমি অর্ল্যাণ্ডকে ঘৃণা করি না।

রোজালিন্দ। না, হেই ভাই, তুই যেন আমার মুখ চেয়ে ওকে ঘৃণা করিস না। সিলিয়া। কেন করব না? সে কি ঘৃণার যোগ্য নয়?

ডিউক জেভারিক ও সভাসদগণের প্রবেশ

রোজালিন্দ। তাই ও আমি ওকে ভালবেসে ফেলেছি। আর ভালবাসছি বলে তুইও যেন ওকে ভালবাসিস। ওই দেখ, ডিউক আসছেন।

সিলিয়া। তাঁর-চোখ দুটো দেখে যেন হচ্ছে রাগে ভরা।

ডিউক। ভাড়াভাড়ি করো রোজালিন্দ, আমার প্রাসাদ থেকে বত তাড়া-ভাড়ি পার সরে যাও। তাতেই তোমার পক্ষে মঞ্চল।

রোজালিন্দ। আমি কাকাবাবু!

ডিউক। হ্যাঁ হ্যাঁ তুমি। আজ হতে দশ দিনের মধ্যে যদি আমার এই প্রাসাদের কুড়ি মাইলের মধ্যে ভোমাকে কোথাও পাওয়া যায় তাহলে তোমার মৃত্যু অবধারিত।

রোজালিন্দ। ঠিক আছে, তবে আমার অহুরোধ, আমার দোষের কথাটা জানতে দিন। নিজের বুদ্ধির খবর যদি আমার অজানা না হয়, যদি আমার নিজের কাহনা বাসনার সঙ্গে আমার কোন পরিচয় থাকে, যদি আমি জেগে জেগে স্বপ্ন না দেখি অথবা পাগল হয়ে না যাই, এবং আমি জানি পাগল আমি হইনি—তাহলে হে প্রিয় পিতৃব্য আমার, আমি দুরাগত চিন্তা-তেও কোনদিন কোন ক্ষতি করিনি আপনার।

ডিউক। সব বিশ্বাসঘাতকেরাই বলে থাকে একথা। তাদের কথা মশা দিয়েই যদি তাদের চিন্তাশক্তি ঘটত তাহলে তারা সবাই স্বর্গীয় সুষমার মতই হত অমলিন আর পবিত্র। কিন্তু আসলে তা নয়। যাক, আর কথায় দরকার নেই, আশাকরি এইটুকু বললেই তোমায় যথেষ্ট বলা হবে যে আমি তোমায় আর বিশ্বাস করি না।

রোজালিন্দ। কিন্তু আপনি অবিশ্বাস করলেই ত আমি বিশ্বাসঘাতক হইতে পড়ছি না। আমায় বলুন, কিসের উপর ভিত্তি করে আপনি আমায় বিশ্বাস করেন? হনো?

ডিউক। তুমি তোমার বাবার মেয়ে, এইটাই যথেষ্ট।

রোজালিন্দ। আপনি যখন ডিউকপদ কল্পাবৃত্ত করেন তখনও আমি আমার পিতার কন্যা ছিলাম, যখন আপনি আমার পিতাকে নির্বাসিত করেন তখনও আমি তাই ছিলাম। আমার পিতাকে যদি রাজদ্রোহিতার অপরাধে অভিযুক্ত করেন তাহলে সে রাজদ্রোহিতা উত্তরাধিকার সূত্রে তাঁর সন্তানের

যথো বর্তাবে এমন কোন কথা নেই। আর আমাদের বন্ধুবান্ধব ও বাবার হিতৈবী জোকেরা যদি আমাকে রাজস্রোহিতার জন্ত পরামর্শও দেয় তাতে আমার কী আসে যায়? তাছাড়া আমার বাবা ত সত্যিই বিশ্বাসঘাতক ছিলেন না। সুতরাং দয়া করে আমায় ভুল বুঝবেন না, কখনই ভাববেন না আমি গরীব বলে বিশ্বাসঘাতক।

সিলিয়া। আমাকে কিছু বলতে দিন।

ডিউক। হ্যাঁ সিলিয়া, আমরা ওকে তোমার জন্তই এখানে থাকতে দিয়েছিলাম। তা না হলে ওকে ওর বাবার সঙ্গেই চলে যেতে হত।

সিলিয়া। আমি ত আর ওকে রাখার জন্তে আপনাকে অনুরোধ করিনি, আপনিই খেছায় ওকে রেখে দিয়েছিলেন। জামি না খুশি বা অসুশোচনা কিসের জন্তে। তখন আমি এত ছোট ছিলাম যে ওর মূল্য বোকা সম্ভব ছিল না আমার পক্ষে। কিন্তু এখন আমি ওকে বুঝি। ও যদি বিশ্বাসঘাতক হয়, তাহলে আমিই বা তা হব না কেন? আমরা দুজনে একসঙ্গে যুমোই, একসঙ্গে উঠি; একসঙ্গে লেখাপড়া শিখেছি এবং একসঙ্গে খাওয়া দাওয়া করি। যখন যেখানে গিয়েছি, জুনের হংসযুগলের মত একসঙ্গে অবিচ্ছিন্নভাবেই গিয়েছি।

ডিউক। ওর মনটা এত সুন্দর আর কুটিল যে ওকে বোকা তোমার সাধ্য নয়। ওর মার্জিত স্বভাব, নীরবতা, দৈর্ঘ্য সবই একটা মিথ্যা চতুরালি ছাড়া আর কিছুই না। পাঁচজনের সঙ্গে কথা বলে দেখ, সবাই ওকে করুণা করে, ওর প্রশংসায় সবাই পঞ্চমুখ। আসলে ও তোমার সুনামটাই ছিনিয়ে নিয়েছে জনগণের কাছ থেকে। তুমি হচ্ছে বোকা। তুমি বুঝতে পারছ না, ওর অবর্তমানে তোমার রূপগুণের কথা আরও উজ্জলভাবে প্রকাশ পাবে। সুতরাং আর কোন কথা বলবে না। তার উপর যে দণ্ডাজ্ঞা আমি জারি করেছি তা হচ্ছে অটল এবং অপরিবর্তনীয়; আমার রাজ্য থেকে ও নিবাসিত।

সিলিয়া। তাহলে আমার উপরেও অস্বরূপ দণ্ডাজ্ঞা জারি করুন। তার মঙ্গ ছাড়া আমি থাকতে পারব না।

ডিউক। তুমি একটি আশু বোকা। শোন ভাইবি, সব ব্যবস্থা করে ফেল। আমার আদেশ নড়চড় হবার নয়। যদি তুমি নির্দিষ্ট সময়ের অতিরিক্ত এখান থেকে যাও তাহলে তোমার মৃত্যু অনিবার্য।

(ডিউক ও সিলিয়ার গুণের প্রশংসন)

সিলিয়া। হায় আমার হতভাগিনী রোজালিন্দ! কী খায় যাবে তুমি? আমার বাবা কি তোমার বাবা হতে পারে না? তা যদি হয় তাহলে আমার বাবাকে তোমায় দিয়ে তোমার স্বাধীন আমি গ্রহণ করব এটা জেনে রেখো, তোমার থেকে আমি জেনে কিছু কম দুঃখিত হইনি।

রোজালিন্দ! কিন্তু তোমার থেকে আমার দুঃখের কারণটা বেশী।
সিলিয়া। না, তা নয় বোন! দুঃখ করো না, হুশী হবার চেষ্টা করো।
তুমি কি বুঝতে পারছ না, ডিস্টক আসলে আমাদের অর্থাৎ তাঁর নিজের
মেয়েকেই নিরাসিত করছেন?

রোজালিন্দ! কিন্তু তা ত তিনি করেননি।

সিলিয়া। তা করেননি? তাহলে বলব রোজালিন্দের মধ্যে সে ভালবাসা নেই
যে ভালবাসার বলে তোমাকে ও আমাকে এক ও অভিন্ন বলে ভাবতে শিখেছি
আমি। আমরা দুজনে কি তাহলে বিচ্ছিন্ন হব? না, তা কখনই না। আমার
বাব তাঁর মনোমত উত্তরাধিকারী বেছে নিন। সুতরাং এখন এস দুজনে
একদিকে বসে চিন্তা করি, কোথায় এবং কিভাবে আমরা এখান থেকে পালিয়ে
যেতে পারি, কাকে বা কি কি সঙ্গে নিতে পারি। নিজের ভাব নিজের উপর
সব তুলে নিতে দাও না। আমাকে একা ফেলে রেখে সব দুঃখের বোঝা একা
বহিতে যেও না। এখন এস, যা দুঃখ করার আমরা দুজনে একসঙ্গেই তা করব।
এখন বল কি কতদূর পারবে। আমি তোমার সঙ্গেই যাব।

রোজালিন্দ! কেন, কোথায় তাহলে আমরা যাব?

সিলিয়া। আর্ডেনের বনভূমিতে গিয়ে জার্টামশাইএর খোঁজ করব।

রোজালিন্দ! হার! আমরা দুজনেই কুমারী মেয়েছলে। এতদূর পথ যাওয়া
আমাদের পক্ষে ত সম্ভবই পূর্ব বিপদের কথা হবে। মনে রেখো, দুর্ভাগ্যদের
কাছে সম্পদের থেকে সৌন্দর্যের প্রলোভন আরো বেশী।

সিলিয়া। আমি ছেঁড়া আর ময়লা পোষাক পরব, মূখে একরকমের কালি
ঝুলি মাখব। ভুইও তাই কর। এইভাবে আমরা পথ হাঁটব। তাহলে কেউ
আমাদের দিকে তাকাবে না।

রোজালিন্দ। তার থেকে এক কাজ করলে হয় না? যেহেতু আমি সংস্কার
মেয়ের থেকে একটু লক্ষ্য, আমি পুরুদের বেশ ধরি। আমার কটিবন্ধে থাকবে
একটা কিরীচ আর আমার হাতে থাকবে একটা বর্শা। অনেক কাপড়ের
লোকের মত আমার বাইরে চোখে মুখে একটা যোদ্ধা-যোদ্ধা ভাব থাকলেও
আমার অন্তরে থাকবে এক নারীসুলভ শব্দ।

সিলিয়া। তুমি পুরুষ সাজলে কি বলে আমি ডাকব?

রোজালিন্দ। জোভের চাকরের য: নাম ছিল আমারও নাম তাই হবে।
আমাকে তাই গ্যানিমীড বলে ডাকবি। কিন্তু তোর নাম কি হবে?

সিলিয়া। আমার নাম হবে আমার পোষাকের উপযুক্ত আর সিলিয়া নয়,
এবার হতে আমার নাম হবে এ্যালিয়েন।

রোজালিন্দ। আচ্ছা বোন, তাঁর বাসায় বাসুন্ডা থেকে যদি আমরা ত্রি
বিদ্রবক ভাঁড়টাকে গোপনে নিয়ে যাই তাহলে ভাল হয় না? ও আমাদের
পথকষ্টের মাঝে মাঝে আনন্দ দেবে।

সিলিয়া। হ্যাঁ হ্যাঁ, তাই হবে, আমি যেখানে যাব ও আমার সঙ্গে যাবে।
ওকে মেবার ভারটা আমার উপর ছেড়ে দে। চল আমরা সোনারানা যা—সব
সঙ্গে মেবার ঠিক করে নিইগে। তারপর ঠিক করতে হবে আমরা কখন আর
কোন পথে রওনা হব যাতে আমরা চলে গেলে জরা খোঁজ করে না পায়।
সুতরাং এখন আমরা এই ভাবে খুশি হব যে নির্বাসন নয়, আমরা লাভ করতে
চলেছি মুক্তির এবং অদুরন্ত আনন্দ।

(উভয়ের প্রস্থান)

□ দ্বিতীয় অঙ্ক □

প্রথম দৃশ্য। আর্ডেনের বনভূমি।

বনবাসীর বেশে ডিউক সিনিয়র, গ্র্যামিয়েন্স্ ও

দুই ক্রিনজন লর্ডস্‌এর প্রবেশ

ডিউক সিনিয়র। আমার ভ্রাতৃপ্রতিম নির্বাসিত সহচরেরা, বনবাসের এই
প্রাচীন জীবনযাত্রা কি নাগরিক জীবনের কৃত্রিম ঐর্ষ্য ও জাঁকজমক থেকে
বেশী মনোহর না? সত্যত বড়বঙ্গপূর্ণ রাজসভা থেকে এই বনভূমি কি কম
বিপজ্জমক না? এখানে কোন আদিম প্রলোভনজনিত কোন দণ্ড নেই,
কতুর্বেচ্ছিয়াগত আবহাওয়ার তারতম্য ছাড়া অল্প কোন বস্তু নেই এখানে।
এমন কি শীতের হিমাক্ত বাতাস যখন আমাদের গায়ের উপর দিয়ে বয়ে যেতে
যেতে দংশন করে তখনও খারাপ লাগে না, তখন শীতে কাপতে কাপতে
হাসিমুখে বলতে পারি, এটা তোমামোদ না; এরা হচ্ছে আমার প্রকৃত বন্ধু ও
পরামর্শদাতা যারা বাস্তব অস্তিত্বের মধ্য দিয়ে আমায় প্রকৃত অবস্থার কথা
অকপটে স্মরণ করিয়ে দিচ্ছে। যেকোন দুঃখ ও বিপদের পরিণামই মধুর।
আপাতদৃষ্টিতে যেকোন বিপদকে কুংসিত এক বিষমর ব্যাঙের মত মনে
হলেও ভাল করে দেখলে তার যথায় দেখা যাবে আশ্চর্য এক অমূল্য মণি।
আমাদের বন্ধ জীবন জনতার কোলাহল থেকে একেবারে মুক্ত; আমরা
গাছের মর্মরে ও নদীর কলতানে কত নীতি উপদেশ শুনতে পাই, প্রস্তর ও
উপলব্ধে দেখতে পাই কত অদৃশ্য ধর্মবাহী আর যখন যেদিকেই তাকাই কিছু
না কিছু ভাল দেখতে পাই সব কিছুতে। কোন কিছুর বিনিময়েই এ জীবন
পরিবর্তন করতে চাই না আমি।

গ্র্যামিয়েন্স্। মজ্ঞ আপনার মহিমা প্রভু, যে মহিমার দ্বারা আপনি আপনার
ভাগ্যের এই নিষ্ঠুর বিধানকে এক মধুর তাৎপর্য দিয়ে মণ্ডিত করে তুলছেন।

ডিউক সিনিয়র। এস, চল আমরা কিছু হরিণ শিকার করে নিয়ে আসি।

তবে এটা ভাবতে মনে ব্যথা পাই যে বনের আশ্রিত অধিবাসী এইসব
নির্বোধ প্রাণীগুলো বাইরের লোকদের দ্বারা আমাদের নিজেদের বাসভূমিতে

শরবিদ্ধ ও ক্ষতবিক্ষত হবে।

প্রথম লর্ড। তা বটে। বিষাদপ্রবণ জাঁকও এই নিয়ে দুঃখ করছিল। বলছিল,

আপনার ভাই-এর যত আপনিও কম ক্ষতিকারক নন। উনি আপনাকে আপনার রাজ্য থেকে নিবাসিত করেছেন আর আপনি অনেক বনের জন্তুকে আপন স্বার্থের বাস্তিতে বধ করছেন। আজ আমি আর এ্যামিয়েন্স্ হুজনে তার অলঙ্ক্য দেখলাম, সে এক প্রাচীন ওক গাছের তলায় শুয়েছিল। গাছটার শিকড়গুলো বনান্তরালবর্তী নদীর তীর পর্যন্ত চলে গেছে। সেখানে একটি নিঃসঙ্গ বনহরিণ ব্যাধের শরে আহত হয়ে যন্ত্রণায় চীৎকার করছিল কোনরকমে পালিয়ে এসে। নদীর ধার ঘেঁষে দাঁড়িয়েথাকা হরিণটার চোখ থেকে জলের ফোঁটা ঝরে পড়ছিল নদীর ক্ষত প্রবাহমান জলের উপর। এতে জ্যাক দুঃখে খুব কাঁড় হয়ে উঠেছিল।

ডিউক। কিন্তু জ্যাক কি বলছিল? এই দৃশ্যটা দেখে কোন নীতিকথা বলেনি?

প্রথম লর্ড। ই্যা, ই্যা বলছিল যানে? কত উপমা দিয়ে বলছিল। প্রথমতঃ নদীর জলের উপর অযথা হরিণটার চোখের জল ঝরেপড়া দেখে বলছিল, 'হার রে হতভাগ্য যুগ, জগতের মানুষরা বা করে তুইও তাই করছিস, যাদের বেশী আছে তাদেরকেই দান করছিস অকাতরে; তেলা মাথায় তেল দিচ্ছিস তুই।' তার স্মৃথের পায়রা বন্ধুদের দ্বারা পরিত্যক্ত হওয়ার জন্তু বলছিল, ঠিকই হয়েছে, দুঃখের দিন এলে বন্ধুরা এমনি করেই পালায়। অদূরে একদল হরিণ স্মৃথে চড়ছিল আর মাঝে মাঝে তার পাশ দিয়ে লাফিয়ে বেড়াচ্ছিল। কিন্তু তারা একবার আহত হরিণটাকে চোখে চেয়ে দেখলেও না। তাদের মধ্যে জ্যাক বলল, বলিষ্ঠ ও মক্ষণদেহী নাগরিকবৃন্দ, যাও যাও, তোমরা দূর থেকে তোমাদের এক হতভাগ্য নিঃস্র ও জন্মদেহ সহচরকে দেখে চলে যাচ্ছ! এইভাবে জ্যাক আমাদের বেশ, সমাজ, নগর, রাজসভা এবং সমগ্রভাষে মানব জীবনকে তার তীক্ষ্ণ সমালোচনার দ্বাৰা বিদ্ধ করতে লাগল। বলল, আমরাও সকলে এক একজন অভ্যচারী পরস্বাপহরণকারী এবং সবচেয়ে দুঃখের বিষয়, আমরা বনে এসে বনের পশুগুলোকে তাদের বাসস্থানেই তীত সহ্য করে ভুলে হত্যা করে চলেছি।

ডিউক। তুমি কি তাকে এইরকম চিন্তাম্বিত অবস্থাতেই ফেলে রেখে চলে এসেছ?

দ্বিতীয় লর্ড। ই্যা স্যার, সে যখন ফ্রন্ডনরত হরিণটির জন্তু চোখে জল ফেলছিল আর বিড়বিড় করে বকছিল তখন তাকে সেই অবস্থায় দেখে চলে এসেছি।

ডিউক। আমাকে সে জায়গাটা দেখিয়ে দেবে কিন্ন। তাকে এইরকম রাগান্বিত অবস্থায় দেখতে আমরা যুব জল লান্নে এইসময় অনেক ভাল নতুন নতুন চিন্তা আর ভাবকথা তার মাথায় গজগজ করে।

তৃতীয় লর্ড। চলুন আপনাকে সোজা সেখানে নিয়ে যাই। (সকলের প্রস্থান)

দ্বিতীয় দৃশ্য। ডিউকের প্রাসাদ।

ডিউক ফ্রেডারিক ও লর্ডদের প্রবেশ

ডিউক ফ্রেডারিক। এটা কি সম্ভব যে কেউ তাদের দেখেনি? এটা হতেই পারে না। নিশ্চয় আমার রাজসভার কোন কোন শয়তানের সায় আছে এতে এবং এর সঙ্গে জড়িয়ে আছে।

১ম লর্ড। আমি ত এমন কারো কথা শুনি নি যে তাকে দেখেছে। তার খাসকামরার দাসী ও সহচরীরা তাকে রাত্রিবেলায় বিছানায় শুয়ে থাকতে দেখেছে, কিন্তু সকালে উঠে দেখে বিছানা খালি।

২য় লর্ড। আর, আপনার রাজসভার যে বিদুষক আপনাকে প্রায়ই হাসাত তাকেও পাওয়া যাচ্ছে না। রাজকুমারীর দাসী হিসপারিয়া বলছিল, সে নাকি আড়ি পেতে আপনার মেয়ে ও ভাইবিকে কুস্তিগীরের খুব গুণগান করতে শুনেছে যে চার্লসকে হারিয়েছে মন্ত্রযুদ্ধে। হিসপারিয়ার বিশ্বাস, ওরা ষেখানেই থাক সেই ছোকরা ওদের মঙ্গল নেবেই।

ডিউক। লোক পাঠাও তার ভাইয়ের কাছে। সেই বিজয়ী বীরকে নিয়ে এস এখানে। যদি সে না থাকে তাহলে তার ভাইকে নিয়ে এস আমার কাছে। আমি তাকে ধুঁজে বার করিয়ে তবে ছাড়ব। এটা খুব তাড়াতাড়ি করে ফেল। এইসব নিবোধে পলাতকদের ফিরিয়ে না আনা পর্যন্ত সম্মানকাঙ্ক্ষা যেন বন্ধ না হয়।

(সকলের প্রস্থান)

তৃতীয় দৃশ্য। অলিভারের বাসভবনের সম্মুখস্থ স্থান।

অর্ল্যাণ্ডো ও আদমের প্রবেশ

অর্ল্যাণ্ডো। কে এখানে?

আদম। কে, ছোটবাবু? আমার ছোট মনিব, সোনা মানিক আমার। আর রোল্যাণ্ডের স্মৃতির প্রতীক। তুমি এখানে কেন? কেন তুমি এমন গুণবান হতে গেলে? কেন তোমায় লোকে এত ভালবাসে? আর কেনই বা তুমি এত ভদ্র বলিষ্ঠ ও সাহসী? খেয়ালি ডিউকের প্রিয় মন্ত্রবীরকে কেন তুমি হারাতে গেলে? তুমি এখানে আসার আগেই তোমার জন্মের প্রশংসা লোকের মুখে মুখে এখানে এসে গেছে। তুমি কি জান না মনিব, কোন কোন লোকের ভাগ্যে তার গুণরাজিই শত্রু হয়ে দাঁড়ায়? তোমারও হতে পারে। তোমার পবিত্র চরিত্রগুণই বিশ্বাসঘাতকতা করেছে তোমার মঙ্গল। হুগু, কী আশ্চর্যময় এই পৃথিবী! মানুষের গুণমাপুরীই বিচ্যুত হয়ে দাঁড়ায় তার পক্ষে।

অর্ল্যাণ্ডো। এ কথা বলছ কেন, ব্যাপারটা কি?

আদম। হে হতভাগ্য যুবক, এই বাড়ির দুজার মধ্যে প্রবেশ করো না। তোমার শত্রুতে ভরা এই বাড়ি। তোমার স্বামী—না, না, যদিও মে তোমার বাবার পুত্র—না না, আমি তাকে তোমার লোকের ছেলে বলব না—তোমার জন্মের প্রশংসার কথা শুনেছে আর সঙ্গে সঙ্গে সে এই রাত্রিতেই তুমি যে ঘরে

থাকবে সেই ঘরে আগুন দিয়ে তোমায় পুড়িয়ে মারার ব্যবস্থা করেছে। এতে যদি সে ব্যর্থ হয় কোন কারণে তাহলে সে তোমাকে মারার অস্ত্র ফন্দী জাঁটবে। আমি আড়াল থেকে সব শুনেছি। এই বাড়ি বাড়ি নয়, এটা দশাইবান। ভয় ও ঘৃণাভরে এ বাড়িকে প্রত্যাখ্যান করে, এর মধ্যে প্রবেশ করো না।

অর্ন্যাণ্ডো। কিন্তু আদম, কোথায় তুমি আমাকে যেতে বলো ?

আদম। যেখানে হোক চলে যাও, মোটকথা এখানে আর এস না।

অর্ন্যাণ্ডো। তুমি কি তাহলে আমার বাইরে গিয়ে ভিক্ষে করে বাঁচতে বল ?

অথবা আমার ইচ্ছার বিরুদ্ধে পথে পথে ভরবারি হাতে চুরি ডাকাতি করে হীন জীবন যাপন করতে বল। এছাড়া আর কি করে বাঁচব তা ত জানি না। কিন্তু এ আমি করব না, আর ঘাই করি। আমি বরং রক্তপিপাসু ভাইএর ঈর্ষার বলি হয়ে বাস করব, তবু ও কাজ আমি পারব না।

আদম। কিন্তু এখানে থাকার মনস্থ তুমি করো না। আমার কাছে পাঁচশো ক্রাউন আছে। তোমার খাবার কাছে চাকরি করার সময় জমিয়ে রেখেছি।

আমার অসময়ের ভরণপোষণের সম্বল হিসেবে সঞ্চয় করে রেখে দিয়েছি।

ভেবেছিলাম, বুড়ো বয়সে যখন একেবারে অর্থহীন হয়ে পড়ব, যখন বার্ধক্যের

চাপে কোন কাজ করতে না পারার জন্তে কেউ আমায় দেখবে না, তখন এটা কাজে লাগবে। আমার সেই সঞ্চয় তুমি নাও। যে ঈশ্বর কাক পক্ষীকে

খাদ্য দেন, সামান্য চতুই পাখিদের জন্তেও খাবার ব্যবস্থা করেন, সেই ঈশ্বরই

হবেন আমার শেষ আশ্রয়স্থল এবং একমাত্র সম্বল। এই হচ্ছে আমার ধা-

কিছু সঞ্চয়। আমি সব তোমাকে দিয়ে দিচ্ছি। এখন আমাকে তোমার

কৃতা হিসেবে গ্রহণ করে। যদিও দেবতে আমায় বুড়ো বলে মনে হচ্ছে

ওথাপি আমার দেহে বল আর মনে শক্তি আছে। কারণ যৌবনে আমি

কখনো উত্তপ্ত ও বুদ্ধিবিনাশকারী সুরা স্পর্শ করিনি। অথবা নির্লজ্জভাবে

বারাণসীদের নিয়ে এমন কোন উচ্ছৃঙ্খল জীবন যাপন করিনি যা সমস্ত

দুর্বলতার মূল। আমার বার্ধক্য হচ্ছে ঋতুর মত আপাতদৃষ্টিতে কুয়াশাজ্বর,

কিন্তু অন্তরটা তার বলিষ্ঠ আর উদার। আমাকেও তোমার সঙ্গে নাও।

তোমার সব কাজে ও দরকারে আমি তরুণ যুবকের মতই খাটব।

অর্ন্যাণ্ডো। হে ভদ্র বৃদ্ধ, তোমাকে দেখে সেই পুরনো পৃথিবীর কথা মনে

পড়ছে যেখানে মানুষ মানুষের ঘাম পায়ে ফেলে খাটত শুধু কড়ম্বাবোধের

খাতিরে, টাকার বিনিময়ে নয়। তুমি এ যুগের লোকই না, কারণ এ যুগে

মানুষ শুধু অর্থ আর পদোন্নতির জন্তেই কাজ করে এবং তা পেয়েও সন্তুষ্ট না

হয়ে আরও পাবার আকাংখা করে। কিন্তু তুমি তা পারবে না। কিন্তু

তুমি এক শুকনো পচনশীল গাছকে অহেতুক ছাঁটাই করছ, যে গাছে তোমার

শত বন্ধু আর চেষ্টা সত্ত্বেও আর ফুল বা ফল পাবে না। যাইহোক, এস,

আমরা একসঙ্গেই যাব। তোমার ঘোঁরনের সঞ্চয় ছুরিয়ে যাবার আগেই আমরা একটা ছোটখাটো মাথা সোঁজার মত আস্তানা যোগাড় করে ফেলব। আহম। চল মনিব। আমি তোমাকে আমার জীবনের শেষ দিন পর্যন্ত সততা আর আত্মগত্যের সঙ্গে অনুসরণ করে যাব। সতের বছর থেকে আমি এখানে বাস করছি, এখন আমার বয়স হলো আশী, কিন্তু আর না। মাহুথ সতের বছর বয়সেই ভাগ্য অধেষণে বার হয়, কিন্তু আশী বছর বয়সে সে ক্ষমতা তার থাকে না। তবু প্রভুর ঋণ শোধ করে আমি সুখে মরতে পারব—এছাড়া ভাগ্যের কাছে আর আমি কিছুই চাই না।

(উভয়ের প্রস্থান)

চতুর্থ দৃশ্য। গ্যানিমীডবেশী রোজালিন্দ, এ্যালিয়েনাবেশী সিলিয়া

ও বিহুধক টাচস্টোনের প্রবেশ

রোজালিন্দ। ওহে জুপিটার, আমার মনটা যে খুব ক্লান্ত হয়ে পড়েছে।

টাচস্টোন। আমি মনের কথা ভাবি না, আমার পা দুটো ক্লান্ত হয়ে পড়েছে তাই।

রোজালিন্দ। আমি পুরুষের বেশ পরে না থাকলে মেয়েদের মত চীৎকার করে কাঁদতে পারতাম। কিন্তু তাতে পুরুষবেশেরই অপমান হবে। আর পুরুষের বেশ যখন পরে রয়েছি তখন সাহস দেখাতেই হবে আর মেয়েদের দাবুনা দিতে হবে। সুতরাং এ্যালিয়েনা, ভেঙ্গে পড়ো না, বুকে সাহস আনো। সিলিয়া। দয়া করে আমাকে ধরে ধরে নিয়ে যাও। আমি আর হাঁটতে পারছি না।

টাচস্টোন। আমার কথা যদি বলো তাহলে বলতে হয় আমি ধরব কি, আমাকে ধরলেই ভাল হয়। তোমাকে বয়ে নিয়ে গেলে আমি আমার দামান্ত ক্রসটাকেও আর বইতে পারব না! তোমার বলতে বোধহয় আর টাকা নেই।

রোজালিন্দ। এই হচ্ছে আর্ডেনের দমকুমি।

টাচস্টোন। তাই নাকি! আমি তাহলে আর্ডেনে এসে পড়েছি। তাহলে ত আমি আরও বোকা বনে গেছি। আমি যখন বাড়িতে ছিলাম তখন ভাল ছিলাম। তবে পথিকদের অবশ্য যেকোন অবস্থাতেই সম্ভব থাকতে হবে।

কোরিন ও সিলভিয়াসের প্রবেশ

রোজালিন্দ। দেখ দেখ টাচস্টোন, একজন ছোকরা আর একজন বৃদ্ধো এইদিকে আসছে।

কোরিন। এইজন্মেই ত সে তোমার আরও পরীক্ষা করে।

সিলভিয়াস। ও কোরিণ, তুমি ত জানো আমি তাকে কত ভালবাসি।

কোরিন। আমি কিছুটা তা বুঝতে পারছি, কারণ আগে একদিন আমিও ভালবেসেছিলাম।

সিলভিয়াস। না কোরিণ, বুড়ো বয়সে তুমি তা বুঝতে পারছ না, যদিও তোমার ঘোঁষনে একজন প্রকৃত নিষ্ঠাবান প্রেমিক হিসেবে দীর্ঘস্থায়ী আঁর হা হতাশের মধ্য দিয়ে কত বিনিময় রাত্রি যাপন করেছ। কিন্তু একটা কথা, যদি তোমার ভালবাসা আমার মতই গভীর হয়ে থাকে, অবশ্য আমার বিশ্বাস আমার মত কেউ কখনো কাউকে ভালবাসেনি—তাহলে বল, সেই ভালবাসার বশে কত হাত্তকর কাজ তুমি করেছ।

কোরিণ। করেছি অল্প কাজ, কিন্তু সব ফুলে গেছি।

সিলভিয়াস। তুমি তাহলে আমার মত এত আন্তরিকতার সঙ্গে কখনই ভালবাসনি। যদি তোমার অতীতের প্রেমজনিত কোন কাজের কথা মনে না থাকে তাহলে মিথ্যা তোমার ভালবাসা। অথবা তুমি যদি আমার মত বসে বসে তোমার প্রেমাম্পদের গুণগান শুনে না থাক তাহলে তুমি কখনই ভালবাসনি অথবা যদি আমার মত আবেগের বশে হঠাৎ কারো কাছে বসে থাকতে থাকতে পালিয়ে গিয়ে না থাক তাহলে মিথ্যা তোমার ভালবাসা।
ও কিবি, কিবি, কিবি!

(ঐশ্বান)

রোজালিন্দ। হায় হতভাগ্য মেঘনালক, তোমার দুঃখের কথা শুনে গিয়ে আমার নিজের কথাই মনে পড়ে গেল।

টাচস্টোন। আর আমারও তাই মনে পড়ে গেল। আমার মনে পড়ছে, আমি যখন প্রেমে পড়েছিলাম, তখন একবার লড়াই করতে গিয়ে পাথরে মাছাড় খেয়ে আমার তরোয়ালটা ভেঙ্গে ফেলেছিলাম। কারণ আমার প্রাণঘিনী জেন শ্বাইলের কাছে রাত্রিতে গোপনে আসার জন্য আমি আমার প্রতিদ্বন্দ্বীকে যুদ্ধে আহ্বান করেছিলাম। আরও মনে পড়ছে আমি একবার তার পোষাকটাকে চূষন করেছিলাম। তারপর তার স্নান হাতের আঙ্গুল দিয়ে গরুর যে বাঁটগুলো টেনে দুধ দোয়াত সেগুলোর কথাও মনে পড়ছে। আর একবার তার পরিবর্তে দুটো কড়াইশুঁটিকে পেয়ে কত আদর করেছিলাম। তার কাছ থেকে দুটো কড়াইশুঁট নিয়ে আবার তাকে কিরিয়ে দিয়ে চোখের জল কেলতে কেলতে বলেছিলাম, এ শুঁট দুটো তোমার গলার মালায় গুঁথে নিয়ে পরো আর আমার কথা মনে করো। আমার মত যত যারা প্রকৃত প্রেমিক তারা এই ধরনের কত অদ্ভুত কাজই না করে থাকে। কিন্তু খেহেতু এ জগতে সবকিছুই মরণশীল এবং ক্ষণস্থায়ী, সেইহেতু মানুষের সকল প্রেম এবং প্রেমজনিত নিবোধ কাজও ক্ষণস্থায়ী।

রোজালিন্দ। তোমার যতটুকু জ্ঞান-বুদ্ধি আছে তার থেকে বেশী জ্ঞানের কথা বলে তা খরচ করে দিচ্ছ।

টাচস্টোন। না না, কখনই আমি তা খরচ করছি না। তাতে আমার পা দুটো যদি খোঁড়া হয়ে যায় তাও ভাল।

রোজালিন্দ। হা ভগবান, ওই মেঘনালকের ভালবাসার আবেগটা ঠিক

আমারি মতন।

টার্চস্টোন। আমারও মতন। তবে আমার কাছে গুটা বাসি বলে মনে হচ্ছে।

সিলিয়া। আমার কথা রাখো, তোমাদের মধ্যে কেউ একজন ঐ লোকটাকে গুবিষে দেখ, টাকা পয়সা বা কিছু সোনাধানার বিনিময়ে কিছু খাবার পাওয়া যাবে কিনা। কুখা ভুজায় আমি মৃতপ্রায় হয়ে পড়েছি এবং এখনি হরত মৃচ্ছিত হয়ে পড়ব।

টার্চস্টোন। ও ভাই বোকারাম!

রোজালিন্দ। চুপ করো। তুমি নিজে বোকা বলে সবাইকেই কি তাই ভাব নাকি? ও তোমার সমগোত্রীয় নয়।

কোরিণ। কে ভাকে আমায়?

টার্চস্টোন। তোমার চেয়ে যারা ভাল তারা।

কোরিণ। তাহলে ত বুঝতে হবে, তারা খুবই হতভাগা।

রোজালিন্দ। দাঁড়াও আমি বলছি। নমস্কার বন্ধু, শোনত একবার।

কোরিণ। নমস্কার। তোমাদের সকলকে নমস্কার।

রোজালিন্দ। আচ্ছা মেমপালক, বলতে পার ভাই, এই মঞ্চভূমির মত জায়গায় সোনা অথবা বেহু ভালবাসার বিনিময়ে কিছু সুখ স্বাচ্ছন্দ্য পাওয়া যায় কি না। এমন একটা জায়গা আমাদের দেখে দাঁও যেখানে আমরা একটু বিশ্রাম ও স্বাভাবিকতা পাওয়া করতে পারি। আমাদের সঙ্গে এই কুমারী মেয়ে পঞ্চশ্রেণে এতই ক্লান্ত হয়ে পড়েছে যে মৃচ্ছিত হয়ে যেতে বসেছে।

কোরিণ। ওর কথা শুনে সত্যিই দুঃখ হচ্ছে। মনে হচ্ছে আমার যদি সত্যি সত্যি কিছু থাকত তাহলে আমি ওর দুঃখ দূর করতাম। কিন্তু আমি অল্প লোকের অধীনে ভেড়া চড়ানোর কাজ করি। আমার মনিব আবার বাগী স্বভাবের। আতিথেরতা বা সেবাধর্মের দ্বারা স্বর্ণলাভের কোন সামান্য বাসনাও তার নেই। তাছাড়া তার বাড়িঘর, মেমপাল, আর তৃণশস্ত্র সব এখন বিক্রি হবে। এখন সেখানে খাবার কিছুই নেই আর মনিবও নেই। এদে দেখ না আমার সঙ্গে; আমার সাধ্যমত তোমাদের আদর আপ্যায়নের অভাব হবে না।

রোজালিন্দ। কে তোমাদের ঐ মেমপাল আর জায়গা জমি কিনতে চায়?

কোরিণ। একটু আগে যে ছোকরাকে দেখেছ, যার কিছু ক্রমিকার্টার কোন বাসনা নেই মনে সে।

রোজালিন্দ। যদি ওর মধ্যে কোন কারচুপি না থাকে, যদি বোঝ এ সম্পত্তি নির্দোষ তাহলে আমাদের হয়ে তুমি তা কিনে নিতে পার; আমরা দায় দেব।

সিলিয়া। আর আমরা তোমায় বেতন দেব। জায়গাটা আমার ভাল লেগেছে

এবং আমি এখানে যেচ্ছায় বসবাস করতে পারি।

কোরিন। চল আমার সঙ্গে। নিশ্চয়ই এতকিছু বিক্রি হবে। টাকা দিয়ে সব কিনে ফেল। যদি তোমরা চাও, এখানকার মাটির গুরুতি আর চাষবাসের লাভ ক্ষতির সব বিবরণ নেব। তোমাদের সবকিছু দেখাশোনা করব।

(সকলের প্রস্থান)

পঞ্চম দৃশ্য। বনভূমির আর একদিক।

এ্যামিয়েন্স্, জ্যাক ও অন্যান্যদের প্রবেশ

গান

এ্যামিয়েন্স্। থাকবে যদি আমার সাথে সবুজ বনের তলে

চলে এস ত্বরা করি সকল কিছু ফেলে।

করবে স্থাপন সুখের জীবন

পাখির কণ্ঠে করবে কুলন

শত্রু কোথাও পাবে নাক এই বনেরই তলে,

শুধু গ্রীষ্ম শীতের আবাত পাবে কৌতুকেরই ছলে।

জ্যাক। গাও, আবার গাও।

এ্যামিয়েন্স্। মহাশয় জ্যাক, এ গান আপনাকে যে আরও বিহ্বল করে তুলবে।

জ্যাক। তা করুক। আমি বলছি আবার গাও। বেজী যেমন জোটটি ডিমের ভিতর থেকে শাঁস গুণে খেয়ে নেয় আমিও তেমনি যেকোন গানের ভিতর থেকে তার বিবাদটুকুকে শোষণ করে নিতে পারি।

এ্যামিয়েন্স্। আমার গলাটা মোটা। আমি জানি আমার গান আপনার ভাল লাগবে না।

জ্যাক। আমি ত তোমায় আমাকে খুলি করতে বলছি না, আমি তোমাকে গান গাইতে বলছি। নাও, গাও। আর এক পদ গাও।

এ্যামিয়েন্স্। কী গান গাইব মহাশয় জ্যাক?

জ্যাক। কী গান সেটা আমার কাছে বড় কথা নয়! গান হলেই হলো। তুমি গাইবে?

এ্যামিয়েন্স্। আমার নিজের ইচ্ছা না থাকলেও আপনার অনুরোধ রাখার জন্যে অস্তুত গাইব।

জ্যাক। যদি কাউকে ধন্যবাদ দিই ত তোমাকেই দেব। তবে ধন্যবাদ দেবার ব্যাপারটা হচ্ছে দুই বীদর-কুকুরে মুখ খেঁকিখাঁকি। যদি আমাকে কেউ আন্তরিক ধন্যবাদ দেয় ত বুঝতে হবে আমি তাকে নিশ্চয়ই একটা পেনি দিয়েছি, তাই সে ভিক্ষার দানের মত ধন্যবাদ দিলে আমায়। নাও, এখন গান করো, আর যদি তা না করো তাহলে চুপ করে থাক।

এ্যামিয়েন্স্। আচ্ছা, আমি গানটা শেষ করব; আপনারা তৈরি হয়ে নিন।

ডিউক এখন এই গাছের তলায় এসে খাওয়াদাওয়া করবেন। তিনি সারাদিন আপনাকে খুঁজে বেড়াচ্ছেন।

জ্যাক। আর আমি তাকে সারাদিন ধরে এড়িয়ে যাবার চেষ্টা করছি। আমি তাঁর সাহচর্য মোটেই সহ্য করতে পারি না। তাঁর মত আমিও অনেক কথাই ভাবি। কিন্তু ভগবানকে ধন্যবাদ, আমি তা নিয়ে বড়াই করি না কখনো। মাও, গান করো।

গান

উপস্থিত সকলে মিলে

সব বাসনা ফেলে এসে সূর্যালোকে শুয়ে
খুশি মনে খাবেদাবে স্বপ্ন কিছু পেয়ে।
চলে এস ভরা করি সকল কিছু ফেলে
শব্দে কোথাও পাবে নাক এই বনেরই তলে
শুধু গ্রীষ্ম শীতের আঘাত পাবে কৌতুকেরি হলে ;

জ্যাক। তোমার এই গানের পদের সঙ্গে মিলিয়ে একটা কবিতা শোনাব তোমায়। গতকাল আমি সেটা নিজে থেকে লিখেছি।

গ্যামিয়েন্স্। আমি ওটা গানের মত গাইব।

জ্যাক। এটা হচ্ছে এইরকম :

কিন্তু যদি এমনতর হয়
ধনদৌলত ছেড়ে দিয়ে কেউ বা যদি হয়,
কৌকের বংশ মানুষ থেকে গাথা হতে চায়,
ডুকাডেম, ডুকাডেম, ডুকাডেম।
আসতে পার আমার কাছে ছুটি দিয়ে কাজে
আসত গাথা অনেক পাবে এই বনেরই মাঝে।

গ্যামিয়েন্স্। আচ্ছা 'ডুকাডেম' জিনিসটা কি ?

জ্যাক। ওটা হচ্ছে বোকাদের এক চক্রের মধ্যে আত্মান করার এক গ্রীক-দেশীয় রীতি। যদি পারি এখন আমি বুঝাব। আর যদি না পারি ত আমি এখন মিশরের সকল নবজাতকদের নিন্দা করব।

(পৃথক পৃথকভাবে সকলের প্রশ্নাম)

বট দৃশ্য। বনভূমি

অর্ন্যাণ্ডো ও আদমের প্রবেশ

আদম। হে আমার প্রিয় মনিব। আর আমি হারিয়ে পাবাছি না। সূর্যায় আমি মৃতপ্রায়। এইখানে আমি শুয়ে পড়াছি। আমার জগৎ কবর তৈরি করুন। বিদায়।

অর্ন্যাণ্ডো। কেন, কী হয়েছে আদম? আর কিছুক্ষণ কোনরকমে বাঁচ। মনটাকে একটু শান্ত রাখ। এই গভীর বনে যদি কোন হিংস্র জন্তুও পাই

তাহলে হয় আমি তার খাত্ত হব অথবা তাকে আমি মেয়ে নিয়ে আসব তোমার খাত্তের জন্তে। আসল কথা, তোমার গায়ের শক্তির থেকে মনের শক্তি ভেঙ্গে পড়েছে বেশী। অন্তত আমার খাত্তিরে একটু খুশি হবার চেষ্টা করো, মুত্বাকে একটু ঠেকিয়ে রাখার চেষ্টা করো। আমি এখনই ফিরে আসছি। যদি আমি কোন খাত্ত নিয়ে না আসতে পারি তাহলে তুমি মরতে পার। আমি কিছু বলব না। কিন্তু যদি তুমি আমি আসার আগেই মরে যাও তাহলে আমার সমস্ত শ্রম তুমি নষ্ট করবে। ঠিক আছে। মুখটা একটু হাসি-হাসি করো, আমি এক্ষুণি আসছি। তবে তুম ঠাণ্ডা হাওয়ায় জুয়ে রয়েছ। এস, আমি তোমায় কোন আশ্রয়ে বহন করে নিয়ে যাই। কিন্তু না খেয়ে তোমায় মরতে দেব না যদি কোন না কোন জীবন্ত প্রাণী এ বনে থাকে। মনটা খুশি-খুশি করো আদম। (উভয়ের প্রস্থান)

গণ্ডম দৃশ্য। বনভূমি।

ভোজের টেবিল পাতা। বনবাসীর বেশে ডিউক সিনিয়র,

গ্যামিয়েন্স ও লর্ডদের প্রবেশ

ডিউক সিনিয়র। আমার মনে হয় সে পশু হয়ে গেছে, আর মানুষ নেই। কারণ মানুষের আকারে কোথাও তাকে দেখতে পাচ্ছি না।

১ম লর্ড। স্মার, কিছুক্ষণ আগে ও এইখান থেকে চলে গেল। এখানে সে খুশি মনে একটা গান গুনছিল।

ডিউক। কর্কশ শব্দে গলাটা যার ভরা সেই জ্যাকের যদি গানে রুচি হয় তাহলে জগতে স্মার বলে কোন জিনিস থাকবে না। যাও, তাকে খুঁজে আন, বল আমি তার সঙ্গে কথা বলতে চাই।

জ্যাকের প্রবেশ

১ম লর্ড। উনি নিজেই এসে আমার শ্রমটা ঝাঁচিয়ে দিলেন।

ডিউক। কী খবর মহাশয়! কোথায় থাক, বন্ধুরা তোমার দেখাই পায় না। কী ব্যাপার, মুখটা যে হাসি-হাসি দেখছি।

জ্যাক। বোকা, নির্বোধ। একটা নীরেট নির্বোধ লোক দেখলাম বনে। বিচিত্র রঙের পোষাক পরা এক নির্বোধ। জগৎটা সত্যিই খুব দুঃখের। আমি যেমন খেয়ে পরে বেঁচে থাকি, তেমনি আমি এমন এক বোকা লোক দেখলাম যে রোদে শুয়ে শুয়ে সাধু ভাষার ছন্দোবদ্ধভাবে ভাগ্যদেবীর নিন্দা করছিল। তবু তাকে দেখে মনে হলো বোকা। আমি বললাম, 'নামস্কার মূর্খ মহাশয়' সে তখন বলল, আমাকে দয়া করে আমি জোভাগাম্বিকি বা সম্পদশালী না হওয়া পর্যন্ত আমাকে মূর্খ বলো না। ভাষপত্র তার পোষাকের ভিতর থেকে একটা ঘড়ি বার করে তার দিকে মল্লিক জোবে দেখিয়ে বিজ্ঞের মত বলল, এখন দশটা বাজে। এইভাবে জগমরা বেশ খুবতে পারি কিভাবে জগৎ গ্রাসে চলে। মাত্র এক ঘণ্টা আগে বেল নটা ছিল। আর এক ঘণ্টা

পরে আবার এগারোটা বাজবে। এমনি করে ঘণ্টার পর ঘণ্টা বেজে যাবে আর আমরা এগিয়ে যাব আমাদের নির্দিষ্ট পরিণতির দিকে। এগিয়ে যাব আমাদের শেষ পতনের পথে। এইভাবেই চলেছে মানবজীবনের কাহিনী। গতিশীল কালপ্রবাহের উপর তার তরুণতা শুনে মোরগের মত ডাক ছেড়ে উঠতে মন হলো আমার। মূর্খ যে এত চিন্তাশীল হবে আমি তা ভাবতেই পারিনি। আমি তার ঘড়ির কাছে এক ঘণ্টা ধরে অবিরাম হাসতে লাগলাম। নাস্তিই সে একজন মহৎ মূর্খ। যোগ্য মূর্খ। বিচিত্র রঙের পোশাকই তার একমাত্র পরিধান হওয়া উচিত।

ডিউক। কে সে মূর্খ!

জ্যাক। সত্যিই সে যোগ্য মূর্খ। রাজসভায় যে এতদিন ছিল বিদূষক। সে বলল মেয়েরা যদি তরুণী আর খুব সুন্দরী হয় তাহলে সোটা তারা খুব ভালই বোঝে অর্থাৎ সেবিষয়ে তারা খুবই সচেতন থাকে সব সময়। আমার মনে হতো তার মস্তিষ্কটা দীর্ঘ সমুদ্রযাত্রা শেষে অবশিষ্ট বিপুল টুকরোর মতই একেবারে শুকনো। অনেক অদ্ভুত অদ্ভুত জায়গায় সে মায় করল যেসব জায়গা সে একে একে দেখেছে। এবং এইসব অভিজ্ঞতার স্বতির টুকরো-গুলো সে এলোমেলোভাবে বলল। আমি যদি সত্যিই তার মত মূর্খ হতাম। তার মত বিচিত্র রঙের এক জামাই হলো এখন আমার একমাত্র আকাঙ্ক্ষিত বস্তু।

ডিউক। আচ্ছা তুমি তা পাবে।

জ্যাক। আমার একমাত্র আবেদন, আমি বিজের মত যেসব মতামত প্রকাশ করব, আপনি যেন সেগুলো অল্প অল্পে নেবেন না। মুক্ত ও সর্বত্র সঞ্চরণশীল বাতাসের মতই আমায় দিতে হবে অবাধ স্বাধীনতা। যখন মন হবে, মূর্খের মত যেকোন লোকের সমালোচনা করে বেড়াব। এমন কি আমার মূর্খতার দ্বায়ে যারা আঘাত পাবে আমার সমালোচনার দ্বারা কষ্ট হবে তাদেরও হাসতে হবে। কিন্তু কেনই বা তারা হাসবে তার কারণ সরল রাজপথের মতই সহজ। যখন কোন মূর্খ কোন লোককে আক্রমণ করে বা আঘাত করে জ্ঞানের কথা বলে, তখন সে কথাগুলো এমন বোকার মত বলে যে বুদ্ধিমান না হেসে পারে না সে কথা শুনে। আর যদি তারা হাসে তাহলে মূর্খরা কটাফমাত্র বুঝতে পারে, সে বুদ্ধিমানের মধ্যে গণ্য আছে। যাইহোক, আমাকে সেই বিচিত্র রঙের জামাটা দিন। আমার ইচ্ছামত কথা বলার স্বাধীনতা দিন যাতে জগতের যতসব লোকগুলো ধৈর্য ধরে আমার কথা শুনে জগৎটাকে দৌষমুক্ত করে তুলতে পারে।

ডিউক। দিক তোমাকে। আমি বলতে পারি আসলে তুমি কি করবে।

জ্যাক। আমি ভাল ছাড়া কি এমন মন্দ কিরব আমি?

ডিউক। অপরের দোষের বা পাপের সমালোচনা করাই হলো সবচেয়ে

বড় পাপ, কারণ মানুষ সাধারণতঃ সমালোচনার ছদ্ম আবিরণে নিজের পাপটাকে ঢেকে রেখে উপরে সাধুদের ভান করে। যেমন ধরো, ভূমি একদিন অত্যন্ত উচ্চুংখল প্রকৃতির লোক ছিলে। তোমার ইঞ্জির লালসা ছিল অতি তীব্র এবং বর্বর। এখন মূর্খের মত অবাধ কথা বলার স্বাধীনতা পেয়ে পরমিন্দা বা কুংসা রটনার দ্বারা জগৎটাকে কলঙ্কিত করে তুলবে।

জ্যাক। কে জোর গলায় দর্পভরে বলবে আমি তাকে ব্যক্তিগতভাবে আক্রমণ করেছি। আমার সমালোচনাবাক্য সমুদ্রতরঙ্গের মতই সাধারণভাবে সব-সময় বয়ে যাবে, অবশেষে তা আপনাকে আপনিই ছুঁয়ে যাবে। এই শহরের মধ্যে কোম নারী জোর করে বলুক যে আমি তাকে বলেছি সে তার অধোগা কুংসিত দেখে বাজরাণীর মত জমকালো পোষাক পরেছে? কোম নারী বলতে পারে আমি তার প্রতিই ইঙ্গিত করেছি? সে ভাববে ইঙ্গিত যদি করে থাকি তা তার কোম প্রতিবেশিনীকেই করেছি। কোম লোককে যদি বলি তার সাহস নেই, সে কাপুরুষ তীর তাহলে সে তা জোর গলায় বলতে পারবে না, কারণ সে ভাববে তাতে তার নিরুদ্ভিতা প্রকাশ পেয়ে যাবে এবং তার সম্বন্ধে আমার কথাটা যে সত্যি সেইটাই প্রমাণিত হবে। তাহলে? তাহলে সে বলুক, আমায় দেখিয়ে দিক, আমি আমার মিন্দার কথা বলে কোথায় তার ক্ষতি করেছি যদি সে দোষ করে থাকে তাহলেই আমার কথা তার বুকে বাজবে আর তার কলে সে নিজেকে শুধরে নিয়ে ডাল হবে। স্মৃতরাং মালিকানাহীন মুক্তপক্ষ রাজহংসের মতই আমার বিক্রপবাক্য সকলের উপর দিয়ে সমানভাবে উড়ে যাবে। কিন্তু ও কে আসছে?

মুক্ত তরবারি হাতে অর্ল্যাণ্ডোর প্রবেশ

অর্ল্যাণ্ডো। ধাম, কেউ থাকে না।

জ্যাক। না, আমি এখনো খাইনি।

অর্ল্যাণ্ডো। না থাকে না, আমার প্রয়োজন যতক্ষণ না মেটে ততক্ষণ কেউ থাকে না।

জ্যাক। কোথাকার অভ্র এল রে বাবা।

ডিউক। আচ্ছা, হঠাৎ অভাবে পড়ে কি ভূমি এমনি দুঃস্বাসী হয়ে উঠেছ? অথবা ভক্ততা কাকে বলে জান না বলেই এমনি কবিভ্রম সমাজের আচরণবিধিকে লঙ্ঘন করছ?

অর্ল্যাণ্ডো। তোমার প্রথম কথাটাই আমার প্রাণে বেঁধেছে। নয় বিপদের তীক্ষ্ণ আঘাত আমার ভক্ততাবোধ নিঃশেষে কেঁচু নিয়েছে। তবু জেনে রাখবে আমি সৎশজাত এবং ভক্ততা দ্বা নিষ্টাচার আমার অজানা নয়। কিন্তু ধাম, আমি বলছি, কেউ থাকে না। আমার প্রয়োজন না মেটা পর্যন্ত কেউ একটা কলে হাত দিলেও তার মৃত্যু অনিবার্য।

ডিউক। কী ভূমি চাও? দেখ, জোর করলে যতটা পাবে তার থেকে তোমার শাস্ত ও ভদ্র আচরণের দ্বারা অনেক বেশী পাবে আমাদের কাছ থেকে।
 অর্ন্যাণ্ডো। ক্ষুধায় আমি মরতে বসেছি, আমাকে কিছু খাবার দাও।
 ডিউক। বস এবং খাও। আমাদের ভোজসভায় স্বাগত জানাচ্ছি তোমায়।
 অর্ন্যাণ্ডো। এত ভদ্রভাবে কথাবাতা বলছেন আপনি! আমি ভেবেছিলাম এই বনে ঘারা থাকে তারা সবাই বহু আর বর্বর। তাই আমি আমার মুখের উপর একটা কড়া ভাব ফুটিয়ে তুলেছিলাম। তবে আপনারা যেই হোন, এই বনের বিষয় ছায়ায় এই পরিত্যক্ত ভূগম জায়গায় বাস করে কালের গতিকে অবহেলা করে যাচ্ছেন। যদি কখনো সুখের দিন দেখে থাকেন, যদি কখনো গীর্জার ঘণ্টাধ্বনি শুনে থাকেন ওর্থাৎ কোন ধর্মোপদেশ শুনে থাকেন, যদি কোনদিন কোন উদারচেতা ব্যক্তির দ্বারা আদৃত ভোজসভায় যোগদান করে থাকেন, যদি কখনো কারো কাছ থেকে করুণা পেয়ে থাকেন আর করুণা কি জিনিস তা জেনে থাকেন এবং কখনো চোখে ভদ্র বিসর্জন করে থাকেন তাহলে আপনারদের সেইসব কথা শ্রবণ করে আমি লজ্জা ও মহত্তা অনুভব করছি এবং তববারি সঞ্চরণ করছি।

ডিউক। সত্যিই এমন দিন আমাদের ছিল যখন আমরা সুখভোগ করেছি; গীর্জার ঘণ্টাধ্বনি শুনে আমরা উপাসনা করতেও গিয়েছি; অনেক ভাল ভাল ভোজসভাতেও যোগদান করেছি; করুণা বা অনুকম্পাজনিত অনেক অশ্রুও বিসর্জন করেছি; সুতরাং শাস্ত ও ভদ্রভাবে বস। বসে বল, কী তোমার অভাব তার সে অধাবের প্রতিকারের জন্তু কীই বা আমরা করতে পারি।

অর্ন্যাণ্ডো। তাহলে একটু অপেক্ষা করুন; একটু পরে খাবেন, এর মধ্যে আমি উৎকণ্ঠিত মৃগীর মত আমার শিশুকে নিয়ে এসে তার মুখে কিছু খাবার দিই। একজন বৃহলোক আছে যে শুধু আমার প্রতি তার অকৃত্রিম ভালবাসার প্রতিবেদন ও অবসম্বন্ধে বহু পথ আমার সঙ্গে অতিক্রম করেছে। কাঁধে ও ক্ষুধায় জর্জরিত সেই বৃহতটির পেট না ভরা পর্যন্ত আমি একটুকরো খাদ্যও গ্রহণ করব না।

ডিউক। যাও, তাকে নিয়ে এস। তোমরা না আসা পর্যন্ত আমরা এইসব খাবারের কিছুই খরচ করব না।

অর্ন্যাণ্ডো। ধন্যবাদ। ঈশ্বর আপনাকে সুখ স্বাস্থ্য দান করুন। (প্রস্থান)

ডিউক। ভূমি জান, এই বিরাট বিশ্বজগতে কেবল আমরাই অসুখী নই। আমরা এখানে যে কষ্ট সহ্য করছি তার থেকে কষ্ট হ্রাসকে কষ্ট কষ্ট সহ্য করছে। জ্যাক। সারা পৃথিবীটাই একটা রঙ্গমঞ্চ এবং পৃথিবীর সব নরনারীই এক একজন অভিনেতা। এই রঙ্গমঞ্চে অঙ্কের প্রত্যেকেরই প্রবেশ এবং প্রস্থান আছে আপন আপন ভূমিকারুসারে। আবার একই মানুষ অনেক সময়ে অনেক ভূমিকা গ্রহণ করে। মানুষ জীবনে যেসব ভূমিকা গ্রহণ করে তার

সাতটি ক্রমপর্যায় আছে। প্রথম হচ্ছে তার শৈশব, শৈশব অবস্থায় সব মালুখই ধাত্রীর কোলে কাম্বাকাটি করে। তারপর ছাত্রজীবনে তারা উজ্জল হাসি-হাসি মুখে নিয়ে মনগতি শামুকের মত অনিচ্ছার সঙ্গে খুলে যায়। তার পরেই প্রেমিকরূপে গরম চুল্লীর মত গরম দীর্ঘনিশ্বাস ফেলে আর হা হতাশ করে, তার প্রিয়তমার ললিত ক্রান্তি নিয়ে কত সুরক্ষণ কাবাগাথা লেখে। তারপর শুরু হয় সৈনিক জীবন, এই সময় শূন্যপূর্ণ মুখে কথায় কথায় শপথ করে, সম্মানের লালসায় প্রায়ই ঈর্ষাকাতর হয়, খুব তাড়াতাড়ি বেগে যায় আর ঝগড়া শুরু করে দেয় খার তার সঙ্গে, সামান্য ক্ষণভঙ্গুর মশের জন্তু কামানের গোলার সামনে বুক পেতে দেয়। তারপর সে বসে বিচারকের আসনে, এইসময় পেটে তার ভুঁড়ি জমে, পরনে বিচারকের পোষাক, চোখে অস্বাভাবিক তীক্ষ্ণতা, মুখে সাদাসিধে দাড়ি। এইসময় সে অনেক জ্ঞানের কথা আর নীতি উপদেশ দেয়—এইভাবে সে অভিনয় করে তার জীবনের মঠ শুরুর ভূমিকায়। সবশেষে শুরু হয় তার বার্ষিক্য—দ্বিতীয় শৈশব, তার ঘটনা-বহুল জীবনের সমস্ত বিস্ময়কর ইতিহাস বিনীত হয়ে যায় এক অর্থহীন বিস্মৃতির গর্ভে। বিনুগ্ন হয়ে যায় তার সকল ইন্দ্রিয় শক্তি। চক্ষু দস্ত ও আশ্বাসনশক্তি সবকিছু হারিয়ে সে অত্যন্ত দুর্বল হয়ে পড়ে। তার পরনের পোষাক চিলে হয়ে যায়, তার চোখের চশমা নাকের উপর এসে পড়ে। সারা পৃথিবীটাকে তার খুবই বড় বলে মনে হয়। তার গলার স্বরটা এই সময় বেশ গাঢ় হয়ে উঠলেও সে প্রায়ই শিশুর মত চঁচামিচি শুরু করে দেয়। এইভাবে কাটে তার জীবনের শেষ পর্যায়।

আদমের সঙ্গে অর্ল্যাণ্ডের প্রবেশ

ডিউক। আরে এস এস, তোমার সম্মানিত বোকাটিকে তোমার স্বন্ধ থেকে নামাও। উনিও আমাদের সঙ্গে যান।

অর্ল্যাণ্ড। অশেষ ধন্যবাদ আপনাকে।

আদম। এ ধন্যবাদ দেওয়া তোমার একান্তপক্ষে উচিত। আমিও আমার জন্তু ধন্যবাদ জানাতে চাই, কিন্তু বলার ক্ষমতা আমার নেই।

ডিউক। এস এস। এখন আর আমি দুর্ভাগ্য সম্বন্ধে কোন প্রশ্ন করছি এই দেব না আপনাকে। ওহে, আমায় কিছু গান শোনাও ত। এই ভাই, একটা গান গাও শুনি।

গান

নীতির বাতাস ভূমি, যাও বীর প্রাণে
অকৃতজ্ঞ নির্দয় মালুখের মত ভূমি নও।
যদিও নিঃশ্বাস তব মিত্রেরা বলয়
অদৃশ্য তোমার দস্ত তাঁর তত নয়।
বল হে হো, হে হো সবুজ বনে যাই

মিছে শ্রেয় বন্ধুত্ব করো না বড়াই।
 হে হো, হে হো করো ঐশ্বরের নাম
 এ জীবন অবিমিশ্র সুখ আর আরাম।
 হে শীতের বাতাস, তুমি যাও বয়ে যাও
 অকৃতজ্ঞ ঝাঁকুণের মত তুমি নও।
 হে হো হে হো, গাও গান গাও
 শীতাত সুতীক্ষ তবু,
 কৃতজ্ঞ বন্ধুর মত সূচীতীক্ষ নও।

ডিউক। একটু আগে তুমি চুপি চুপি বললে তুমি আর রোলাণ্ডের পুত্র, আর আমিও ডাল করে দেখলাম, তোমার চেহারাটার মধ্যে তাঁর ছাপ রয়েছে, তোমার চোখ মুখ তাঁর কথা মনে করিয়ে দিচ্ছে। তাই যদি হয় তাহলে তুমি মাদরে গৃহীত হবে আমাদের মধ্যে। আমি হচ্ছি সেই ডিউক যে তোমার বাবাকে ভালবাসত। তুমি আমার আস্তানায় গিয়ে তোমার জীবনের সব কৃতান্ত খুলে বলবে চল। আর তুমিও তোমার মনিবের মত আমাদের কাছেই থাকবে। ঠুকে হাত দিয়ে ধরে নিয়ে চল। এস করমর্দন করি। চল, তোমার সব কথা খুলে বলবে চল। (সকলের প্রশ্নান)

□ তৃতীয় অঙ্ক □

প্রথম দৃশ্য। রাজপ্রাসাদ।

ডিউক ফ্রেডারিক, অলিভার ও লর্ডদের প্রবেশ

ডিউক। এখনো পর্যন্ত তার দেখা পেলো না। কিন্তু শোন, ওসব চলবে না। আমার মনটা যদি এতটা দস্যব ভরা না থাকত তাহলে আমি তোমার এই অকর্মণ্যতাকে সহ্য করতে পারতাম না। আমার প্রতিশোধ বাসনাকে অচরিতার্থ রাখার সপক্ষে দেখানো তোমার কোন যুক্তিকেই আমি মানতাম না। কিন্তু দেখ, আর না। যেখানে যেভাবে থাক, তোমার ভাইকে খুঁজে বার কর। এই বারো মাসের মধ্যে তাকে যদি জীবিত অথবা মৃত ধরে আনতে না পার তাহলে আমার রাজ্যে তোমার আর বাস করা চলবে না। তোমার ভাইকে ভাগ না করলে স্বাধীন অস্থায়ী সব সম্পত্তি বাজেয়াপ্ত করে দখল করে নেওয়া হবে।

অলিভার। এবিষয়ে আমার মনের অবস্থা কি কল্পের তাও অজানা নেই। জীবনে আমি আমার ভাইকে বেশদিনের জন্তে ভালবাসিনি।

ডিউক। তুমি হচ্ছ আরও শয়তান। ঠুকে দবজার বাইরে নিয়ে যাও। আমার উচ্চপদস্থ কর্মচারীদের বলে দিও, তারা যেন এর জমি জায়গা ও বিয়য় সম্পত্তির একটা তালিকা তৈরি করে। কাজটা খুব ভাড়াভাড়ি

করতে হবে। তাকে ঘুরিয়ে আনো, যেতে দিও না। (সকলের প্রস্থান)
দ্বিতীয় দৃশ্য। বনভূমি।

একটুকরো কাগজ হাতে অর্ল্যাণ্ডোর প্রবেশ

অর্ল্যাণ্ডো। আমার প্রণয়কে সাক্ষী রেখে আমার কবিতাপত্রটিকে ওইখানে
ওই গাছের উপর ঝুপিয়ে দিই। হে নক্ষত্রের রানী, অন্ধকার আকাশ
হতে তোমার শুচিশূন্য চোখ মেলে দেখ, থাকে আমি সারাজীবন ধরে খুঁজে
চলেছি আমার সেই প্রিয়তমার নামাঙ্কিত পত্র রেখে দিচ্ছি আমি। হে
রোজালিন্দ, এইসব বৃক্ষরাজিই হবে আমার প্রণীত পুস্তক যার প্রতিটি
কাণ্ডে খোদিত করে রাখব আমার চিন্তার প্রতিটি কথাকে যাতে এই বনের
প্রতিটি পথিক তোমার গৌরবগাথা সর্বত্র দেখতে পায়। নাও নাও,
তাড়াতাড়ি করো অর্ল্যাণ্ডো, প্রতিটি বৃক্ষগাত্রে তোমার সেই অনির্বচনীয়
সুন্দরী ও সতী প্রিয়তমার গুণগান খোদাই করে চল। (প্রস্থান)

কোরিণ ও টাচস্টোনের প্রবেশ

কোরিণ। আচ্ছা মশাই টাচস্টোন, আপনার এই গ্রাম্য রাখালের জীবন
কেমন লাগছে?

টাচস্টোন। সত্যি বলছি মেমপালক, একদিক দিয়ে এ জীবন খুবই ভাল।
কিন্তু আবার যেহেতু এ জীবন একান্তভাবে গ্রাম্য সেইহেতু তা মোটেই
ভাল না। যেহেতু এ জীবন বেশ নির্জন সেইজন্ত আমি তা পছন্দ করি;
কিন্তু এ জীবন একেবারে ব্যক্তিগত বলে আমার খুব খারাপ লাগে; যেহেতু
এ জীবন ছড়িয়ে আছে মাঠে প্রান্তরে সেকারণ আমার খুব ভাল লাগে কিন্তু
এ জীবন শহর বা রাজসভা থেকে বহু দূরে বলে আমার কাছে ক্রান্তিকর বলে
মনে হয়। যেহেতু এ জীবন অর্থহীন সেকারণ আমার মনের সঙ্গে বেশ
খাপ খায়; কিন্তু এরমধ্যে কোন প্রাচুর্য নেই বলে আমার ঠিক ভাল লাগে
না। আচ্ছা মেমপালক, তোমার কি নিজস্ব কোন জীবনদর্শন আছে?

টাচস্টোন। আমার জীবনদর্শন বলতে অণু কিছু নেই। আমি শুধু বুঝি
যে যে যত বেশী রোগে ভুগে দুর্বল হয় তত অস্বস্তি বোধ করে আর জানি, যে
মানুষ অর্থ উপায় আর মস্তোষ ভাগ করে সে মানুষ জীবনের তিনটি বন্ধুকই
হারায়। আমি জানি যে বৃষ্টির ধর্ম ভেজানো, আগুনের ধর্ম শোড়ানো,
ভাল কসল খেলে ভেড়ারা মোটা হয় আর সূর্য ডুবলেই বৃষ্টি হয়। যে
স্বাভাবিকভাবে অথবা কলাবিচার মাধ্যমে লেখাপড়া লেখেন না, সে হয়
ভাগ্যকে দোষ দেয় অথবা সে খুবই বোকা হয়।

টাচস্টোন। এ ধরনের লোক ত স্বভাবিক-দার্শনিক এ ধরনের লোক কি
রাজসভায় পাওয়া যায়?

কোরিণ। সত্যি সত্যিই না।

টাচস্টোন। তাহলে তুমি নিপাত যাও। তুমি কিছুই জান না।

কোরিণ । না। আমিও তাই মনে করি।

টাচস্টোন। সত্যিই তুমি জাহায়ায়ে গেছ, ঠিক একপেশে ভাজা পোড়া ডিমের মত।

কোরিণ। কেন, আমি রাজসভায় না যাওয়ার জন্যে আমার জীবনের আধখানা মাটি হয়ে গেল, এই তোমার যুক্তি?

টাচস্টোন। কেন, যদি তুমি কোনদিন রাজসভায় না গিয়ে থাক তাহলে সন্ধ্যাবহার কি জিনিস তা বুঝতে পারনি। আর সন্ধ্যাবহার না জানলে তোমার ব্যবহার দুষ্ট হতে বাধ্য। দুষ্টমি বা বদমায়েসি হলো পাপ আর পাপ থেকেই নরক। তোমার অবস্থা বড়ই সঙ্কটজনক।

কোরিণ। মোটেই না টাচস্টোন। দেখ, যারা শহরে বা রাজসভায় ভাল আচরণ করে তারা যে পাড়াগাঁয়ে এসে ভাল আচরণ করবেই এমন কোন কথা নেই; তারা অনেক সময় পাড়াগাঁয়ে এসে উপহাসের বস্তু হয়ে দাঁড়ায়। তুমি বলেছিলে রাজসভায় তোমরা নমস্কার কর না, তোমরা নাকি পরস্পরের হাত চুম্বন কর। কিন্তু ধর সভাসদরা যদি মেঘপালক হত তাহলে তাদের হাত-গুলো নোংরা হত আর সেই নোংরা হাত দিয়ে চুম্বন করা হত না।

টাচস্টোন। আচ্ছা তাহলে দৃষ্টান্ত দিয়ে দেখাও।

কোরিণ। কেন, আমরা ভেড়ী আর তাদের ছানাগুলো নিয়ে প্রায়ই নাড়া-চাড়া করি আর সেগুলোর গায়ে কেমন তেল তেল জাব আছে। তাতে আমাদের হাত ভিজ়ে যায়।

টাচস্টোন। তবে আমরা যারা সভাসদ তাদের হাত কি খামে না? মালুয়ের গায়ের ঘাম আর ভেড়ার চর্বিতে তুফাং কি? মালুয়ের ঘাম যদি ভাল হয় তাহলে ভেড়ার চর্বিও ভাল হবে। বাজে, সব বাজে। অল্প ভাল প্রমাণ দাও।

কোরিণ। আমরা যারা গৌরো চাম্বীভূষো মালুয তাদের হাতগুলো বড় কড়া।

টাচস্টোন। তোমাদের হাত যদি শক্ত হয় তাহলে সে হাতে চুম্বন করলে ঠোঁটে তা সহজেই বোকা যাবে। না, অল্প প্রমাণ দাও।

কোরিণ। দেখ, অসুস্থ অথবা প্রসূতি ভেড়াদের নিয়ে ঘাঁটাঘাঁটি করতে গিয়ে আমাদের হাতে আলকাতরার মত চটচটে কী সব লেগে যায়। তোমরা কি সেই হাত নিয়েই চুম্বন করতে বল? অথচ তোমাদের মত সভাসদদের হাতের সুগন্ধি আতর মাখা থাকে।

টাচস্টোন। তোমার বুদ্ধিসুদ্ধি কিছু নেই দেখছি। যদি মাংস থেকে যে পোকা হয় সেই পোকা কিলবিল করছে তোমার মস্তক। শোন, আমাদের মত পণ্ডিত লোকদের কাছ থেকে শিক্ষা গ্রহণ করে নিজেকে সুধরে নাও। আসলে আলকাতরা থেকে সুগন্ধি আতর প্রসারিত জিনিস। এই আতর বিড়ালের নোংরা চর্বি থেকে তৈরি হয়। সুতরাং অল্প প্রমাণ দাও।

কোরিণ। মহাশয়, আমি একজন মেহনতী মালুয। আমি মেহনত করে

মা রোজগার করি তাতেই পেট ভরাই, তাতেই ভরণপোষণ চালাই। কাউকে ঘৃণা করি না, কারো সূখে হিংসা করি না। অন্তের ভাল দেখে সুখী হই, নিজের ক্ষতি হলেও সম্বলচিত্তে তা সহ্য করি। আর সবচেয়ে আনন্দ ও গর্ব অনুভব করি তখন যখন দেখি ভেড়ীগুলো চড়ছে আর তাদের বাচ্চাগুলো তাদের দুধ খাচ্ছে।

টাচস্টোন। এটা হচ্ছে তোমাদের আর একটা মূল পাপ। তোমাদের কাজ হচ্ছে একটা ভেড়ীর সঙ্গে একটা ভেড়াকে জুটিয়ে দেওয়া আর তাদের সহবাস থেকে সম্ভাবন উৎপন্ন করিয়ে তার উপর জীবন ধারণ করা। তোমাদের আরো অন্তায় হচ্ছে এক বছরের একটা তরুণী ভেড়ীর সঙ্গে একটা বড়ো ভেড়াকে জুটিয়ে দেওয়া, যাদের মধ্যে কোনক্রমেই কোন মিল সম্ভব না। এতে যদি তোমার কোন পাপ না হয়, তাহলে পৃথিবীতে কোন মেমপালকেরই পাপ বলে কোন জিনিস থাকবে না। তোমার উদ্ধারের কোন আশাই দেখছি না। কোরিণ। এই আমার ছোকরা মনিব গ্যানিমীড অর্থাৎ আমার মতুন মনিব দিদিমণির ভাই আসছে।

একটি কাগজ পড়তে পড়তে রোজালিন্ডের প্রবেশ

রোজালিন্ড। পূর্ব থেকে পশ্চিমেতে যেথায় যাবে ভাই
রোজালিন্ডের সমতুল্য রত্ন কোথাও নাই।
রোজালিন্ডের গুণগাথা বাতাসেতে ভাসে
সারা জগৎ স্তম্ভিত হয় তার সুনামে আর যশে।
সুন্দর কতই ছবি দেখেছি রজনী
রোজালিন্ডের শূণের পাশে মনে হয় হীন।
মনে চিরদিন বেঁচে থাকে যেন রোজালিন্ডের কথা
কোনদিন যেন না ভুলি তার গৌরবেরি গাথা।

টাচস্টোন। নাওয়া খাওয়া ঘুমানের সময় বাদ দিয়ে আট বছর ধরে চেঁচা করলে এরকম কবিতা আমিও মিলিয়ে দিতে পারি। এ যেন গয়লানীর হেলতে ছলতে বাজারের পথে এগিয়ে যাওয়া।

রোজালিন্ড। ভূমি এখন যাও বোকারাম কোথাকার!

টাচস্টোন। আমার কবিতার নমুনাটা একবার চেখে দেখ ফকির

হরিণ যদি হরিণীরে খোঁজে

সে পাবে তার মনের মত রোজালিন্ডের মাঝে।

বিড়াল যদি বিড়ালীরে খোঁজে

সে পাবে তার মনের মত রোজালিন্ডের মাঝে।

শীতবস্ত্রে লাইনিং খেঁজি

শীর্ণদেহ রোজালিন্ডও ত্রেমন।

মাঠে মাঠে ফসল কাটে যারা

রোজালিন্দকে বাহকরূপে নিতে পারে ভাড়া।
বাদামের ভেতর যেমন মিষ্টি থাকে জ্বাট
রোজালিন্দও তেমনি মিষ্টি আর তেমনি খাঁটি।
কেউ যদি সুগন্ধি মিষ্টি গোলাপ চাও
ভালবাসার কাঁটাসমেত রোজালিন্দকে নাও।

এই হচ্ছে কদমচালে চলা ঘোড়ার মত লাকিয়ে লাকিয়ে যাওয়া কবিতার
ছন্দ। তুমি আবার এই কবিতার খপ্পরে পড়তে গেলে কেন?
রোজালিন্দ! এখন খাম দেখি। আমি লিখিনি, আমি ওই গাছে এই
কবিতাটা ঝোলানো অপস্থায় পেয়েছি।

টাচস্টোন। সত্যিই গাছটার ফল তাহলে খুব খারাপ দেখছি।
রোজালিন্দ। আমি তাহলে এই কবিতাটা তোমার গলায় ঝুলিয়ে দেব। আর
ভারপর...। তাহলে খুব ভাল ফল ফলবে। ফল অর্ধেক পাকার আগেই
তুমি পচে যাবে। আর সেটাই হচ্ছে...খর্ম।

টাচস্টোন। তুমি অবশ্য তোমার যা বলার বলেছ। তবে ঠিক বলেছ কি
বেটিক বলেছ তা এই বনই বিচার করবে।

একটি লেখা কাগজ হাতে সিলিয়ার প্রবেশ

রোজালিন্দ। চুপ করো, কি পড়তে পড়তে আমার বোন আসছে। সরে যাও।
সিলিয়া।

কে বলে এ বন শুকনোবিড় নির্জন মরুসম

প্রীতিটুকু ভাষা দেব আমি কথা কবে অল্পমম।

ক্ষণভঙ্গুর জীবনে মাহুদ কতই তুল যে করে

শৃংখল তার ছোট বড় হয় সারাটি জীবন ধরে।

প্রীতিপ্রণয়ের কত যে শপথ ভেঙ্গে যায় ক্ষণে ক্ষণে

কত বন্ধন টুটে যায় আর ব্যথা দিয়ে যায় মনে।

তাই লিখে রাখি প্রতি গাছে গাছে রোজালিন্দের নাম

পড়িতে যে জানে পরমার্থ তার নিশ্চয় পরিণাম।

স্বর্গ নিমর্গ বুয়েতে সিলিয়া অল্পমম দেহ গড়ে

সকল গুণের গরিমা সুবমা তাহার মাঝেতে ভরে

ক্রিওপেটার তেজস্বিতা শুধু হেলেনের গণ্ডভিঙি

লুক্রেসিয়ার সতীত্ব আর আটলান্টার গভীর

সেরা চোখমুখ বর্ণ সুবমা আমি তিমিকিল করি

দেবতার। সবে গড়ে তুলেছে রোজালিন্দ সুন্দরী।

স্বর্গসুবমা টির অমলিন থাকে এখন তার মুখে

তার পায়ে মাথা রেখে আমি মরিতে পারি গো সুখে।

রোজালিন্দ। ওহে বক্তা থাম থাম। এ কি ক্লান্ত প্রেমের সুর কোথা থেকে

এনে আমাদের ক্লান্ত কর্ণকূহরে চেলে দিচ্ছ! কিন্তু তুমি কি থামতে জান না,

আমার সঙ্গে কথা বলতে পার না ?

সিলিয়া। বন্ধুগণ এখন যাও ত। রাখাল ভাই তুমি এখন যাও। টাচস্টোন, তুমিও যাও।

টাচস্টোন। এস হে রাখাল ভাই, মানে মানে এখন কেটে পড়। মালপত্তর না থাক কাগজপত্তর যা আছে তাই নিয়ে সরে পড়ি চল।

(টাচস্টোন ও কোরিণের প্রস্থান)

সিলিয়া। এইসব কবিতা কি তুমি শুনেছ ?

রোজালিন্দ। শুনেছি। এরচেয়ে আরও বেশী শুনেছি। তবে কতকগুলো কবিতার চরণের সংখ্যা এত বেশী যে কবিতা তা বইতেই পারছিল না।

সিলিয়া। তাতে কিছু যায় আসে না। কবিতার চরণই কবিতাকে বয়ে নিয়ে যায়।

রোজালিন্দ। তা ত বুঝলাম। কিন্তু চরণগুলো ভাঙ্গা বলে ভাবের সাহায্য ছাড়া নিজেদেরই বইতে পারছিল না। তাই কবিতার মধ্যে খোঁড়া হয়ে দাঁড়িয়ে ছিল।

সিলিয়া। কিন্তু তুমি কি শোননি কেমন করে তোমার নাম গাছের ডালে ডালে ঝোলানো হয়েছে আর তার গায়ে গায়ে খোদাই করা হয়েছে ? একথা শুনে কি আশ্চর্য হওনি ?

রোজালিন্দ। তুমি আমার আগেই আমি তা দেখে শুনে আশ্চর্য হয়েছি। এই দেখ, এই কবিতাটা আমি এক ভালগাছে ঝোলানো দেখতে পেয়েছি। সেই সুদূর পীথাগোরাসের যুগে আমি স্বপ্ন ছিলাম মাথায় এক আশ্চর্যল্যাগের ইচ্ছা তখন থেকে আমাকে নিয়ে কেউ কখনো এত কবিতা আর লেখেনি। সেসব কথা অবশ্য আমার আর মনে পড়ে না।

সিলিয়া। তোমার কি মনে হয়, কে এ কবিতা লিখেছে ?

রোজালিন্দ। নিশ্চয় একজন পুরুষ মানুষ।

সিলিয়া। পুরুষ মানুষ ত বটে, তার সঙ্গে আবার আছে একটা সোনার শিকল যা একদিন তোমার গলায় ঝুলত। এ কি, তোমার মুণের রং বদলে যাচ্ছে যে।

রোজালিন্দ। কে বল ত দেখি ?

সিলিয়া। হা ভগবান! ভূমিকম্পে দুটো পাহাড় উপড়ে এসে এক জগন্নাথ জড়ো হতে পারে; কিন্তু হুই বন্ধুর দেখা হয় না। কিন্তু এ কেমন করে হলো!

রোজালিন্দ। না, না। কে তোকে তা বলতেই হবে।

সিলিয়া। কে তা কি করে বলব, তা কি বলা সম্ভব আমার পক্ষে ?

রোজালিন্দ। না না বলতেই হবে। আমি কাঁচবইবে আবেদন করছি, বল কে একাজ করেছে।

সিলিয়া। ও কী আশ্চর্য! ভারী আশ্চর্য! আরও আশ্চর্য! আবার আশ্চর্য— তাও এত কাণ্ডের পর।

রোজালিন্দ। হা আমার কপাল! তুই কি ভেবেছিল, আমি পুরুষের পোষাক পরে আছি বলে আমার মনটাও পুরুষের মত হয়ে গেছে? একমুহূর্ত দেরি হওয়া মানে দক্ষিণ সাগর আবিষ্কারের মত মনে হচ্ছে। আমি অনুরোধ করছি, বল কে? মুখে কথা না সরলে তোংলার মত বল। ছোটমুখ বোতল থেকে যেমন মদ হয় একবারে পড়ে যায় অথবা মোটেই পড়ে না তেমনি পারিস ত বল আর না পারিস ত একেবারেই বলিস না। এইবার নে ত, তোর মুখের ছিপি খোল, সংবাদসুধা তোর মুখ থেকে পান করি।

সিলিয়া। তার নামে একটা আস্ত মানুষকে তোর পেটের মধ্যে ভরতে চাস? রোজালিন্দ। লোকটা কি বিধাতার সৃষ্টি? কী ধরনের মানুষ? তার মাথাটা কি টুপী পরার মত অথবা তার চোয়ালটা দাড়ী রাখার মত?

সিলিয়া। না, তবে তার অঙ্গ একটু দাড়ী আছে।

রোজালিন্দ। লোকটা যদি কৃতজ্ঞ হয় তাহলে ঈশ্বর তাকে আরো দাড়ী দেবেন। কিন্তু লোকটার পরিচয় দিতে যদি তুমি দেরি কর তাহলে তৎক্ষণে আরো দাড়ী গজিয়ে যাবে তার মুখে।

সিলিয়া। লোকটা হচ্ছে যুবক অর্ন্যাণ্ডো যে একই সঙ্গে সেই মল্লবীরের পা আর তোমার হৃদয় চূর্ণ করে দিয়েছে।

রোজালিন্দ। না না, এ হচ্ছে নিছক ঠাট্টা। বল না গোমরাযুথো ভাল মেয়ে।

সিলিয়া। সত্যি বলছি ভাই, সেই বটে।

রোজালিন্দ। অর্ন্যাণ্ডো?

সিলিয়া। অর্ন্যাণ্ডো।

রোজালিন্দ। হায় হায়, কী কৃষ্ণগেই না তার সঙ্গে দেখা হলো। এখন আমি এই পুরুষের পোষাক নিয়ে কি করব? তোমার সঙ্গে যখন তার দেখা হলো তখন সে কি করছিল? সে কি বলল? তাকে কেমন দেখাচ্ছিল? কোণায় সে যাচ্ছিল? সে কি আমার কথা শুধোচ্ছিল? কিভাবে তোমার কাছ থেকে বিদায় নিল? আবার তার সঙ্গে তোমার কখন দেখা হবে? এককথায় এইসব প্রশ্নের উত্তর দাও।

সিলিয়া। তাহলে আমায় রাফস গ্যারগানচুয়ার কাছ থেকে মুখ ধার করতে হবে। আমার মত বয়সের মেয়ের যা মুখ তাতে কখনো এত-কথার উত্তর দেওয়া যায় না। পুরো উত্তর দেওয়া ত দুবের কথা, হাঁ বা না বলে সংক্ষেপে উত্তর দেওয়াও যায় না।

রোজালিন্দ। সে কি জানে আমি এ বলে আছি এবং পুরুষের পোষাক পরে ঘুরে বেড়াচ্ছি? সেই কুস্তির দিন যেমন তাকে সুন্দর দেখাচ্ছিল তেমনি তাকে সুন্দর দেখলি ত?

সিলিয়া। প্রেমিকদের প্রেমসংক্রান্ত অজ্ঞ প্রশ্নের উত্তর দেওয়ার থেকে অসংখ্য অল্প পরমাণু গুলো যাওয়া অনেক ভাল। তবে আমি যেভাবে তাকে দেখে-

ছিলাম, সেইকথা শুনেই সন্দেহ থাক। আমি তাকে একটি গাছের তলায়
গাছ থেকে হঠাৎপড়া একটি ফলের মত দেখতে পেয়েছিলাম।

রোজালিন্দ। গাছটা তাহলে জোড়ের গাছ বলতে হবে যেহেতু তার
থেকে এমন অমূল্য ফল পড়ে।

সিলিয়া। আমায় বলতে দাও, আমার কথা শোন মহাশয়া।

রোজালিন্দ। বল, বল।

সিলিয়া। আহত সৈনিকের মত সেই গাছের তলায় সে শুয়েছিল।

রোজালিন্দ। যদিও এভাবে তাকে দেখাটা দুঃখের বিষয় তবু যে মাটিতে
সে শুয়েছিল সে মাটিটা ধুস্ত হয়ে গেছে।

সিলিয়া। তোমার মুখ খামাও ত দেখি। তুমি যখন তখন যা তাই বকছ।

তাকে আমি শিকারীর বেশে দেখলাম।

রোজালিন্দ। তাহলে ত খুবই দুঃখের কথা; আমার হৃদয়কে সে নিশ্চয় বধ
করতে এসেছে ব্যাধের মত।

সিলিয়া। তুমি আমাকে কিন্তু রাগিয়ে তুলছ। আমি এবার যা খুশি বলব
তোমায়।

রোজালিন্দ। তুই কি জানিস না, আমি মেয়েছেলে? মুখে কথা এলে
বলতেই হবে। যাইহোক, মিষ্টি বোন আমার, বল দেখি।

সিলিয়া। তুমি আমায় আবার বকাছ। চূপ। ও আসছে না?

অর্ন্যাণ্ডো ও জ্যাকের প্রবেশ

রোজালিন্দ। হ্যা, সেই। একটু পাশে সরে গিয়ে দাঁড়া।

জ্যাক। তোমার সাহচর্যের জন্ত ধন্যবাদ। তবে বিশ্বাস করো, আমি একা
থাকনেই ভাল হত।

অর্ন্যাণ্ডো। আমারও তাই। তবে ভদ্রতার খাতিরেই আমি তোমার
সাহচর্যের জন্ত ধন্যবাদ দিচ্ছি।

জ্যাক। তুমি তাহলে একাই থাক। আমি চললাম, আমাদের দেখা মত
কম হয় ততই ভাল।

অর্ন্যাণ্ডো। আমিও চাই আমাদের মধ্যে যেন আর দেখা না হয়।

জ্যাক। তবে আমার অহুরোধ, তোমার প্রেমের কবিতা খুলিয়ে গাছটাকে
আর নষ্ট করো না।

অর্ন্যাণ্ডো। আমিও অহুরোধ করছি, অনিচ্ছুক মনে পড়ে আমার কবিতা-
গুলোর মানহানি করো না।

জ্যাক। তোমার প্রেমিকার নাম কি রোজালিন্দ?

অর্ন্যাণ্ডো। হ্যা, ঠিক তাই।

জ্যাক। এ নাম আমার ভাল লাগে না।

অর্ন্যাণ্ডো। তার নামকরণের সময় তোমাকে খুশি করার কথা কারও

মনে ছিল না।

জ্যাক। তার স্বভাবটা কেমন?

অর্ল্যাণ্ডো। আমার অন্তরের আকাশের মতই সে উঁচু আর উদার।

জ্যাক। তুমি দেখছি বেশ ভালই উত্তর দিতে পার। আচ্ছা স্বর্ণকারদের স্ত্রীর সঙ্গে তোমার কখনো আলাপ হয়েছে? তাদের আঙ্গুলে কখনো আংটি পরিয়েছ?

অর্ল্যাণ্ডো। না, তবে রঙীন কাপড়ের সঙ্গে আমার পরিচয় আছে আর আমার মনে হয় তুমিও তাই থেকে তোমার এই প্রশ্ন করার বুদ্ধি পেয়েছ।

জ্যাক। তোমার বুদ্ধি বেশ স্বল্প দেখছি। মনে হচ্ছে তোমার এ বুদ্ধি যেন আতলাস্তার জুতোর গোড়ালি থেকে তৈরি হয়েছে। তুমি কি কিছুক্ষণ আমার কাছে বসবে? আমরা তাহলে দুজনে এই পৃথিবী আর তার দুখ কষ্ট নিয়ে কিছু সমালোচনা করব।

অর্ল্যাণ্ডো। আমি কিন্তু এই পৃথিবীর আমি ছাড়া অন্য কোন লোকের কোন নিষে করব না, কারণ আমার দোষের কথাই আমি সবচেয়ে ভাল জানি।

জ্যাক। তোমার সবচেয়ে বড় দোষ এই যে তুমি প্রেমে পড়েছ।

অর্ল্যাণ্ডো। এটা যদি দোষ হয় তাহলে তোমার সবচেয়ে ভাল গুণের বিনিময়েও আমি তা ত্যাগ করব না। আমি আর তোমার সখ্য করতে পারছি না।

জ্যাক। সত্যি বলছি, আমি এক বোকা লোকের খোঁজ করছিলাম আর ঠিক সেই সময় তোমায় পেয়ে গেলাম।

অর্ল্যাণ্ডো। তুমি যাকে দেখেছ সে নদীর জলে ডুবে গেছে। এখন তুমি নিজের মধ্যে দেখ, তাকে দেখতে পাবে।

জ্যাক। কিন্তু দেখানে ত আমারই ছবি দেখতে পাব।

অর্ল্যাণ্ডো। আমি তোমাকে হয় এক নীরেট বোকা অথবা একজন অপদাণ ভবঘুরে বলে মনে করি।

জ্যাক। আমি আর তোমার সঙ্গে বৃথা কালক্ষেপ করব না। বিদায় প্রেমিক মহাশয়।

অর্ল্যাণ্ডো। আমি তোমার চলে যাওয়াতে খুশি গোমরা মুখো মহাশয়।

(জ্যাকের প্রস্থান)

বোজালিন্দ। (দিলিয়াকে আড়ালে ডেকে) আমি এক সঙ্গে উন্নত চাকরের মত কথা বলব আর সেইভাবেই ওর সঙ্গে দুইটি করব। শুনছ ও বনবাসী, শুনছ?

অর্ল্যাণ্ডো। হ্যা, হ্যা শুনছি! বল কি বলবে?

বোজালিন্দ। বলছি কি, এখন ক'টা বাক্সে?

অর্ন্যাণ্ডো। তোমার শুধোন উচিত এখন বেলা কতটা। বনেতে বাড়ি নেই। ক'টা বাজে কি করে বলব ?

রোজালিন্দ। তাহলে বলব বনেতে কোন প্রেমিকও নেই। তা যদি থাকত তাহলে তার প্রেমাঙ্গদের জন্ত প্রতিটি মুহূর্তে দীর্ঘশ্বাস ফেলে আর প্রতিটি ঘন্টার আর্তনাদ করে সে বাড়ির মত অলস সময়ের গতি বলে দিতে পারত। অর্ন্যাণ্ডো। অলস না বলে দ্রুতগতি কালের কথা বললে না কেন ? সেটা কি ঠিক হত না ?

রোজালিন্দ। কোনক্রমেই না মশাই। কালের গতি বিভিন্ন লোকের কাছে বিভিন্ন রকমের। সময় কার কাছে আস্তে চলে, কার কাছে ছুটে চলে, ঘোড়ার মত কার কাছে কদম চলে চলে আর কার কাছেই বা স্থির হয়ে দাঁড়িয়ে থাকে তার বিবরণ তোমায় দেব।

অর্ন্যাণ্ডো। আচ্ছা বলত দেখি কার কাছে সময় ঘোড়ার মত ছুটে চলে ?

রোজালিন্দ। সময় চলে খুব টিমেতালে কুমারী মেয়ের কাছে। বিয়ের পার্কা কথার দিন আর বিয়ের দিনের মাঝখানে অস্বর্ভাবী কাল সময়টা তার কাছে যেতেই চায় না। সাতটা রাত মনে হয় সাত বছর।

অর্ন্যাণ্ডো। কার কাছে সময় খুব আস্তে চলে ?

রোজালিন্দ। যে পুরোহিত মন্ত্র জানে না আর যে ধর্মীর বাতের রোগ নেই, হুঁজনেই ভাড়াভাড়ি ঘুমিয়ে পড়ে। যে পুরোহিত মন্ত্র জানে না বা পড়তে জানে না সে পূজা করতে গিয়ে তুলতে থাকে ঘুমে আর যে ধর্মীর বাতের রোগ নেই সে আনন্দে দিন কাটায়, কারণ তার কোন রোগযন্ত্রণা নেই। পুরোহিতের অনাবশ্যক বিছার বোঝা নেই বলে সুখী আর ধর্মীর ঘাড়ে কোন ক্লান্তিকর দারিদ্র্যের বোঝা নেই বলে সে সুখী। দুজনেরই সময় কাটতে চায় না।

অর্ন্যাণ্ডো। আচ্ছা কার কাছে সময় ঘোড়ার মত ছুটে চলে ?

রোজালিন্দ। যে চোর ঝাঁসি কাঠের দিকে এগিয়ে যায় তার কাছে। কারণ যদিও সে যথাসম্ভব আস্তে আস্তে পা ফেলে এগিয়ে যায় তবু তার মনে হয় সময়টা খুব ভাড়াভাড়ি কেটে গেল আর সে খুব শীগগির পৌঁছে গেল।

অর্ন্যাণ্ডো। আচ্ছা কার কাছে সময় স্থির হয়ে থাকে ?

রোজালিন্দ। ছুটির দিনে উকিলবাবুদের কাছে। তারা শুধু দুটি দিনে বারবার ঘুমোয়। তবু দিন কাটতে চায় না। সময় কাটতে চায় না। তাদের মনে হয়, সময়টা তাদের বুক চেপে স্থির হয়ে আছে।

অর্ন্যাণ্ডো। কোথায় থাক হে ছোকরা। কুমি জো বুক হুন্দর।

রোজালিন্দ। এই রাখাল মেয়ে হচ্ছে আমার বোন। এর সঙ্গে এই বনের শেষ প্রান্তে পেটিকোটের পাড়ের মত একটি কুঁড়েতে বাস করি।

অর্ন্যাণ্ডো। এই জায়গাতেই তুমি কি জন্মেছি ?

রোজালিন্দ। আলোর আলোর মত এই বনেতে জন্মে এই বনেতেই বাস করি।

অর্ন্যাণ্ডো। তোমার উচ্চারণ কিন্তু এই বনের অধিবাসীদের থেকে অনেক মার্জিত।

রোজালিন্দ। অনেকে কিন্তু তাই জানায় বলে। কিন্তু কি করব বল! আমার এক ধর্মিক কাকা আমায় এইভাবে কথা বলতে শেখায়। তিনি যৌবনে শহরে বাস করতেন। রাজসভার আদব কায়দাও জানতেন। সেই রাজসভাতেই তিনি প্রেমে পড়েছিলেন। পরে প্রেমের বিরুদ্ধে অনেক কথা তাঁকে বলতে গুনেছি। ঐশ্বরকে ধন্যবাদ যে আমি মেয়ে হয়ে জন্মাইনি। কারণ তিনি এই মেয়ে জাতের বিরুদ্ধে অনেক অভিযোগ এনে প্রায়ই গালাগালি করতেন।

অর্ন্যাণ্ডো। এই ধরনের অস্বস্ত একটা বড় অভিযোগের কথাও তোমার মনে আছে কি?

রোজালিন্দ। কোনটাকেই ঠিক প্রধান অভিযোগ বলা যায় না। সব অভিযোগই সমান। প্রত্যেকটা দোষকেই সাংঘাতিক বলে মনে হত আবার পরমুহূর্তেই আর একটা দোষের কথা নিয়ে আসতেন যেটাকে সমান সাংঘাতিক বলে মনে হত।

অর্ন্যাণ্ডো। আমার অনুরোধ দুই একটা অভিযোগের কথা বল।

রোজালিন্দ। না। বারা দুর্বল তাদের উপর আমার শক্তির অপচয় করব না। একটা লোক এই বনে 'রোজালিন্দ' এই কথাটা গাছে গাছে খোদাই করে গাছগুলোকে মঠ করে চলেছে। কখনো কাটাগাছের উপর শোকগাথা আবার কখনো বা হৃদয়ের চারার উপর প্রশস্তিমূলক কবিতা ঝুলিয়ে দেয়। সেই কল্পনাপ্রবণ সোতটার যদি একবার দেখা পেতাম তাহলে তাকে কিছু সংশোধন দিতাম। কারণ মনে হচ্ছে তাকে উৎকর্ষ প্রেমের ব্যাধিতে ধরেছে।

অর্ন্যাণ্ডো। আমিই সেই প্রেমার্ত লোক। আমার অনুরোধ, কিছু খুশি ব্যতলে দাও।

রোজালিন্দ। আমার কাকা যেসব লক্ষণ দেখে প্রেমে-পড়া রাজসভার শিপিয়ে দিয়েছিলেন তার কোনটাই তোমার মধ্যে দেখছি না। কাকার কোন লক্ষণের খাচাতেই তুমি বন্দী হওনি।

অর্ন্যাণ্ডো। তিনি কোন্ কোন্ লক্ষণের কথা বলেছেন আপনি?

রোজালিন্দ। প্রেমে-পড়া লোকের গাছগুলো শুকিয়ে বসে বাবে, কিন্তু তোমার তা দেখছি না; তার চোখ ছোটো নীল, মুখে কোটবে চুকে যাবে, তোমার তাও দেখছি না; তার অন্তর হবে অকৃত, তাও তোমার নেই; তার মুখের দাড়ি হবে উজ্জ্বল, তাও তোমার দেখছি না; তবে অবশ্য দাড়ির জগা

তোমায় দোষ দিচ্ছি না, কারণ তোমার বয়স খুব কম। তারপর তার মোজা খাঁটা থাকবে না; জামা ও দস্তানার বোতাম থাকবে না; জুতোর দ্বিতে থাকবে না; তার সবকিছুতেই একটা অগোছালো ভাব স্পষ্ট দৃষ্টি বেরোবে। কিন্তু তোমাকে দেখে তা মনে হচ্ছে না। তোমাকে দেখে সাজ-গোজ করা মার্জিত লোক বলেই মনে হচ্ছে। মনে হচ্ছে অপর কাউকে না, তুমি নিজেকেই ভালবাস বেশী।

অর্ন্যাণ্ডো। কিন্তু বিশ্বাস করো ভাই, সত্যি সত্যিই আমি ভালবাসি; এ-কথাটা তোমায় বোঝাতে পারলে খুশি হতাম।

রোজালিন্দ। আমি বিশ্বাস করব। তার থেকে তুমি যাকে ভালবাস তাকে বরং বিশ্বাস করো। আর আমার মনে হয় সে বিশ্বাসও করবে। মুপ ফুটে বলতে পারুক আর নাই পারুক। এইভাবেই মেয়েরা অনেক সময় তাদের বিবেকের সঙ্গে করে প্রভারণা। মনের কথা মুখে স্বীকার করে না! কিন্তু সত্যি করে বল, তুমিই কি সেই লোক যে রোজালিন্ডের স্ততিগান সম্বলিত কবিতা লিখে পাছে পাছে কুলিয়ে বেড়ায়?

অর্ন্যাণ্ডো। আমি রোজালিন্ডের স্ততিগান হাতের নামে শপথ করে বলছি ভাই, আমিই সেই লোক।

রোজালিন্দ। কিন্তু তোমার কবিতার যেভাবে লেখা আছে তুমি সেইভাবে অর্থাৎ তেমনি গভীরভাবে ভালবাস ত?

অর্ন্যাণ্ডো। কোন কাব্য বা যুক্তিই আমার ভালবাসাকে ঠিকমত প্রকাশ করতে পারবে না।

রোজালিন্দ। দেখ, প্রেম হচ্ছে নিছক পাগলামি। আর সে পাগলামি সারানোর জন্য একটা অঙ্ককার ঘর আর একটা বেত চাই; এইভাবেই সব পাগলকে সারানো যায়। তবে এসব করেও প্রেমের পাগলামি কেন সারানো যায় না তা জান, তার কারণ হচ্ছে এই যে সবাই ত প্রেমে পড়ে আছে। তাই যারা বেত হাতে পাগলামি দূর করতে যায় তারা নিজেরাই প্রেমে পড়ে যায়। তবু আমি প্রতিজ্ঞা করছি সং পরামর্শের দ্বারা আমি তোমাকে সারিয়ে তুলব।

অর্ন্যাণ্ডো। এর আগে তুমি কাউকে এ রোগ থেকে সারিয়ে তুলেছ?

রোজালিন্দ। হ্যাঁ, একজনকে এবং ঠিক এইভাবে। সে রোগী তাকে ভাবতে হবে আমিই তার প্রেমদী নাগিকা আর তাকে রাজ একবার করে এসে আমাকে আদর করে ভালবাসার কথা শুধিয়ে যেতে হবে। সেই সময় চন্দ্রিকাবিহ্বল হুবতীর মত ক্ষুধে ক্ষুধে মমিত ভাব বদলাব, কখনো হাসব, কখনো কাঁদব, কখনো অভিজ্ঞান করব, কখনো শিশুর মত পাগলামি করব, নানা রকমের বায়না ধরব। অর্থাৎ সব আবেগই কিছু কিছু থাকবে, তবে কোন আবেগই সত্যিকারের বা একেবারে খাটি হবে না। প্রেমে-

পড়া সব ছেলেমেয়েরাই এইরকম করে থাকে। মনে করো, এই তাকে ভালবাসব, আবার সঙ্গে সঙ্গে তাকে ঘৃণা করব, এই তাকে আদর করে বরণ করে নেব, আবার একটু পরেই বলব, যাও, আমার চোখের সামনে থেকে চলে যাও; কখনো তার জন্তে কাঁদব আবার কখনো তার নামে ঘৃণায় গুথু ফেলব। এইভাবে তাকে প্রেমের পাগলামি থেকে মুক্ত করে সত্যিকারের পাগলামিতে টেনে এনেছিলাম। তবে অবশ্য এরজন্য জগৎ সংসারের সবকিছু ছেড়ে সাধু সন্ন্যাসীর মত একটা নির্জন জায়গায় থাকতে হবে। এইভাবে তোমাকেও সারিয়ে তুলতে পারি, তোমার মনটাকেও বলিষ্ঠ ভেড়ার হুপিণ্ডের মত এমন নিরোগ করে তুলতে পারি যাতে তার মধ্যে প্রেমের একটা ছিটে ফোটাও থাকবে না।

অর্ন্যাণ্ডো। আমার ও রোগ সারানোর দরকার নেই ভাই।

রোজালিন্দ। আমি তোমাকে ঠিক সারিয়ে তুলব যদি তুমি রোজ আমার কুটিরে এসে আমার রোজালিন্দ বলে ডাক আর ভালবাসা জানাও।

অর্ন্যাণ্ডো। আমার প্রেমের নামে শপথ করে বলছি আমি তা করব। তোমার বাসাটা কোথায় বল।

রোজালিন্দ। আমার সঙ্গে চল, আমি তা দেখিয়ে দেব। আর পথে যেতে যেতে বলবে তুমি এই বনে কোথায় থাক। চল, যাবে ত?

অর্ন্যাণ্ডো। নিশ্চয়, প্রাণ খুলে খুশি মনে যাব তোমার সঙ্গে।

রোজালিন্দ। না তুমি আমায় রোজালিন্দ বলে ডাকবে। এস বোন, তুমিও যাবে ত? (সকলের প্রস্থান)

তৃতীয় দৃশ্য। বনভূমি।

টাচস্টোন ও অদারীর প্রবেশ; পিছনে জ্যাক।

টাচস্টোন। এস অদারী, লক্ষ্মী অদারী, আমি তোমাকে তোমার ছাগল এনে দেব। কী অদারী, আমাকে তোমার পছন্দ হয়েছে তা? আমার এই সাদাসিদে চালচলনে তুমি খুশি ত?

অদারী। তোমার চালচলন? হা ভগবান, সে আবার কী?

টাচস্টোন। এই দেখ, আমি যেমন তুমি আর তোমার মত সাদাসাদু ছাগলছানাধের সঙ্গে দিবা বাস করছি। ঠিক যেমন লাভিন কপ্তি ওভিড গথ নামে উপজাতিদের মধ্যে বাস করতেন।

জ্যাক। (স্বগত) উপযুক্ত পাত্র না হলে জনৈক কবিতা অপচয়ই হয়। দেবতা জোভের খড়ো ঘরে বাস করার মত অল্পপুঙ্খ লোকের মুখে বিচার বা জ্ঞানের কথা মানায় না।

টাচস্টোন। যখন কোন লোকের কবিতা কেউ বোঝে না অথবা কেউ তার বুদ্ধির দাম দেয় না তখন একটা ছোট ঘরে বহু লোককে চুকিয়ে শাসকক করে

যেমন মারা হয় তেমনি মৃত্যুশঙ্কণা সে ভোগ করে মনে মনে। ভগবান যদি তোমার মনে একটু কাব্যরসের সঞ্চার করতেন তাহলে বড় ভাল হত।

অদারী। কাব্যরস আবার কি তা ত জানি না। কথা ও কাজের দিক থেকে তা কি ভাল? তা সত্যি?

টাচস্টোন। না, মোটেই সত্যি নয়। কারণ যে কাব্য যত বেশী সত্যি বলে মনে হয় তা ততই মিথ্যে, সত্যির ছলনামাত্র। প্রেমিকরা সাধারণতঃ কাব্যচর্চা করে। তবে কবিতায় তারা যেকথা লেখে, প্রেমিক হিসাবে কাজে সেকথা তারা মেনে চলে না।

অদারী। আচ্ছা, তুমি কি তাহলে চাও যে আমি ঈশ্বরের রূপায় কবি হয়ে উঠি?

টাচস্টোন। হ্যাঁ, সত্যিই আমি তা চাই। তাছাড়া তুমি শপথ করে বলেছ তুমি সৎ। কিন্তু তুমি যদি কবি হতে তাহলে বুঝতাম তুমি ছলনা করছ।

অদারী। তুমি কি চাও না যে আমি সৎ হই?

টাচস্টোন। সত্যিই তা চাই না। তুমি দেখতে খারাপ হলে তা আশা করতাম। কিন্তু সৌন্দর্য আর সত্যতা ত একসঙ্গে পাওয়া যায় না। টবের মধ্যে যেমন চিনি বা মধু আশা করা যায় না তেমনি সুন্দরী মেয়ের মধ্যে সত্যতাকে আশা করা যায় না।

জ্যাক। (স্বগত) একেই বলে আশু বোকা।

অদারী। দেখ আমি কিন্তু বাপু সুন্দরী নই; ঈশ্বর আমাদের নিশ্চয় সত্যতা দিয়েছেন।

টাচস্টোন। হ্যাঁ, ঠিক তাই। নোংরা ডিশে ভাল করে ধাওয়া মাংস দিলে যেমন হয়, কদম্ব চেহারার অসতী মেয়ের সত্যতাও ঠিক তেমনি।

অদারী। আমি ত আর অসতী নই, যদিও আমি দেখতে খারাপ। আর এজ্ঞে আমি বিধাতাকে ধন্যবাদ দিই।

টাচস্টোন। হ্যাঁ, তোমাকে বিধাতা সুন্দরী করে গড়ে তোলেন নি এজ্ঞে তাকে ধন্যবাদ দেওয়া উচিত। তবে পরে অসতী বা চরিত্রদোষে ছুঁই হতে পারে। বা হয় হবে, আমি তোমায় বিয়ে করবই। আর সেইজন্মেই আমি পাশের গাঁয়ের পাদুরী স্থার অলিভার মাটেক্সটকে এইখানে এই বনের মাঝে এসে আমার সঙ্গে দেখা করতে বলেছি। তিনিই আমাদের বিয়ে দেবেন।

জ্যাক। (স্বগত) এ বিয়ে দেখতে আমার খুব ইচ্ছে হচ্ছে।

অদারী। ভগবান আমাদের এত সুখ দেবেন।

টাচস্টোন। তবাস্ত। দেখ, কোন ভীষণ প্রকৃতির লোক হলে একাজ করতে গিয়ে মুর্ছা যেত কারণ এখানে না আছে স্বাস্থ্যের গার্জা, না আছে লোকজন, এখানে আছে শুধু বন আর বনজ জন্তু। কিন্তু হলোই বা, সাহসের সঙ্গে এগিয়ে যেতে হবে। পশুর শিং দেখতে খারাপ, কিন্তু তার একটা প্রয়োজনীয়তা

আছে। তেমনি বিয়ের বউ দেখতে খারাপ হলেও তার দরকার আছে। বড় বড় জানোয়ারের মত শাস্ত হরিণেরও জীবনসঙ্গী আছে। মানুষও একেবারে একা থাকতে পারে না জীবনে। তারও সঙ্গীর দরকার আছে। অবিবাহিত মানুষের নিঃসঙ্গ জীবন কি খুব সুখের? না, মোটেই না। প্রাচীরবেষ্টিত নগর যেমন কোন গাঁয়ের থেকে অনেক ভাল তেমনি কোন অবিবাহিত লোকের শূণ্য কপালের থেকে কোন বিবাহিত লোকের কপাল অনেক ভাল। স্মৃতরাং অন্ততঃ আত্মরক্ষার খাতিরে শিং না থাকার চেয়ে শিং থাকা যেমন ভাল তেমনি বিয়ে না করার থেকে বিয়ে করা অনেক ভাল। এই যে স্মার অলিভার এসে গেছেন।

স্মার অলিভার ঘাটেক্সটের প্রবেশ

স্মার অলিভার ঘাটেক্সটে, ঠিক সময়েই আপনি এসে পড়েছেন। আপনি কি আমার এইখানে এই গাছের তলাতেই বিয়ে দিয়ে দেবেন অথবা আপনার সঙ্গে আমরা আপনার গীর্জায় যাব?

স্মার অলিভার। যেয়েকে সম্প্রদান করার মত এখানে কেউ কি নেই?

টাচস্টোন। আমি তাকে কারো দান হিসাবে নেব না।

স্মার অলিভার। কিন্তু সত্যিই কারো পক্ষ থেকে তাকে সম্প্রদান করতে হবে; তা না হলে এ বিয়ে আইনসিদ্ধ হবে না।

জ্যাক। (আপন মনে) নাও, নাও, আমি ঙকে সম্প্রদান করব।

টাচস্টোন। নমস্কার মশাই। কি করছেন, কেমন আছেন? ঠিক সময়েই আপনি এসেছেন। ভগবান আবার আপনাকে পাঠিয়ে দিয়েছেন আমার কাছে। শিশু তার হাতে খেলনা পেলে যেমন তার আনন্দ হয় তেমনি আনন্দ আমার হচ্ছে। বিয়ে দেখার জন্তে উপযুক্ত কাপড়চোপড় পকন।

জ্যাক। বিবিধ বর্ণধারী বিদূষক, তুমি কি বিয়ে করবে?

টাচস্টোন। বলদের যেমন গাই আছে, ঘোড়ার আছে বুড়ি, বাজপাখির আছে মেয়ে বাজপাখি, তেমনি মানুষের মনেও আছে সঙ্গীর মাখ। পায়রাযা যেমন ঠোঁট দিয়ে কুজন করে তেমনি মানুষও বিয়ের বাধনে না জড়িয়ে থাকতে পারে না।

জ্যাক। কিন্তু তোমার মত লোক ভিথিরির মত এই ঝোপের ওলায় গিয়ে করবে? এটা কি শোভা পায়। তুমি বরং গীর্জায় চলা, একজমি ভাল পুরোহিত নিযুক্ত করো, যে তোমার বিয়ে জিনিসটা কি তা বুঝিয়ে দেয়। এ পুরোহিতটা কিছু জানে না, এর বিয়ের কাজ করা মানে দুটো কার্টের দেয়ালকে কোন-রকমে জোড়াভাঙ্গি দেয়া। আলাগা কার্টের মত একজন সরে পড়লেই অল্প কাঠ ভাল থাকলেও পরে সরে যেতে বাধ্য।

টাচস্টোন। (স্বগত) আমারও বেশ ইচ্ছা না থাকলেও অন্ত লোকের চেয়ে এর হাতে আমার বিয়েটা সারা উচিত। কারণ ও ভাল বিয়ের কাজ জানে না।

আর তার ফলে বিয়ের কাজটা ঠিকমত হয়নি এই অভ্যুহাস দেখিয়ে আমি ভবিষ্যতে আমার স্ত্রীকে ত্যাগ করে চলে যেতে পারব।

জ্যাক। চল আমার সঙ্গে। তারপর কি করতে হবে বলে দেব।
টাচস্টোন। এস লক্ষী অদারী। বিয়ে আমাদের করতেই হবে। তা না হলে দুঃখে গুমরে মরতে হবে। বিদায় অনিভার মহাশয়। না না,

ও মিষ্টি অনিভার
ও বীর অনিভার
আমায় ফেলে চলে যেও না

কিন্তু—

চলে তোমায় যেতে হবে
সরে তোমায় পড়তেই হবে
তোমার হাতে বিয়ের ফাঁস পরব না।

(জ্যাক, টাচস্টোন ও অদারীর প্রস্থান)

স্ত্রীর অনিভার। তাতে আমার বয়ে যাবে! যতসব পাগল নছার কোথাকার—এরা সবাই আমার বাবদাটাকেই মষ্ট করতে চায়। (প্রস্থান)

চতুর্থ দৃশ্য। বনভূমি।

রোজালিন্দ ও সিলিয়ার প্রবেশ

রোজালিন্দ। আমার সঙ্গে আর কথা বলা না; আমি এখন কাঁদব।
সিলিয়া। না না, আমার কথা শোন, কেঁদো না। দয়া করে এটা মনে রেখে যে পুরুষ মানুষের চোখে জল কখনো মানায় না।

রোজালিন্দ। কিন্তু তুমি কি মনে করো কাঁদার কোন কারণ আমার নেই?

সিলিয়া। তোমার ইচ্ছাটাই হচ্ছে সবচেয়ে বড় কারণ। সুতরাং ইচ্ছা হলে তুমি কাঁদতে পার।

রোজালিন্দ। তার চুলের রংটা ঠিক না।

সিলিয়া। তার চুল জুড়ার চুলের থেকে কিছু বেশী বাদামী। আর তার চূষন জুড়ার সম্ভানদের মতই বিযাক্ত।

রোজালিন্দ। সত্যিই তার চুলের রংটা ভাল।

সিলিয়া। একেবারে চমৎকার। এমন কি বাদামির রঙের থেকেও ভাল।

রোজালিন্দ। আর তার চূষন ঈশরের প্রদানের মতই পবিত্র।

সিলিয়া। সে তার ঠোঁটদুটো এনেছে ডায়েরার কাছ থেকে। তার চূষন সত্যিই কোন মঠবাসিনী সন্ন্যাসিনীর শীতকালীন চূষনের মতই পবিত্রতায় হিমশীতল ও সততায় ঘর্মাক্ত।

রোজালিন্দ। কিন্তু কেন সে শপথ করছে বলসু—আজ সকালে সে আসবে, অথচ এল না?

সিলিয়া। এল না ও! তার মধ্যে কোন সততাই নেই।

রোজালিন্দ। তুমি কি তাই মনে কর ?

সিলিয়া। হ্যাঁ, আমি মনে করি সে পকেটমার নয় আর ঘোড়াচোরও নয় ; তবে প্রেমের সত্যতার জগ্ন অর্থাৎ প্রেমের কথা ভেবে ভেবে তার জ্বালায় অন্তরটা তার ঢাকনা দেয়া শুল্ক পানপাত্রের মত অথবা পোকায় খাওয়া বাদামের মত একেবারে ফোঁপরা হয়ে গেছে।

রোজালিন্দ। তবে সে কি প্রেমের দিক থেকে খাটি না ?

সিলিয়া। হ্যাঁ, যখন সে আত্মস্থ থাকে তখন সে অবশ্যই খাটি। তবে সে এখন আত্মস্থ নয়।

রোজালিন্দ। কিন্তু তুমি নিজের কানে শুনেছ সে শপথ করে বলেছে সে কতখাটি।

সিলিয়া। দেখ, 'ছিল' আর 'হয়' এ দুটো ত এক কথা না। হয়ত আগে সে খাটি ছিল, কিন্তু এখন আর নেই। তাছাড়া প্রেমিকের শপথ মদের কারবারির কথার থেকে বেশী দামী বা জোরাল নয়। এই দুজনেই মানুষকে ধোঁকা দিতে ওস্তাদ। তবে অবশ্য অর্ল্যাণ্ডো এই বনেই তোমার বাবা বনবাসী ভিউকের কাছে আছে।

রোজালিন্দ। আমি গতকাল ভিউকের সঙ্গে দেখা করেছি। কিছু কথাবার্তাও

কয়েছি। তিনি আমার বংশ পরিচয় জানতে চাইছিলেন। আমি শুধু বললাম আমার বংশ তাঁর বংশের মতই খাটি। তাতে তিনি হেসে উঠলেন এবং হাসতে হাসতে আমায় বিদায় দিলেন। কিন্তু দেখ, এখন এখানে যখন

অর্ল্যাণ্ডোর মত লোক রয়েছে তখন সেখানে আমাদের বাবাদের কথা থাক।

সিলিয়া। তা বটে। সত্যিই অর্ল্যাণ্ডো একজন বীর পুরুষ বটে। তার লেখা কবিতাগুলোও বীরত্বপূর্ণ, বীরের মত সে কথা বলে, বীরের মতই শপথ করে আর বীরের মতই সে শপথ ভেঙ্গে দেয় এবং তার প্রেমিকার অন্তরকে সম্পূর্ণরূপে পা দিয়ে মাড়িয়ে চূর্ণ বিচূর্ণ করে দেয়। আনাত্তী খোড়সওয়ারের মত সে কাৎ হ্যাঁ একপেশেভাবে ঘোড়া চালায়, উল্কার রাজহাসের মত সে নিজের খাবার নিজেই নষ্ট করে দেয়। তবে যৌবনের ধর্মই হচ্ছে এই। যৌবনের তাড়নাতেই মানুষ এই ধরনের বোকামির কাজ করে বসে। ও আবার কে আসে ?

কোরিনের প্রবেশ

কোরিন। দাদাবাবু আর দিদিমণি, আপনারা সেই যে রাঞ্চালি-খালি তার ভালবাসার ব্যাপারে অনেক কথা জানতে চেয়েছিলেন, যে রাঞ্চালটাকে সেদিন আমার পাশে ঘাসের উপর বসে বসে জুড়ি অক্ষরী প্রেমিকার গুণগান করতে শুনেছিলেন—

সিলিয়া। হ্যাঁ, কি হয়েছে তার ?

কোরিন। আপনারা যদি সত্যিকারের এক জীবন্ত প্রেমাভিনয়ের দৃশ্য দেখতে চান ত আমার সঙ্গে আসুন, আমি আপনাদের নিয়ে গিয়ে দেখিয়ে

দেব—একটিকে খাঁটি প্রেমের ভীক মলিন এক মূর্তি আর একদিকে জনন্ত ঘৃণা আর ভীক অহঙ্কারে পরিপূর্ণ এক মারী।

রোজালিন্দ। চল চল, প্রেমিক প্রেমিকার দৃশ্য দেখে প্রেমার্ত লোকরা বেশ কিছু ভূপ্তি বা আনন্দ পায়। আমাদের নিয়ে চল। তুমি যদি বল, তাহলে আমিও যোগ দিতে পারি সে অভিনয়ে। (সকলের প্রস্থান)

পঞ্চম দৃশ্য। বনভূমির আর একটি দিক।

সিলভিয়াস ও ফেবির প্রবেশ

সিলভিয়াস সুন্দরী ফেবি আনার, আমায় ঘৃণা করো না। তুমি আমায় ভালবাস না, একথা বল। কিন্তু অমন নিষ্ঠুরভাবে বা তিক্ততার সঙ্গে বলো না। যত্নের দৃশ্য দেখে দেখে যে যাতকের অন্তর একেবারে পাথরের মত শক্ত হয়ে গেছে, সেও অসহায় আসামীর যাড়ে কুঠারায়ত্ত হানার আগে ক্ষমা চায়। চোখে যার অশ্রুর বদলে রক্তধারা করে সারাজীবন, সেই মমতাহীন নিষ্ঠুর যাতকের থেকেও তুমি কি নিষ্ঠুর হতে চাও?

অদূরে রোজালিন্দ, সিলিয়া ও কোরিণের প্রবেশ

ফেবি। আমি কখনই তোমার ঘাতক হতে চাই না। পাছে আমায় দেখলে তুমি বাধা পাও, তাই আমি তোমায় দেখলেই পালিয়ে যাই। তুমি বললে কি না আমার চোখে আছে হত্যার বিভীষিকা! অথচ আমার এই সুন্দর চোখদুটো খুবই নরম আর দুর্বল জিনিস যা সামান্য মূলিকণার ভয়ে প্রায়ই তার পাতাগুলো বন্ধ করে দেয়। তুমি কি না আমায় বললে অত্যাচারী, কশাই, নরঘাতক! এবার আমি সত্যি সত্যিই রেগে গিয়েছি তোমার উপর এবং আমার দৃষ্টির মধ্যে যদি কোন আঘাত হানার শক্তি থাকে তাহলে তাই দিয়ে আমি তোমায় মেরে ফেলব। এখন তুমি মুহিতের মত মাটিতে পড়ে যাও। আর তা যদি না পার তাহলে ধিক তোমায়, ধিক! আমার চোখদুটোকে নরঘাতক বলে শুধু শুধু দোষ দিও না। আমার দৃষ্টির আঘাতে তোমার মধ্যে কী আঘাত হয়েছে তা দেখাও। কাঁটা দিয়ে তোমার গাটা চিরে দিলে নিশ্চয়ই একটা ক্ষত হবে অথবা কোন গাছের কাণ্ডে তোমার পা হবলে নিশ্চয়ই রক্ত বরবে এবং আঘাত লাগবে। আমার দৃষ্টি যদি তোমায় আঘাত দিত তাহলে তোমার মধ্যেও তেমনি কোন না কোন ক্ষত ফটি হত। কিন্তু আমি জানি, দৃষ্টির মধ্যে আঘাত হানার কোন শক্তিই নেই।

সিলভিয়াস। আমার প্রিয়তমা ফেবি, সুন্দরী ফেবি। তোমার গাল দুটো কেমন সজীব আর সুন্দর। তোমার মনে যদি প্রকৃত কল্পনাশক্তি থাকে তাহলে তাই দিয়ে তুমি বুঝতে পারবে, তোমার ভীক নিষ্ঠুর শরে কত অদৃশ্য ক্ষত ফটি হয়েছে আমার অন্তরে।

ফেবি। ঠিক আছে, তা আমি দেখতে না পাওয়া পর্যন্ত আমার কাছে তুমি আসবে না। আর সেদিন যদি কখনো আসে তাহলে আমায় তুমি

বিক্রম করতে পার, করণা করো না। আর সেদিন না আসা পর্যন্ত আমি তোমায় কোনরকম দয়া করব না।

রোজালিন্দ। (এগিয়ে এসে) কেন শুনি? তুমি কার গোয়ে, কে তোমায় জন্ম দিয়েছে যে তুমি এত মীচ হতে পেরেছ? তুমি একটি হতভাগ্য লোককে একই সঙ্গে অপমান করছ আবার তাকে বিক্রম করে আনন্দ পাচ্ছ। তোমার মধ্যে এমন কোন রূপবাহি নেই যার আলোকে অন্ধকার ঘর আলোকিত হয়ে উঠতে পারে। তবুও কি তুমি রূপের অহঙ্কারে এমন নিষ্করণ হয়ে উঠবে? কেন, এর মানে কি? আমার পানে এমনভাবে তাকাচ্ছ কেন? আমি তোমাকে সামান্য অতি সাধারণ এক মেয়ে ছাড়া আর কিছু মনে করি না। মনে হচ্ছে মেয়েটা তার দৃষ্টির দিয়ে আমার চোখদুটোকেও বিধতে চাইছে। শোন তবে দর্পিতা মেয়ে, কোন দল হবে না মিথ্যা আশা করে। তোমার কালো জ্ব, রেশমী কালো চুল, চকচকে গাল আমার মনকে ভুলিয়ে তোমার দিকে তলাতে পারবে না। আচ্ছা নির্বোধ মেমপালক, তুমিই বা কেন ওর পিছনে ঝুঁকিবাঁকির পিছু পিছু ছুটেচলা শীতের কুমার মত ছুটে চলেছ? তুমি ঐ মেয়েটার থেকে হাজারগুণে যোগ্য। তোমাদের মত বোকা লোকগুলোর দুর্বলতাই পৃথিবীটাকে ঘৃণিত অবহেলিত মানুষে ভর্তি করে ছুঁলেছে। দর্পণে নিজের প্রতিবিম্ব দেখে নয়, তোমার স্তম্ভিতবাদের মাধ্যমে নিজেকে দেখেই ও প্রমাদ গণচে; ও নিজেকে যত না সুন্দর তার থেকে অনেক বেশী সুন্দরী ভাবছে নিজেকে। শত মাজমজাতেও ও তেমন সুন্দরী হয়ে উঠতে পারবে না। শোন নারী, নিজেকে চেন। নিজের মথার্ব পরিচয় পেয়ে ঈশ্বরের কাছে নতজানু হয়ে কোন এক সং লোকের খাঁটি প্রেমের জন্ম উপবাস আর উপাসনার মাধ্যমে প্রার্থনা করো। আমি তোমার ভালর জন্তেই বন্ধুভাবে বলছি, যে কোন বাজারে নিজেকে বিকোবার চেষ্টা করে, কিন্তু জেনে রেখে সব বাজারে চলার মত যোগ্য তুমি নও। লোকটির কাছে স্বমা চেয়ে তার দান গ্রহণ করো। মনে রেখো, অহঙ্কার মানুষের অসৌন্দর্যকে আরও বাড়িয়ে তোলে। সুতরাং মেমপালক, একে গ্রহণ করো, চলি বিদায়।

ফেবি। হে সুন্দর যুবা, আমার কাতর অনুরোধ, পুরো একটি বছর ধরে তুমি আমার ভৎসনা করে চল। ওর ভালবাসার কথা থেকে তোমাকে রক্ত তীক্ষ্ণ ভৎসনার কথা আমি অন্যায়সে সহ করে যাব।

রোজালিন্দ। ও লোকটা মেয়েটার প্রেমে পাগল আর সেটা আমার জন্ম কড়া কথাগুলোর জন্তে আমার ভালবেসে ফেলেছে। ঠিক আছে, ও যদি তোমার প্রতি বিরূপ হয়ে তীক্ষ্ণ কটাক্ষ হানেন তাহলে আমি ওকে তীক্ষ্ণ ভাষায় তিরস্কার করব। কী, কেন শুনি আমার পানে ওভাবে তাকিয়ে আছ? ফেবি। তোমার প্রতি আমার কোন কুখবল নেই।

রোজালিন্দ। আমার কথা শোন, আমার প্রেমে যেন পড়ো না। কারণ

মাতাল মানুষের প্রতিশ্রুতির মত আমার সবটাই মিথ্যে। তাছাড়া তোমাকে আমার মোটেই পছন্দ হচ্ছে না। যদি আমার ঠিকানা জানতে চাও তাহলে জেনে রেখো আমার বাড়ি হচ্ছে ওই অলিভ বনের ধারে। চল বোন, যাবে না? মেঘপালক, ওকে আরো অল্পরোধ করো। রাপালমেয়ে, ওকে একটু ভাল করে দেখার চেষ্টা করো। দর্প করো না, যদিও তোমার দর্প ও অহঙ্কারের দ্বারা ও বেচারী এত অপমানিত হয়েছে যে এমন অপমানিত এর আগে পৃথিবীতে আর কেউ হয়নি। এস কোরিণ।

(রোজালিন্দ, সিলিয়া ও কোরিণের প্রস্থান)

ফেবি। জীবন্ত হে রাখাল, এখন তোমার প্রেমের শক্তি বৃকতে পেরেছি আমি। প্রথম দর্শনেই যে ভালবাসেনি, যে তার প্রেমাস্পর্কে চিনে নিতে পারেনি সে কখনো ভালই বাসেনি।

সিলভিয়াস। কি বললে সুন্দরী ফেবি?

ফেবি। হা! কি বললে তুমি সিলভিয়াস?

সিলভিয়াস। লক্ষী সোনা ফেবি আমার!

ফেবি। আমি আমার ব্যবহারের জন্য মতিই দুঃখিত সিলভিয়াস।

সিলভিয়াস। দুঃখ বা অল্পতাপ যেখানে, সব সমস্তার সমাধান সেখানেই: ভালবাসতে গিয়ে যে দুঃখ আমি পেয়েছি সেই দুঃখে দুঃখী হয়ে তুমিও যদি আমায় ভালবাস তাহলে দেখবে তোমার আমার দুজনের দুঃখই কোথায় চলে গেছে।

ফেবি। আমরা দুজনে পাশাপাশি বাস করি, সেইহেতু তুমি আমার ভালবাসা আগেই পেয়েছ।

সিলভিয়াস। আমি তোমাকে সম্পূর্ণরূপে পেতে চাই।

ফেবি। এটা কিন্তু লোভের কথা। সিলভিয়াস, একদিন তোমায় আমি ঘৃণা করতাম। তবে একেবারে যে ভালবাসতাম না তা নয়। কিন্তু যেহেতু তুমি প্রেমের কথা সুন্দর করে মধুর করে বলতে পার, সে কারণে তোমার সাহচর্য আগে আমার কাছে বিরক্তিকর মনে হলেও এখন আমি তা সহ্য করব। আমি তোমাকে একটা কাজও দেব। তবে এ কাজের জন্যে তুমি একমাত্র আনুভূতি ছাড়া আর কিছু কিছু পাবে না বা চাইবে না।

সিলভিয়াস। আমার প্রেম এতই পবিত্র ও পূর্ণ যে আমি শুধু তোমার কাছে একটুখানি কৃপা ছাড়া আর কিছুই চাই না। তোমার সেই কৃপাটুকুকেই আমি আমার জীবনের পরম সম্পদ বলে মনে করব। আরো মাঝে তোমার অধরস্বরা একটুখানি মিষ্টি হাসির সুধা পেলেই আমি দিয়ে কাটিয়ে দিতে পারব আমি আমার সারাজীবন।

ফেবি। কিন্তু আগে যে ছোকরাটি আমার সঙ্গে কথা বলছিল তুমি তাকে চেন?

সিলভিয়াস। ভাল করে চিনি না, তবে প্রায়ই তাকে দেখি। এক বুড়ো চাষার জোত জমি বাস্তু সব কিনেছে।

ফেবি। তার কথা জানতে চাইছি বলে ভেবো না খেন তাকে আমি ভালবাসি। ছোকরাটা বড় রাগী। তবে খুব ভাল কথা বলতে পারে। কিন্তু কথায় আমার কি কাজ? তবে কোন কথা আমাদের মুগ্ধ করে তখন, যখন সেকথা মে বলে তাকে যদি আমাদের দেখতে ভাল লাগে। কিন্তু লোকটা সত্যিই অহঙ্কারী, জু তাকে বেশ মানিয়ে যায়। তাকে মনে হয় আদর্শ পুরুষ। তার মধ্যে সবচেয়ে দেখার জিনিস হচ্ছে তার গায়ের রং। তার চোখ দুটো এত পুন্দর যে তার মুখের কথায় মনে কোন ক্ষত হতে না হতেই তার চোখের দৃষ্টির মিষ্টি প্রলেপে তা সেরে যায়। সে খুব একটা লম্বা নয়, তবে বয়সের অল্পপাতে লম্বাই বলতে হবে। তার পা চলনসই তবে ভাল। তার ঠোঁটদুটো গালের থেকে বেশী লাল। তার গাল আর ঠোঁটের রঙের মধ্যে তফাৎ কতটুকু জান? আসল খোর লাল আর রেশমী কাপড়ে মেশানো লালের মধ্যে যে তফাৎ। আমার মত খুঁটিয়ে তাকে যদি দেখে তাহলে অনেক মেয়েই তাকে ভালবেসে ফেলবে সিলভিয়াস। কিন্তু আমার দিক থেকে বলতে পারি, আমি তাকে ভালবাসিও না, আমি তাকে ঘৃণাও করি না। বরং তাকে ভালবাগার থেকে ঘৃণা করার যথেষ্ট কারণ আছে, কারণ কোন অধিকারে সে আমায় ভৎসনা করতে আসে? সে বলেছে আমার চোখ কালো, আমার চুলও কালো; এখন আমার মনে হচ্ছে তবু সে আমাকে ঘৃণাতরে প্রত্যাখ্যান করেছে। এখন ভাবতে আশ্চর্য লাগছে কেন আমি সেকথার যোগ্য প্রত্যাখ্যাত দিইনি। নাই বা দিলাম, দিতে ভুলে গেছি বলেই যে আর কখনো দিতে নেই তা ত নয়। আমি তাকে ভীষণ বিক্রম মেশানো ভাষায় একটা চিঠি লিখব আর সেই চিঠিটা তুমি নিয়ে যাবে তার কাছে; বুঝলে সিলভিয়াস?

সিলভিয়াস। সানন্দে তা নিয়ে যাব ফেবি।

ফেবি। আমি তাকে সরাসরি লিখব। আমার মাথায় আর অন্তরে অনেক কথাই গুমরে মরছে। আমার ভাষা খুবই তিক্ত, আমি কোন দিক দিয়েই তাকে ছাড়ব না।

□ চতুর্থ অঙ্ক □

প্রথম দৃশ্য। বনভূমি।

রোজালিন্দ, সিলিয়া ও জ্যাকের প্রবেশ

জ্যাক। শোন ছোকরা, আমি তোমার সঙ্গে বেশ একটু নিবিড়ভাবে আলাপ করতে চাই।

রোজালিন্দ। লোকে বলে তুমি নাকি ছুঃখবাহী বিষাদপ্রবণ লোক।
জ্যাক। হ্যাঁ ঠিক তাই। হাসির থেকে বিষাদকেই আমি বেশী ভালবাসি।
রোজালিন্দ। কোন না কোন বিষয়ে যারা খুব বাড়াবাড়ি করে তারাই
লোকচক্ষে ঘৃণার পাত্র। আধুনিক যুগের চরিত্রে সমালোচনার মাপকাঠিতে
তারা মিন্দিত ও ষিক্কৃত।

জ্যাক। কেন, চুপচাপ বিষগ্ন হয়ে থাকার ভল।

রোজালিন্দ। তা যদি হয় তাহলে নিশ্চয় পাষণের একটা স্তম্ভ হওয়াই ভাল।
জ্যাক। দেখ, আমি বিষাদপ্রবণ ঠিক, কিন্তু আমার বিষাদ পণ্ডিতের বিষাদ
নয়, পরের তত্ত্বাভুশীলন থেকে যার উৎপত্তি; আমার বিষাদ গায়ক বাদকের
বিষাদও নয়, যা নিছক খামখেয়ালী; আমার বিষাদ শয়তানদের বিষাদও
নয়, যার নাম অহঙ্কার; সৈনিকের বিষাদের মানে হচ্ছে উচ্চাভিলাষ, আমার
বিষাদ তাও নয়। আমার বিষাদ উকিলদের বিষাদ নয়, যার নাম হলো
কূটনীতি; যে বিষাদ কোন সুন্দরী মহিলার রূপলাবণ্যকে বাড়িয়ে তোলে সে
বিষাদও আমার না। আমার এইসব বিভিন্ন ধরনের বিষাদ মিলিয়ে যা হয়
তা হলো প্রেমিকদের বিষাদ—আমার বিষাদ তাও নয়। আমার বিষাদ
হচ্ছে আমার নিজস্ব সৃষ্টি; বিভিন্ন বস্তু থেকে বিভিন্ন উপাদান থেকে তিল তিল
করে নিয়ে তা গড়ে তোলা হয়েছে। আমার এটা বিভিন্ন দেশ ঘোরার
অভিজ্ঞতার মানসিক প্রতিক্রিয়াও হতে পারে। নিবিড় আত্মচিন্তাজনিত এক
অদ্ভুত বিষাদ সব সময় আচ্ছন্ন করে রাখে আমার মনটাকে।

রোজালিন্দ। তুমি একজন পরিব্রাজক। তাহলে, তোমার বিষগ্ন হওয়ার মত
যথেষ্ট কারণ আছে। আমার মনে হচ্ছে পরের দেশ দেখার জন্তে তুমি
নিজের জায়গা জমি বেচে কেলেছ আর তার ফলে হয়েছে, দেখেছ অনেক কিছু,
কিন্তু আসলে কিছুই পাওনি। তার ফলে চোখ দুটোই শুধু তোমার সমুদ্র
হয়েছে, হাত দুটো রয়ে গেছে নিঃশব্দ, একেবারে রিক্ত।

জ্যাক। হ্যাঁ, মতিই আমি প্রচুর অভিজ্ঞতা লাভ করেছি।

অর্ল্যাণ্ডোর প্রবেশ

রোজালিন্দ। আর এমন অভিজ্ঞতা লাভ করেছ যা তোমাকে বিষাদপ্রবণ করে
তুলেছে। এধরনের বিষাদজনক অভিজ্ঞতা বা ভ্রমণের থেকে জন্ম নেয়
কোন নির্বোধ লোকের সাহচর্যে কিছু আনন্দ পেতে চাই।

অর্ল্যাণ্ডো। সুপ্রভাত ও শুভেচ্ছা গ্রহণ করে। শ্রিয়তমা রোজালিন্দ।

জ্যাক। না, ঈশ্বর ককন তুমি অমিত্রাফর ছন্দে কথা বল।

রোজালিন্দ। এখন তুমি দয়া করে যাও পরিব্রাজক মহাশয়! অদ্ভুত পোষাক
পরে মুখ ভার করে বেড়াও আর নিজের দেশের উল্ল সর্ব কিছুর নিন্দা করো,
নিজের দেশকে ঘৃণা করো; আর হোমল্যান্ডকে পাঠানোর জন্তে ঈশ্বরকে
গাল দিয়ে বেড়াও। তা যদি না করো তাহলে বলব তুমি গণ্ডোলা হুদে

সীতার কাটনি, তাহলে বলব বুধাই তোমার দেশভ্রমণ।

(জ্যাকের প্রশ্নান)

কী, কেমন আছ অর্ন্যাগো? এতক্ষণ কোথায় ছিলে? এই তুমি প্রেমিক! আমার সঙ্গে যদি এইভাবে ছলনা করো ত আমার চোখের সামনে আর কখনো তুমি এস না।

অর্ন্যাগো। সুন্দরী রোজালিন্দ! যে সময়ে আসব বলেছিলাম তার থেকে এক ঘণ্টার মধ্যেই আমি এসেছি।

রোজালিন্দ। কী বলছ, প্রেমের ক্ষেত্রে এক ঘণ্টার প্রতিশ্রুতিভঙ্গ কি কম ব্যাপার! কেউ যদি এক মিনিটকে হাজার ভাগ করে সে হাজার ভাগের এক ভাগ দেয়ি করে প্রেমের ক্ষেত্রে তাহলে আমি জোর গলায় বলব, প্রেমের দেবতা শুধু তার কাঁধটা একটু চাপড়ে দিয়েছে, কিন্তু তার অন্তরে এক ফোটা প্রেমও নেই।

অর্ন্যাগো। ক্ষমা করো প্রিয়তমা রোজালিন্দ।

রোজালিন্দ। না না, তুমি যদি এমন টিমে প্রকৃতির বা মন্দগতি হও তাহলে আমার সামনে এস না, আমি বরং শামুকের সঙ্গে ভালবাসা করব।

অর্ন্যাগো। শামুকের সঙ্গে?

রোজালিন্দ। হ্যাঁ, শামুকের সঙ্গে। শামুক খুব আন্তে চললেও সে তার ঘরবাড়ি সবকিছু তার মাথার ভিতর বয়ে নিয়ে চলে। আমার মতে তোমার থেকে সে ভাল। মেয়েরা এমনি প্রেমিকই চায়। তাছাড়া শামুক যেখানে যায় তার ভাগ্যকেও বয়ে নিয়ে চলে।

অর্ন্যাগো। সে আবার কি?

রোজালিন্দ। কেন তার শিং। বিয়ের পর তোমাদের স্ত্রীর সঙ্গে ব্যবহারের সময় তোমরাও এ শিংএর অভাব বোধ কর। এই শিং দিয়ে শামুক একদিকে তার সম্পদকে রক্ষা করে চলে, অন্যদিকে সে স্ত্রীর কটুবাকা থেকে রক্ষা করে নিজেকে।

অর্ন্যাগো। ওগুই মাকুষের শিং। আমার রোজালিন্দ গুণবতী মেয়ে।

রোজালিন্দ। আর আমিই তোমার রোজালিন্দ।

সিলিয়া। ও তোমাকে রোজালিন্দ বলে খুশি হয়। কিন্তু আমার অসন রোজালিন্দ তোমার থেকে ভাল।

রোজালিন্দ। এস, প্রেমের কথা শোনাও। এখন আমি খোশ মেজাজে আছি। এখন যা চাইবে তাই দেব। আজ্ঞা, আমি যদি তোমার সত্যিকারের রোজালিন্দ হতাম, তাহলে তুমি এখন কি বলতে।

অর্ন্যাগো। আমি কিছু বলার আগে তাকে প্রথমে চুমন করতাম।

রোজালিন্দ। না না চুমন না করে প্রথমে কথা বলা উচিত। কথা বলতে

বলতে যখন তোমার সব কথা ফুরিয়ে যাবে একমাত্র তখনি তুমি চুপন করতে পার। অনেক ভাল বাগ্মী কথা ফুরিয়ে গেলে গুথু কেনে, তেমনি প্রেমিকেরাও প্রেমের কথা ফুরিয়ে গেলে—ভগবান যেন আমাদের বেলায় তা না করেন, চুপন করে তার ফাঁক সহজে পূরণ করার চেষ্টা করে।

অর্ল্যাণ্ডো। কিন্তু যদি চুপন না করতে দেয় ?

রোজালিন্দ। তাহলে তুমি তাকে অজ্ঞান বিনয় করবে। আর সেইখানেই আবার গুণ হবে নূতন প্রসঙ্গ।

অর্ল্যাণ্ডো। প্রিয়তমার সামনে কোন প্রেমিকের কথা কখনো ফুরোয় না।

রোজালিন্দ। এই ত আমি তোমার সত্যিকারের রোজালিন্দ, কিন্তু তোমার কথা ফুরিয়ে গেছে বললেই কোন কথা বলতে পারছ না। তা না হলে বলব আমার বুদ্ধি কম, বুদ্ধির থেকে আমার সন্তোষ আরো উঁচু স্তরের।

অর্ল্যাণ্ডো। আমার আবেদনের কি হলো ?

রোজালিন্দ। তোমার পোষাকের কথা বলছ না, বলছ আবেদনের কথা ?

আচ্ছা আমি কি তোমার রোজালিন্দ নই ?

অর্ল্যাণ্ডো। তোমায় রোজালিন্দ বলতে আমি কিন্তু আনন্দ পাই, কারণ আমি তখন তার কথা বলতে পারি।

রোজালিন্দ। আচ্ছা তবে শোন, আমি তোমার সত্যিকারের রোজালিন্দ হিসাবে বলছি আমি তোমায় চাই না।

অর্ল্যাণ্ডো। তাহলে আমিও নিজের দায়িত্বে বলছি আমি মরব।

রোজালিন্দ। মরবে যদি আশ্রমোক্তারনামা দিয়ে মরো। পৃথিবীর বয়স দুই হাজার বছর। কিন্তু এই দীর্ঘ দুই হাজার বছরের মধ্যে একটি লোকও নিছক প্রেমের খাতিরে মরেনি, ট্রয়লাস তার মাথাটা লাঠির আঘাতে ফাটিয়ে কেলেছিল, কিন্তু বাঁচার জন্তু খণাসাখা চেষ্টা করেছিল। তবু তাকে প্রেমের শহীদ বলা হয়। লেগার আরো অনেকদিন বাঁচতে পারত। হিরো যদিও সন্ন্যাসিনী হয়েছিল তথাপি সে মরত না যদি না সে কোন এক গ্রীষ্মের রাত্রিতে পরম সঙ্ক করতে না পেয়ে হেলিসপয়েন্টে চান করতে গিয়ে ডুবে যেত। অথচ কাহিনীকার বা ইতিহাস লেখকেরা বললেন, এ হিরো সেন্টসের হিরো। কিন্তু একথা সর্বৈব মিথ্যা। যুগে যুগে অনেক মাহিও মরেছে আর তাদের মৃতদেহগুলো পোকায় কুড়ে কুড়ে খেয়েছে, কিন্তু নিছক প্রেমের জন্তে কেউ মরেনি।

অর্ল্যাণ্ডো। আমি কখনো এই ধরনের মনোজ্ঞানীকরণ রোজালিন্দকে পেতে চাই না। কারণ তার জুড়ু ভ্রাতুটি আমি সহ্য করতে পারব না। আমি তাহলে মরে যাব।

রোজালিন্দ। রোজালিন্দ কখনো তার হাত দিয়ে একটা মাহিও মারতে পারবে না। মাহুব ত দুরের কথা। যাক ও কথা, এবার আমি সত্যিকারের

খুব ভাল মেজাজের রোজালিন্দ হব। এখন বল কি তুমি চাও। যা চাইবে তাই দেব।

অর্ন্যাণ্ডো। আমি শুধু চাই তুমি আমায় ভালবাস রোজালিন্দ।

রোজালিন্দ। হ্যাঁ, আমি সত্যিই তোমায় ভালবাসব। শুক্রবার শনিবার এবং সব দিন।

অর্ন্যাণ্ডো। তুমি আমায় গ্রহণ করবে ত?

রোজালিন্দ। তোমাকে ত বটেই তার সঙ্গে সঙ্গে আরো কুড়িটা অর্ন্যাণ্ডো।

অর্ন্যাণ্ডো। কি বললে তুমি?

রোজালিন্দ। তুমি কি সং নও?

অর্ন্যাণ্ডো। আমি আশা করি আমি সং।

রোজালিন্দ। আচ্ছা, মানুষ ভাল জিনিস ত অনেক বেশী করে পেতে চায়। সুতরাং তুমি যদি ভাল হও তাহলে আমিও অনেক অর্ন্যাণ্ডো পেতে চাইব।

এদ ঝোঁম। তুমি হবে আমাদের পুরোহিত এবং আমাদের দুজনের বিয়ে দেবে। অর্ন্যাণ্ডো, তোমার হাত দাও। তুমি কি বল বোন?

অর্ন্যাণ্ডো। আমিও অনুরোধ করছি, আমাদের বিয়ে দিয়ে দাও।

সিলিয়া। আমি মন্ত্র জানি না।

রোজালিন্দ। তুমি এইভাবে শুরু করবে—তুমি কি অর্ন্যাণ্ডো—

সিলিয়া। ঠিক আছে, তোমরা তৈরি হও। আচ্ছা অর্ন্যাণ্ডো, তুমি কি রোজালিন্দকে তোমার পত্নীরূপে পেতে চাও?

অর্ন্যাণ্ডো। হ্যাঁ, আমি পেতে চাই।

রোজালিন্দ। কিন্তু কবে?

অর্ন্যাণ্ডো। কেন, এখন; যে মুহূর্তে তুমি আমাদের বিয়ে দিয়ে দেবে।

রোজালিন্দ। তাহলে তোমায় বলতে হবে, ‘আমি তোমায় পত্নীরূপে গ্রহণ করলাম রোজালিন্দ।’

অর্ন্যাণ্ডো। আমি তোমায় পত্নীরূপে গ্রহণ করলাম রোজালিন্দ।

রোজালিন্দ। আমি তোমার পক্ষের কর্তব্যাক্তি ও পুরোহিতকে ডেকে পাঠাতে পারতাম। কিন্তু তা আর চাই না—আমি তোমাকে পত্নীরূপে গ্রহণ করছি অর্ন্যাণ্ডো। পুরোহিতের মন্দির থেকে একটি অর্ন্যাণ্ডো নিয়ে আরো বেশী জোরে চলে এবং মেঘেমাছুয়ের মন তার কাজের থেকে বেশী জোরে ছোটে।

অর্ন্যাণ্ডো। মানুষের সব চিন্তাই জুতগামী। তাদের মেন জানা আছে।

রোজালিন্দ। এখন বল, তাকে পাবার পর কতদিন ধরে তাকে জীবনে ধরে রাখবে?

অর্ন্যাণ্ডো। সারা জীবন এবং আর একদিন।

রোজালিন্দ। তার থেকে সারাজীবন কথাটা বাদ দিয়ে বল শুধু ‘একদিন’।

না না অর্ন্যাণ্ডো, মানুষ বিয়ের আগে যখন প্রেমের কথা বলে তখন তাদের এপ্রিল মাসের বসন্ত বাতাসের মত উচ্ছল মনে হয়। কিন্তু বিয়ের পরেই তারা হয়ে যায় ডিসেম্বর মাসের শীতের বাতাসের মত জড়তাপূর্ণ। আর মেয়েরাও বিয়ের আগে মে মাসের গ্রীষ্মের আকাশের মত দেখায়, কিন্তু বিয়ের পর সে আকাশের রং যায় বদলে। দেখ, মোরগ যেমন তার মুরগীকে সব সময় চোখে চোখে রাখে বিয়ের পর আমিও তেমনি তার থেকেও দূরীকাতর হব, বুড়ীকাতর ভোতাপাখির থেকেও আমি চীৎকার করব, বন-মানুষের থেকেও আমার দাঁত হবে বারাল আর বীদরের থেকেও আমি হব লোভী। তুমি যখন পুশিমনে থাকবে আমি তখন রূপাভীর্ষভিত্তিনী ডায়োনার মত অকারণে কাঁদব, আমার যখন তুমি ঘুমোতে চাইবে তখন হাডেনার মত অটুহাসি হাসব।

অর্ন্যাণ্ডো। কিন্তু আমার রোজালিন্ড কি তাই করবে?

রোজালিন্ড। আমি আমার জীবনের বিনিময়ে শপথ করে বলছি সেও তাই করবে।

—অর্ন্যাণ্ডো। কিন্তু সে বুদ্ধিমতী।

রোজালিন্ড। বুদ্ধি না থাকলে সে ত এমন করতেই পারত না। যার বড় বেশী বুদ্ধি থাকে, সে-ই তত খেয়ালী ও স্বাধীন প্রকৃতির হয়। মেয়েরের বুদ্ধি এত বেশী যে যদি সে বুদ্ধিকে দরজা দিয়ে ভাল করে আটকে রাখ তাহলে ছাক দিয়ে পালিয়ে যাবে, বাজের মধ্যে যদি বন্দা করে রাখ, তাহলেও ফুটো করে পালিয়ে যাবে। যেরে খেভাবেই বন্ধ করে রাখ না কেন, চিমনির ঘোঁয়ার সঙ্গে তা পালিয়ে যাবে।

অর্ন্যাণ্ডো। কোন লোকের যদি এমন বুদ্ধিমতী কী থাকে তাহলে সে নিশ্চয় এত বুদ্ধি কোথা রাখবে?

রোজালিন্ড। না, না, বুদ্ধিটা যাতে খুব বেশী না বাড়ে তারজগে তোমাকে আগে হতেই তা দমন করতে হবে, তা না হলে কোনদিন দেখবে তোমার স্বীয় বুদ্ধি তোমার কোন প্রতিবেশীর বিছানায় গিয়ে ঢুকেছে।

অর্ন্যাণ্ডো। তাই যদি হয় তাহলে কোন বুদ্ধি দিয়ে সে তার এই বুদ্ধির কাজের অজুহাত দেখাবে?

রোজালিন্ড। কেন, সে বলবে সে তোমাকে সেখানে খুঁজতে গিয়েছিল। তার মুখে যতক্ষণ জিব থাকবে ততক্ষণ তার মুখে কোন উদ্ভাস অর্থাৎ হবে না। যে তার নিজের দোবটাকে স্বামীর খাতিরে চাপিয়ে দিতে না পারবে সে যেন নিজের হাতে কোনদিন ছেলে মানুষ না করে কারণ সে তাহলে বোকায় মতই সম্ভান প্রসব করে যাবে।

অর্ন্যাণ্ডো। মাত্র দুবন্টার জগু আমি একবার তোমায় ছেড়ে যাব রোজালিন্ড।

রোজালিন্দ। হায় প্রিয়তম, দুবটা তোমার ছেড়ে থাকতে পারব না।
অর্ল্যাণ্ডো। দুটোর সময় আমার ডিউকের ভোজসভায় যোগদান করতে
হবে, তারপর আবার তোমার কাছে চলে আসব।

রোজালিন্দ। যা খুশি তোমার করো। আমি জানতাম তুমি এইরকম
করবে। আমার বন্ধুরা এইরকম বলেছিল, আমি নিজেও তাই ভেবেছিলাম।
বুঝেছিলাম তোমাদের সুরে তুমি মিথ্যে প্রেমের কথা শোনাচ্ছ। আসলে
তুমি আমার ফেলে চলে যেতে চাইছ, এর থেকে মৃত্যুও ভাল। বেলা দুটোর
সময় ফিরবে বললে ?

অর্ল্যাণ্ডো। হ্যাঁ রোজালিন্দ।

রোজালিন্দ। আমার দিবি করে আমি ঈশ্বরের নামে শপথ করে বলছি,
যদি তুমি তোমার প্রতিশ্রুতি ভঙ্গ করো অথবা একঘণ্টার এক মিনিট পরে
আস তাহলে আমি তোমাকে সবচেয়ে সক্রম প্রতিশ্রুতি ভঙ্গকারী এবং বার্ষ
প্রেমিক বলে মনে করব। মনে করব তুমি যাকে রোজালিন্দ বল তুমি তার
সম্পূর্ণ অযোগ্য। সুতরাং আমার সমালোচনার কথা মনে রেখে তুমি তোমার
প্রতিশ্রুতি মেনে চলার চেষ্টা করবে।

অর্ল্যাণ্ডো। তুমি আমার সত্যিকারের রোজালিন্দ হলে যেমন তোমার কথা
মানতাম তোমার কথা তার থেকে কম কিছু মানব না। সুতরাং বিদায়।

রোজালিন্দ। ঠিক আছে, এসব ব্যাপারে সময়ই হচ্ছে একমাত্র বিচারক।
সুতরাং এবিষয়ে তোমার সততা সময়কেই বিচার করে দেখতে দাও।
বিদায়। (অর্ল্যাণ্ডোর প্রস্থান)

সিলিয়া। তুমি তোমার এইসব প্রেমের কচকচিতে আমাদের নারীজাতির
অপমান করেছে। তুমি তোমার পুরুষের পোষাক মাথায় তুলে সারা জগৎকে
বলে দাও যে, পাখি তার নিজের বাসাকেই কলুষিত করেছে অর্থাৎ তুমি নারী
হয়ে নারীজাতির অপমান করেছে।

রোজালিন্দ। সুন্দরী বোন আমার, লক্ষীসোনা বোন আমার, তুমি জান না
কত গভীর আমার ভালবাসা; কিন্তু সেটা ঠিক বোঝানো যাবে না। কারণ
আমার প্রেম হচ্ছে পত্নীগাল উপসাগরের মত এমনই অন্তর্নাস্তিক যে আমার
গভীরতাটা ঠিক মাপা যাবে না।

সিলিয়া। অথবা এমনও হতে পারে। তোমার ভালবাসার তুল নেই
বলেই হয়ত তা তাড়াতাড়ি ফুরিয়ে যাবে।

রোজালিন্দ। না; ভেনাসের সেই অর্ধেক দুই সন্ধান, ক্রোধ আর উন্নতত;
হতে যার জন্ম, যে নিজে মন্দ বলে সকলের দৃষ্টিকেই কলুষিত করে তোলে—
সেই অন্ধ প্রেমের ঠাকুরকেই বিচার করে দেখতে দাও, কত গভীর আমার
ভালবাসা। আমি তোমার স্পষ্ট বলে দিচ্ছি এ্যালিয়েনা, অর্ল্যাণ্ডোকে
চোখের আড়াল করে আমি কিছুতেই থাকতে পারব না। তার চেয়ে বরং

সে না আসা পর্যন্ত কোন একটা গাছের ছায়ায় গিয়ে দীর্ঘশ্বাস ফেলব আর হা হতাশ করব।

সিলিয়া। আর আমি বুঝে।

(সকলের প্রস্থান)

দ্বিতীয় দৃশ্য। বনভূমি

জ্যাক ও বনবাসীর পেশে সভাসদগণের প্রবেশ

জ্যাক। কে এই হরিণটাকে মেরেছে ?

জনৈক সভাসদ। আমি মেরেছি মশাই।

জ্যাক। তাহলে ওকে রোমের বিজয়ী বীরের সম্মান দিয়ে ডিউকের কাছে নিয়ে গিয়ে হাজির করি। আর এই বিজয় গোরবের চিহ্নরূপ ওর মাথার উপর হরিণের শিং ছোটোকে বসিয়ে দিলে খুব ভাল হয়। আচ্ছা বনবাসী, তোমরা এমন কোন গান জান না যা যুদ্ধজয়ের পর গাওয়া হয় ?

সভাসদ। আজ্ঞে হ্যাঁ, জানি বৈকি।

জ্যাক। গাও না। তা যেমনই হোক তাতে কিছু যায় আসে না। যত খুশি জোরে চেষ্টা চলেবে।

গান

মারল যে হরিণ তাকে দাওগো উপহার,

মৃগচর্ম মাথায় শিং হবে কেমন বাহার

তাকে দাওগো উপহার।

তারে গায়ে দাও মৃগচর্ম মাথায় শিং দাও

গানের মালা গলায় দিয়ে তাকে ঘরে নিয়ে যাও।

ও বীর মশাই শিং পরতে লজ্জা করো না

এ শিং নিতে আদিম পুরুষ লজ্জা পেত না।

শিং শিং করো নাক ঘুণার কথা নয়

বাণ ঠাকুদারা এ শিং নিয়ে পেত যে অভয়।

তৃতীয় দৃশ্য। বন।

রোজালিন্দ ও সিলিয়ার প্রবেশ

রোজালিন্দ। নাও এখন কি বলবে এবার বল। এখনো কি দুঃখটা কাটেনি ? কী হলো, অর্ঘ্যাণ্ডো এলনা ত !

সিলিয়া। আমি বলতে পারি অন্তরে পবিত্র ভালবাসা, মনে উজ্জ্বল চিন্তা আর হাতে তীর ধরুক নিয়ে সে বেমালুম ঘুমিয়ে গেছে। এখন, কে আবার এদিকে আসছে।

সিলভিয়াসের প্রবেশ

সিলভিয়াস। তোমার সঙ্গে আমার একটা দ্বন্দ্ব আছে যুবক। আমার লক্ষ্মী কেবি তোমাকে এই চিঠিটা দেবার জন্য আমার পাঠিয়েছে। অবশ্য এ চিঠির মধ্যে কি আছে তা আমি জানি না, তবে এ চিঠি লেখার সময় তার

কুটিল ভ্রাতৃ আর তার হাবভাব দেখে মনে হচ্ছে এর মধ্যে যথেষ্ট রাগের কথা আছে। তবে আমায় ক্ষমা করো, আমি একজন নির্দোষ দূত ছাড়া আর কিছুই না।

রোজালিন্দ। এ চিঠি পড়ার সঙ্গে সঙ্গে খৈষ নিজেই চমকে উঠে বেগে পালিয়ে যাবে। শোন সকলে, এই চিঠিতে সে লিখেছে আমি দেখতে সুন্দর নই, আমি ভদ্রতা জানি না, আমি নাকি অহঙ্কারী আর মেইজন্তু সে আমায় ভালবাসতে পারে না, অভ্যাশ্রম ফিনিশের মত ভালবাসার মাহুকের যতই অভাব হোক না কেন। তার এই চিঠি দেখে আমার মেজাজ গেছে চটে। কেন, সে কি ভেবেছে তার ভালবাসারূপ ধরগোসের পিছনে আমি নিকারীর মত ছুটে চলেছি। কেন সে এ চিঠি আমার লিখতে গেল? আচ্ছা রাপাল, আমার ত মনে হচ্ছে এ তোমারি চক্রান্ত।

সিনভিয়াস। না, আমি প্রতিবাদ জানাচ্ছি। চিঠিতে কি লেখা আছে আমি জানিই না। চিঠিটা ফেবির লেখা।

রোজালিন্দ। আসল কথায় এস। তুমি হচ্ছ একেবারে বোকা, প্রেমে উন্মত্ত হয়ে বাহুবিকার না করেই শেষ সীমায় চলে গেছ। আমি দেখেছি তার হাতের চামড়াটা পুর মোটা আর তামাটে রঙের। আমি ত প্রথমে ভেবেছিলাম হাতে সে তার পুরনো দস্তানা পরেছে, কিন্তু পরে দেখলাম, এটা তার হাত। তার হাতগুলো ঠিক পাকা গিল্লীর মত। ঘাইহোক, তাতে কিছু যায় আসে না। কিন্তু আমি বেশ বুঝতে পারছি, এ চিঠি তার লেখা না, এটা নিশ্চয় কোন পুরুষের পরিকল্পনা আর পুরুষ মাহুকেরই হাতের লেখা।

সিনভিয়াস। আমি নিশ্চিতরূপে জানি, এটা ফেবির হাতের লেখা।

রোজালিন্দ। এ চিঠির ভাষা যেমন কক্শ বা অভদ্র তেমনই নির্ভর। ঠিক যেন যুদ্ধে আহ্বান জানানো হয়েছে। খৃষ্টানবিরোধী তুর্কীদের মত সে আমার বিরোধিতা করেছে। মেয়েরা সাধারণতঃ শান্ত ও ঠাণ্ডা স্বাভাব হয়, এমন ভয়ঙ্কর রকমের অভদ্র কথা তারা মনে আনতেই পারে না। কথাগুলো উপর থেকে বাই মনে হোক না কেন, মনের উপর একবার প্রভাব ইথিওপিয়াবাসীর মতই কালো। তুমি কি শুনবে চিঠিটা?

সিনভিয়াস। না না, তোমাকে আর পড়তে হবে না। আমি খেঁজি এক কিছুই শুনিনি, তবে ফেবি মেয়েটা যে নির্ভর একথা অনেক শুনেছি।

রোজালিন্দ। সেই ফেবি আমাকে লিখল! দেখ দেখ, এই নির্ভর মেয়েটা কেমন লিখেছে : (পড়তে শুরু করল)

স্বর্গের দেবতা তুমি রাখালের বেশে বেঁচে এলে

কুমারীর চিত্ত এক অর্ঘ্যদাহে দগ্ন করি দিলে।

আচ্ছা, এইভাবে কোন মেয়ে কোন পুরুষের শ্রিন্দে করতে পারে?

সিনভিয়াস। এটাকে তুমি নিন্দে বলছ?

রোজালিন্দ । দেবত্ব পরিহার করি শেষে
 বাসনা এতই তোমার মানবকণ্ঠার চিন্তনাশে ?
 এমন নিন্দা এমন দোষারোপ কখনো শুনেছ ?
 কত মান্নুষের প্রেমকটাক্ষ সয়ে গেছি অবিরল
 কিন্তু আমায় টলাতে পারেনি রয়ে গেছি অবিকল ।
 আমাকে আবার পশু বলতে চেয়েছে !
 টিতে যদি এত প্রেম জাগে তব শুধু আঁধারিবিবে
 প্ৰীতিনশ্র দুষ্টিশরে তব

কী মধুর পরিণাম হত অবশেষে !

ভৎসনা শুনে যদি এত ভালবাসি,
 মধুর বচনে হত কী আনন্দরাশি ।
 এই প্রেমপত্র যে বয়ে নিয়ে যাবে
 জানে না সে
 মোর চিত্ত তব প্রেমে চিরদিন শুধু ভরে রবে ।
 তার হাতে বলে দিও হে ধুবা স্বজন,
 আমার প্রেমেরে করো গ্রহণ অথবা বর্জন ।
 আমার প্রেমেরে যদি করগো বর্জন
 সুহৃদকে ভালবেসে করিব বরণ ।

সিলভিয়া । একে তুমি ভৎসনা বা নিন্দে বল ?

সিলিয়া । হায় হায়, মেঘপালক !

রোজালিন্দ । তুমি যাকে করুণা করছ, ও করুণার মোটেই যোগ্য নয় ।
 আচ্ছা রাখাল, তুমি এই ধরনের মেয়েকে এর পরেও ভালবাসবে । ও
 তোমাকে বাচসন্ত্রাস হিসেবে ব্যবহার করে কতকগুলো মিথ্যা সুর বাজিয়ে
 যাবে আর তুমি তা সহ্য করবে ! না না, কখনই এটা সহ্য করা উচিত না ।
 আচ্ছা তোমার যা খুশি করগে । কারণ আমি দেখছি প্রেম তোমায় বশীভূত
 করে এক পোষা সাপে পরিণত করে তুলেছে । তাকে গিয়ে বলগে, যদি সে
 আমার ভালবাসে তাহলে সে যেন আমার প্রতি তার সেই ভালবাসা
 তোমাকে দান করে । আর তা যদি না করে তাহলে আমি প্রকৃত তোমার
 অনুরোধ ছাড়া কখনো তার মুখদর্শন করব না । যদি তুমি প্রকৃত প্রেমিক হও
 তাহলে আর কোন কথা না বলে আমার কথায়ত কান্দ করো, এখানে আরো
 লোক আসছে । (সিলভিয়ার প্রস্থান)

অলিভারের প্রবেশ

অলিভার । নমস্কার হে ভদ্র স্বজন । বলতে পার, এই বনের উপাঞ্চে
 অলিভকুঞ্জের ঘেরা কোথায় একটি কুটির আছে ?

সিলিয়া । এখান থেকে পশ্চিম দিকে গিয়ে নিম্নভূমিতে এক কলসয়া নদী

পাবে ; তার পারে ঘন ঝাউবন । তার বা দিক ধরে কিছু দূর গেলেই পাবে সে কুটির । কিন্তু এখন ত সে কুটির বন্ধ, এখন সেখানে কেউ নেই ।

অলিভার । মুখের কথা থেকে চোখের যদি কোন স্নাত হয় অর্থাৎ মুখের কথায় যে নির্দেশ পেয়েছি তা চোখে দেখা বস্তুর সঙ্গে মিলিয়ে নিতে চাই । দেহের বর্ণনা থেকে তোমাদের চিনবার চেষ্টা করি । তাদের বয়স পোষাক আশাকের যে বর্ণনা দিয়েছে তা হচ্ছে এইরকম : ছেলেটি সুন্দর, একটা নারীসুলভ ভাব আছে চেহারার মধ্যে, দেখে মনে হবে পূর্ণবৃত্তী বিবাহ-যোগ্য কস্তা, আর তার সাথী মেয়েটি তার থেকে একটু মাথায় ছোট, গায়ের রংটা একটু বেশী তামাটে । আচ্ছা, আমি যে ঘরের কথা শুধাচ্ছিলাম তুমিই কি সে ঘরের মালিক নও ?

সিলিয়া । তুমি যখন প্রশ্ন করেছ তখন মিথ্যে বলব না, আমরা দুজনেই তার মালিক ।

অলিভার । অর্ন্যাণ্ডো আমায় তোমাদের কাছে পাঠিয়েছে । আর সে যুবককে সে রোজালিন্দ বলে ডাকে তাকে সে এই রক্তমাখা রুমালটা দিতে বলেছে ।

রোজালিন্দ । আমিই সেই যুবক । কিন্তু এর মানে আমরা কি করে যুবক ?

অলিভার । এটা আমার পক্ষে সত্যিই বেশকিছুটা লজ্জার বিষয় । যখন জ্ঞানতে পারবে আমি কে, কেন এবং কিভাবে এখানে এলাম এবং কোথায় এই রুমাল রক্তাক্ত হলো তখন তোমরা হয়ত আমাকেই লজ্জা দেবে ।

সিলিয়া । আমি বলছি, তুমি তা বল ।

অলিভার । অর্ন্যাণ্ডো যখন তোমাদের কাছে থেকে বিদায় নেয় তখন সে এক বস্তার মধ্যেই ফিরে আসবে বলে কথা দিয়েছিল । তিন মধুর কল্পনা মনে ডাঁজতে ডাঁজতে সে বনের মধ্য দিয়ে এগিয়ে চলেছিল । হঠাৎ পথের পাশে চেঁশ মেলে দেখে এক প্রকাণ্ড বুড়ো ওক গাছ যার কাণ্ড ও শাখাপ্রশাখা-জম্বোতে সুদীর্ঘকালের বার্ধক্যের জন্ম ঞ্চাঙলা ধরে গেছে এবং যার মাথার উপরটা শুকিয়ে পাতা করে গেছে, তার তলায় চুলদাড়িওয়ালা অপরিচ্ছন্ন একটা লোক চিং হয়ে শুয়ে আছে আর তার ঘাড়ের কাছে একটা সবুজ চকচকে সাপ ফণা দোলাচ্ছে আর লোকটা মুখ ধুললেই তাকে ছোরল যারবে বলে সুযোগ খুঁজছে । কিন্তু হঠাৎ অর্ন্যাণ্ডোকে দেখতে পেয়েই সাপটা একটা ঝোপের মধ্যে চলে গেল । সেই ঝোপের সম্মুখভাগে আবার একটা সিংহী ছিল দুই ধাবা পেতে, মাটিতে মাথা রেখে বিছালের মত ভীত চোখে তাকিয়ে খুমস্ত লোকটা কখন আগবে তার অপেক্ষা করছিল । কারণ সিংহদের এমনই একটা রাজকীয় মেজাজ আছে যার মত তারা মৃতের মত দেখতে কোন প্রাণীকে শিকার করে না । এই দৃশ্য দেখে অর্ন্যাণ্ডো লোকটার দিকে এগিয়ে গিয়ে দেখে লোকটা তার ভাই, তার বড় ভাই ।

সিলিয়া। ই্যা, ই্যা, আমরা তাকে সেই ভাই-এর কথা অবশ্য বলতে শুনেছি। কিন্তু লোকটা এমনই অস্বাভাবিকভাবে নিষ্ঠুর যে তার তুলনা পাওয়াই যায় না।

অলিভার। তার বলার কোন দোষ নেই, সে ঠিকই বলেছে। আমিও জানি লোকটা সত্যিই অস্বাভাবিক।

রোজালিন্দ। কিন্তু অর্ন্যাণ্ডোর খবর কি? সে কি লোকটাকে সেই কুখ্যাত সিংহীর মুখে একা কেল রেখে চলে এসেছে?

অলিভার। তু দুবার সে তাকে কেল চলে যাবার চেষ্টা করেছিল। কিন্তু যে দয়া প্রতিশোধসনার থেকে সব সময়েই মহত্তর, যে স্বভাবসিদ্ধ উদারতা বাস্তব অবস্থার চাপের নাগালের অনেক উর্ধ্বে, সেই দয়া আর উদারতাই তাকে সিংহীটার সঙ্গে সম্মুখ যুদ্ধে প্রকৃত করে। তবে সিংহীটাও খুব তাড়া-তাড়ি জখম হয়ে পড়ে। তাদের লড়াইয়ের শব্দে আমি পতীর হুম থেকে হঠাৎ জেগে উঠি।

সিলিয়া। তুমিই কি তার ভাই?

রোজালিন্দ। তোমাকেই সে কি উদ্ধার করেছে?

সিলিয়া। তুমিই কি এর আগে তাকে কতবার খুন করার চক্রান্ত করেছিলে?

অলিভার। আমিই অবশ্য সেই লোক; তবে সে হচ্ছে আগেকার আমি, এখনকার আমি নয়। এখন একথা স্বীকার করতে কোন লজ্জা নেই যে আমি আগে ওই ধরনের লোক ছিলাম বটে কিন্তু এখন আমি একেবারে পার্টে গেছি, এখন আমি এক নতুন ও মধুর জীবনের আবাদ পেয়েছি।

রোজালিন্দ। কিন্তু রুমালটা রক্তাক্ত হলো কি-করে?

অলিভার। একে একে বলছি। দুই ভাই-এর দেখা হওয়ার সঙ্গে সঙ্গেই প্রথম থেকে শেষ পর্যন্ত জল ঝরতে লাগল দুজনের চোখে। আমি তাকে কেমন করে এই বনে এসেছি তা সংক্ষেপে বললাম। অবিরল অশ্রুধারায় পরিম্বিত হয়ে উঠল আমার প্রতিটি কথা। তারপর সে আমায় নিয়ে গেল ডিউকের কাছে। তিনি কিছু খাচ্ আর পোষাক দিয়ে আপ্যায়ন করলেন আমায়। ভ্রাতৃপ্রেমের বন্ধনে আমাদের দুই ভাইকে এক করে বেঁধে দিলেন তিনি। তারপর অর্ন্যাণ্ডো আমায় নিয়ে গেল তার গুহাতে। সেখানে গায়ের জামা খুলতেই দেখা গেল তার বাহু থেকে খানিকটা রক্ত সিংহীটা ছিড়ে নিয়েছে; সমস্তক্ষণ তাই রক্ত ঝরছিল। এরপর সে মৃত্যুবরণ করে পড়ল এবং মূর্ছার মাঝেই সে রোজালিন্দের নাম করছিল। কিছুক্ষণের মধ্যেই আমি তাকে সুস্থ করে তুললাম, তার হাড়টী বেঁধে দিলাম। আরও কিছুক্ষণ পর তার বুকের ঝংপিঙটা একটু সুস্থ সবল হয়ে উঠলে সে আমায় এখানে পাঠাল আপনাদের পুরোপুরি সব ঘটনাটা জানাবার জন্যে। আপনাদের সঙ্গে আমার কোন পরিচয় নেই কি না তাই সবকিছু খুলে বললাম। এবার আশা

করি আপনারা তাকে তার ভঙ্গ প্রতিশ্রুতির জন্য ক্ষমা করবেন। আর এই জন্ত সে যাকে খেলাচ্ছলে রোজালিন্দ বলে ডাকে সেই রাখাল যুবককে তারই রক্তে ভেজা এই কুমালটা দেবার জন্তে দিগেছে।

(রোজালিন্দ মূর্ছিত হয়ে পড়ল)

সিলিয়া। কি হলো, গ্যানিমীড। গ্যানিমীড কথা বলো।

অলিভার। রক্ত দেখলে অনেকেই মূর্ছা যায়।

সিলিয়া। এ ছাড়াও এর মধ্যে আরো ব্যাপার আছে। গ্যানিমীড বোন আমার।

অলিভার। দেখ, দেখ, সে নুস্ব হয়ে উঠেছে।

রোজালিন্দ। আমার ঘরে নিয়ে গেলে ভাল হত।

সিলিয়া। আমরা তোমাকে ধরেই নিয়ে যাব। আমার অহুরোধ আপনি দয়া করে ওর হাতটা একবার ধরুন।

অলিভার। মনটাকে চাপা করে তোল যুবক। তুমি একজন পুরুষ মানুষ।

কিন্তু মনে তোমার পুরুষোচিত তেজ কোথায়?

রোজালিন্দ। হ্যাঁ, আমি স্বীকার করছি, আমার মনে তেজ নেই। কিন্তু যে কেউ দেখলেই বুঝতে পারবে আমি বেশ নিষ্ঠুরভাবে ভান করেছিলাম। তোমার ভাইকে গিয়ে বলবে কেমন চমৎকারভাবে আমি মূর্ছার ভান করেছিলাম। হাঃ হাঃ হাঃ।

অলিভার। না না, এটাকে কখনই মূর্ছার ভান বলে না। তোমার চোখ মুখ দেখে বেশ বোঝা যায় তার প্রতি তোমার সহানুভূতি একেবারে খাঁটি।

রোজালিন্দ। না না, আমি বলছি এটা ভান।

অলিভার। ঠিক আছে, তাই যদি হয়, তাহলে এবার বেশ শক্ত হয়ে ভান করে পুরুষের মত পুরুষ হও।

রোজালিন্দ। তাই না হয় করছি। কিন্তু রাত্রির মত অন্ততঃ যদি নারী হতাম ত ভাল হত।

সিলিয়া। এই যে তোর মুখ ক্রমশই মলিন হয়ে যাচ্ছে। আচ্ছা মশাই, আপনিও দয়া করে আমাদের বাড়ির দিকে চলুন। আমাদের সঙ্গে চলুন।

অলিভার। হ্যাঁ, আমি যাব কারণ রোজালিন্দ, তুমি আমার ভাইকে ক্ষমা করেছ কি না সে খবরটা তাকে গিয়ে দিতে হবে।

রোজালিন্দ। উত্তর একটা যাহোক দেব। কিন্তু তোমাকে আমার মিনতি, তোমার ভাইকে যেন আমার ভান করার কথাটা ভালভাবে বুঝিয়ে বলো। তুমি কি আমাদের সঙ্গে যাবে? তাহলে এস।



□ পরলম অঙ্ক □

প্রথম দৃশ্য। বনভূমি।

টাচস্টোন ও অদারীর প্রবেশ

টাচস্টোন। ঐশ্বর্য ধরো, লক্ষী অদারী, আমরা বিয়ে করার অনেক সময় পাব। অদারী। আমার মনে হয়, বুড়ো লোকটা যাই বলুক না কেন, পুরোহিতটা ভাল ছিল।

টাচস্টোন। না অদারী, অলিভার লোকটা দুই প্রকৃতির। মার্চেন্ট সত্যিই বদমায়েস। কিন্তু অদারী, এই বনেতে একটা ছোকরা আছে যে তোমার উপর তার দাবি জানাচ্ছে।

অদারী। ও আমি জানি কে, আসলে আমার প্রতি তার কোন আগ্রহই নেই। তুমি যার কথা বলছ সে এখানেই আসছে।

উইলিয়মের প্রবেশ

টাচস্টোন। মদ আর মাংস পেলে যেমন হয় কোন ভাঁড়ের দেখা পেলে তেমনি আমার মনে হয়। আমি সত্যি করে বলছি, আমাদের যাদের বুদ্ধি আছে তারা তাড়াতাড়ি ষেকোন কথার জবাব দিতে পারে। আমরা মানুষকে দেখলেই ঠাট্টা বিক্রম করবই, আমরা চূপ করে থাকতে পারি না।

উইলিয়ম। কেমন, ভাল আছে ত অদারী!

অদারী। ঈশ্বরের রূপায় আশা করি তুমিও ভাল আছে উইলিয়ম।

উইলিয়ম। মহাশয়, আপনাকে নমস্কার।

টাচস্টোন। নমস্কার বন্ধু। তবে শীগ্গির তোমার মাথা ঢাকা দাও। ঢাকা দাও না সত্যি বলছি, কথা শোন, মাথা আচাকা রেখো না। তোমার বয়স কত হলো?

উইলিয়ম। পঁচিশ বছর।

টাচস্টোন। বয়সটা ঠিকই উপযুক্ত। তোমার নাম উইলিয়ম না?

উইলিয়ম। আমার নাম উইলিয়ম।

টাচস্টোন। তোমার নামটাও ভাল। তোমার জ্ঞান কি এই বনেই হয়েছে?

উইলিয়ম। আজ্ঞে হ্যাঁ, ঈশ্বরকে এজন্য ধন্যবাদ।

টাচস্টোন। ঈশ্বরকে ধন্যবাদ, বাঃ খাসা উত্তর ত। তোমরা খ্রীষ্টানী নোংরা?

উইলিয়ম। আজ্ঞে ধনী মানে, একরকম।

টাচস্টোন। একরকম। বেশ ভাল, খুব ভাল। তবে পুথোপুথি ধনী নয় বলে একেবারে ভালও বলা যায় না। কারণ ওরা একরকম ধনী। তোমার কি জ্ঞান বুদ্ধি আছে?

উইলিয়ম। আজ্ঞে হ্যাঁ, আমার জ্ঞানই বুদ্ধি আছে।

টাচস্টোন। কেন তুমি ভাল বললে। আমার একটা প্রবাদবাক্য মনে পড়ে

গেল, একমাত্র বোকারাই মনে করে তারা জানী, কিন্তু যারা প্রকৃত জানী তারা নিজেদের বোকা বোকা ভাবে। এক নাস্তিক দার্শনিক ছিলেন, তাঁর আঙ্গুর খাবার ইচ্ছে হলেই তাঁর মুখ হাঁ করতেন আর মুখে আঙ্গুরটা পুরে দিতেন। তার মানে তিনি বলতেন আঙ্গুরের জন্ম হয়েছে তাকে খাবার জন্মে আর ঠোঁটের ধর্ম হচ্ছে হাঁ করা। তুমি কি এই কুমারী মেয়েটিকে ভালবাস ? উইলিয়ম। আজ্ঞে হ্যাঁ, আমি ভালবাসি।

টাচস্টোন। দাঁও, তোমার হাত দাঁও। তুমি কি লেখাপড়া শিখেছ ? উইলিয়ম। আজ্ঞে না।

টাচস্টোন। তাহলে আমার কাছে শেখ। কোন কিছু চাওয়া মানেই পাওয়া নয়। আর একদিকে পাওয়া মানেই আর একদিকে না পাওয়া। অন্যদিক থেকে বিধিতে বলে, পেয়ালার থেকে গ্লাসে পানীয় জল ঢাললে গ্লাসটা ভর্তি হয় বটে, কিন্তু সঙ্গে সঙ্গে পেয়ালটা খালি হয়। তার মানে একই সঙ্গে একই জিনিসকে দুজনে পেতে পারে না। সব পণ্ডিতরাই বলে থাকেন, অহং মানেই তিনি। এখন দেখ, তুমি অহং নও, আর তিনিও নও। আমি হচ্ছি অহং, সুতরাং আমিই তিনি।

উইলিয়ম। কে তিনি ?

টাচস্টোন। সেই তিনি যিনি নারীকে বিয়ে করবেন। সুতরাং মূর্খ মশাই কেটে পড়ুন। মোটা কথায় বলতে গেলে বলতে হয় এই মেয়েটির সাহচর্য ত্যাগ করো, আর তোমাদের ভাবায় যার মানে হলো মেয়েটির সঙ্গ ছাড়ো। সব মিলিয়ে আমল কথা হলো, এই মেয়েটির সঙ্গ ছাড়ো আর যদি না ছাড়ো ত তুমি বিনষ্ট হয়েছ। যাতে আরো ভাল করে বুঝতে পার তারজন্য বলতে হয় তুমি মরবে। তার মানে আমি তোমাকে হত্যা করব, সরিয়ে ফেলব পৃথিবী থেকে, তোমার জীবনকে মৃত্যুতে পরিণত করব, তোমার স্বাধীনতাকে পরিণত করব বন্ধনে। আমি তোমায় বিষ প্রয়োগ করব অথবা লাঠিধারা গ্রহণ করব অথবা কোন ইম্পাতের ছুটি দিয়ে তোমায় ধতম করব। তোমার সঙ্গে যগড়ার খাতিরে তর্ক করব, তর্কে পরাস্ত করব। একটা গুলো ময়, আমি তোমায় দেড়শো উপায়ে মারব। সুতরাং ভয়ে কাঁপতে কাঁপতে মরে পড়। অদারী। তাই কর লক্ষী উইলিয়ম।

উইলিয়ম। ভগবান আপনাদের সুখী করুন।

(প্রস্থান)

কোরিন্থের প্রবেশ

কোরিন্থ। আমাদের দাদাবাবু আর দিদিমনি, কোরিথ ডাকছে।

টাচস্টোন। চল চল, পা চালিয়ে তাড়াতাড়ি চল অদারী। যাচ্ছি যাচ্ছি।

(সকলের প্রস্থান)

অর্ন্যাণ্ডো। এই সামান্য পরিচয়ে ও আলাপেই তাকে তোমার ভাল লেগে গেল—এটা কি সম্ভব? দেখার সঙ্গে সঙ্গেই তাকে ভালবেসে ফেললে? আর ভালবাসা মানেই তাকে প্রেমের কথা শোনানো, তার সম্মতি আদায় করা। তুমি কি সত্যিই তাকে পাবার জন্ত চেষ্টা করবে?

অলিভার। দেখ, আমাদের স্বল্প পরিচয় থেকে তার প্রতি আমার কামনার তীব্রতা, তার সম্মতি এবং আমাদের আকস্মিক প্রেমবিনিময়—এসব বিষয়ে কোন প্রশ্ন করো না। শুধু আমার সঙ্গে শুর মিলিয়ে বল আমি এ্যালিয়েনাকে ভালবাসি; আবার তার সঙ্গে এক কণ্ঠে বল, সে আমার ভালবাসে। আমাদের দুজনের কথায় সায় দিয়ে বল, আমরা দুজনে যেন চিরদিনের জন্ত সুখভোগ করে যেতে পারি। এতে তোমারও ভাল হবে। কারণ আমার পিতা স্তার রোলাও তাঁর উইলে বাড়ি ধর ও যেসব বিষয় সম্পত্তির উল্লেখ করে গেছেন তা সব আমি তোমায় দিয়ে দেব আর আমি চিরকাল এই বনেই রাখালদের মত থেকে যাব।

অর্ন্যাণ্ডো। আমি মত দিলাম। কালই তোমাদের বিয়ে হয়ে যাক। এ বিয়েতে আমি ডিউক আর তাঁর সঙ্গীদের নিমন্ত্রণ করব। তুমি গিয়ে এ্যালিয়েনার সঙ্গে বোকাপড়া করো। এখানে আবার ঐ দেখ, আমার রোজালিন্দ আসছে।

রোজালিন্দ। ভগবান আপনাদের মঙ্গল করুন দাদা।

অলিভার। নমস্কার ভাই।

(প্রস্থান)

রোজালিন্দ। ও আমার প্রাণের বন্ধু অর্ন্যাণ্ডো, তোমার বুক ব্যাণ্ডেজ বাঁধা দেখতে আমার কত কষ্ট হচ্ছে মনে।

অর্ন্যাণ্ডো। না, না, না বুক নয়ত, আমার হাত।

রোজালিন্দ। আমি ভেবেছিলাম সিংহের খাবায় তোমার বুকটা আহত হয়েছে।

অর্ন্যাণ্ডো। হ্যাঁ, আহত হয়েছে বটে তবে তা সিংহের খাবায় নয়, কোন এক নারীর দৃষ্টিশরে।

রোজালিন্দ। তোমার ভাই তোমাকে বলেছে তোমার বুক বাঁধা রুমাল দেখে আমি কেমন মুর্ছার ভান করেছিলাম?

অর্ন্যাণ্ডো। হ্যাঁ বলেছে। কিন্তু জ্বর থেকে আরো বিষয়ের কারণ আছে।

রোজালিন্দ। আমি জানি তুমি কি বলতে চাইছ? না না, সত্যিই এটা আশ্চর্যের কথা। সবচেয়ে ক্ষত আর আকস্মিক ব্যাপার হলো দুটো ভেড়ার মাঝমাঝি আর সীজারের রাজ্যজয়। সীজার দস্তোক্তি করে বলতেন, 'আমি

এসেছি, আমি দেখেছি, আমি জয় করেছি।' এদের প্রেমের ঘটনাটাও ঠিক এমনি ক্রম আর এমনি আকস্মিক। তোমার ভাই আর আমার বোন দেখা হওয়ার সঙ্গে সঙ্গেই দুজনে দুজনের পানে নিবিড়ভাবে তাকিয়েছে, তাকানোর সঙ্গে সঙ্গে ভালবেসেছে, ভালবাসতে না বাসতে দুজনে দুজনের বিরূহে দীর্ঘখাম ফেলেছে, সঙ্গে সঙ্গে তার কারণ জানতে চেয়েছে আর কারণ জানতে পারার সঙ্গে সঙ্গে তার প্রতিকারের চেষ্টা করেছে। এইভাবে তারা ধীরে ধীরে প্রেমের সিঁড়ি বেয়ে বিয়ের সুউচ্চ স্তরে উঠে গেছে। তারা প্রেমের কোপে পড়ে গেছে এবং তারা মিলবেই। লাঠির আঘাতেও তাদের বিচ্ছিন্ন করতে পারবে না।

অর্ন্যাণ্ডো। ওদের কালই বিয়ে হবে এবং ডিউককে ডেকে এনে ওদের বিয়ে দেওয়া হবে! কিন্তু অপরের চোখ দিয়ে সুখকে দেখা যে কত দুঃখের ত্য যদি বুঝতে! আগামীকাল যতই ভাবব, আমার ভাই তার আকাঙ্খিত বস্তুকে পেয়ে কত সুখী হয়েছে, ততই আরো দুঃখের ভারে ভারাক্রান্ত হব আমি।

রোজালিন্দ। কেন, কাল আমিও তোমার রোজালিন্দকে পাওয়ার ব্যবস্থা করে দিতে পারি।

অর্ন্যাণ্ডো। দেখ, শুধু একটা মানুষের কথা ভেবে ভেবে আর বাঁচতে পারি না।

রোজালিন্দ। আমি আর তাহলে তোমায় বুঝা কথা বলিয়ে ক্লান্ত করব না।

তুমি জেনে রাখ এখন আমি সত্যিই কাজের কথা বলছি। আমি জানি তুমি

ভদ্র ও সং মনোভাবাপন্ন। তুমি আমার ভালভাবেই জান, সুতরাং মতুন

করে তুমি আমার বুদ্ধির পরিচয় পাবে অথবা তুমি আমার আরো বেশী

করে শ্রদ্ধা করবে—এজন্ত কিন্তু আমি একথা বলছি না। আমি শুধু তোমার

ভাল করতে চাই এবং তার প্রতিদানে আমাকে কিছুই দিতে হবে না। তবে

বিশ্বাস করো, আমি অনেক অসম্ভবকে সম্ভব করে তুলতে পারি। আমার

বয়স যখন তিন তখন থেকে এক ওস্তাদ যাদুকরের কাছে আমি যাদুবিদ্যা

শিখে আসছি। লোকটা এ বিষয়ে গভীর জ্ঞানের অধিকারী, অথচ খারাপ

নয়। সেই বিদ্বার বলে বলছি, যদি তুমি তোমার রোজালিন্দকে সমস্ত

অস্তর দিয়ে নিবিড়ভাবে ভালবাস, তোমার হাবভাব দেখে খা ~~কেন্দ্র~~ হয়,

তাহলে কাল তোমার ভাই-এর সঙ্গে এ্যালিয়েনার স্বখন বিয়ে হবে তখন

রোজালিন্দকে তুমিও বিয়ে করতে পারবে। আমি জানি ~~তোমার~~ বিদানে

আজ সে কি অবস্থার মধ্যে পড়েছে এবং তোমার যদি কোন অসুবিধা না

থাকে তাহলে কাল তাকে সশরীরে নিরাপদে তোমার চোখের সামনে হাজির

করানো আমার পক্ষে মোটেই অসম্ভব হবে না।

অর্ন্যাণ্ডো। ঠাট্টা করছ না ত? একথা সুপ্রমাণ করে বলছ ত?

রোজালিন্দ। যদিও আমি নিজেকে যাদুকরি বলে পরিচয় দিয়েছি তথাপি

যে জীবন আমি সবচেয়ে ভালবাসি আমার সেই জীবনের নামে শপথ করে

বলছি, একথা সত্য। সুতরাং ভাল পোষাক পরো, বন্ধুবান্ধবদের নেমস্তম্ভ
করো, কারণ যদি তুমি চাও তাহলে কাল তোমার সঙ্গে রোজালিন্দের বিয়ে
হবেই।

সিলভিয়াস ও ফেবির প্রবেশ

ওই দেখ, এখানে আবার আমার একজন প্রেমিকা আর সেই প্রেমিকার
একজন প্রেমিক আসছে।

ফেবি। আচ্ছা যুবক, আমি যে চিঠিটা তোমায় লিখেছিলাম, সেটা তুমি
অপরকে দেখিয়ে আমার প্রতি অস্থায় করেছ।

রোজালিন্দ। যদি তা করে থাকি আমি তা গ্রাহ্য করি না। আমি ইচ্ছা
করেই তোমার প্রতি অভদ্র ও অবজ্ঞাসূচক ব্যবহার করেছি। একজন
বিশ্বস্ত রাখাল তোমাকে সত্যি সত্যিই ভালবাসে; তার দিকে তাকাও,
তাকে ভালবাস, সে তোমার আরাধনা করেছে তোমায় পাবার জন্ত।

ফেবি। লক্ষী রাখাল, ভালবাসা কি জিনিস তা এই ছোকরাকে বুঝিয়ে
দাও।

সিলভিয়াস। ভালবাসা মানেই শুধু দীর্ঘকাল আর অশ্রদ্ধল কেনা। ফেবির
জন্তে আমি তাই করে চলেছি।

ফেবি। আমিও গ্যানিমীডের জন্তে তাই করে চলেছি।

অর্ন্যাণ্ডো। আমিও রোজালিন্দের জন্তে তাই করে চলেছি।

রোজালিন্দ। আমি কিন্তু কোন নারীর জন্তে তা করছি না।

সিলভিয়াস। ভালবাসা মানেই অকুণ্ঠ বিশ্বাস আর অক্লান্ত সেবা। ফেবির
জন্তে সে বিশ্বাস আর সেবায় পরিপূর্ণ আমার অন্তর।

ফেবি। গ্যানিমীডের জন্তে আমার অন্তরও তাই।

অর্ন্যাণ্ডো। রোজালিন্দের জন্তে আমারও সেই অবস্থা।

রোজালিন্দ। কোন নারীকেই আমার দেবার কিছু নেই।

সিলভিয়াস। প্রেম হচ্ছে স্বপ্ন দিয়ে রচনা করা অফুরন্ত কামনা বাসনা দিয়ে
গড়া এক বস্তু। প্রেম শুধু আরাধনা, একনিষ্ঠ কর্তব্যপালন, ধৈর্য অধৈর্যে মেশা
শুধু এক নম্রতা, তিতিক্ষা, পবিত্রতা আর শুধুই বশ্যতা। ফেবির প্রতি সেই
প্রেমে ভরা আছে আমার অন্তর।

ফেবি। গ্যানিমীডের প্রতি সেই প্রেম আমার অন্তরে।

অর্ন্যাণ্ডো। রোজালিন্দের জন্ত আমারও সেই অবস্থা।

রোজালিন্দ। কোন নারীর জন্ত আমি কিন্তু কোন প্রেম অফুরন্ত করি না।

ফেবি। (রোজালিন্দের প্রতি) তাই যদি হয় তাহলে তোমাকে ভালবাসার
জন্ত আমার দেব দিচ্ছ কেন?

সিলভিয়াস। তাই যদি হয় তাহলে তোমাকে ভালবাসার জন্ত আমার
দেব দিচ্ছ কেন?

অর্ল্যাণ্ডো। তাই যদি হয় তাহলে তোমাকে ভালবাসার জন্তু আমায় দোষ দিচ্ছ কেন ?

রোজালিন্দ। তুমিও আমায় একথা বলহ কেন, তোমাকে ভালবাসার জন্তু আমায় দোষ দিচ্ছ কেন ?

অর্ল্যাণ্ডো। আমি বলছি তাকে যে এখানে নেই আর যে আমার কথা শুনতে পাচ্ছে না।

রোজালিন্দ। বাক, দোহাই তোমাদের আর এসব কথা তুলো না। এ ঘেন চাঁদের পানে তাকিয়ে আইরিশ নেকড়েদের অবুঝ চীৎকার। (সিলভিয়াসের প্রতি) আমি সাধ্যমত তোমায় সাহায্য করব। (ফেবির প্রতি) যদি পারি ত তোমায় ভালবাসব। কাল আমার সঙ্গে তোমরা সবাই মিলে দেখা করবে। (ফেবির প্রতি) যদি আমি কোন নারীকে বিয়ে করি তাহলে কাল আমি তোমায় বিয়ে করব। (অর্ল্যাণ্ডোর প্রতি) যদি কখনো আমি কোন মানুষকে সন্তুষ্ট করে থাকি তাহলে কাল তোমায় সন্তুষ্ট করব। (সিলভিয়াসের প্রতি) কাল আমি তোমায় সন্তুষ্ট করব, অবশ্য যদি তোমার কামনার ধন পেলে সন্তুষ্ট হও। (অর্ল্যাণ্ডোর প্রতি) যেহেতু তুমি রোজালিন্দকে ভালবাস, কাল দেখা করো। (সিলভিয়াসের প্রতি) যেহেতু তুমি কোঁবিকে ভালবাস দেখা করো। আর যেহেতু আমি কোন নারীকেই ভালবাসি না আমিও মিলিত হব। সুতরাং এখন বিদায়। তোমরা সব যাও, আমার যা বলার বলে দিয়েছি।

তৃতীয় দৃশ্য। বনভূমি।

টাচস্টোন ও অধারীর প্রবেশ

টাচস্টোন। কাল আমাদের পক্ষে খুবই আনন্দের দিন।

অধারী। কাল আমাদের বিয়ে হবে। সমস্ত অন্তর দিয়ে আমি এ বিয়ে চাই। আর কোন নারীর পক্ষে ঘরসংসার করতে চাওয়া খারাপ কিছু না। নিবাসিত ভিউকের দুজন লোক এদিকে আসছে।

দুজন ভৃত্যের প্রবেশ

প্রথম ভৃত্য। দেখা হয়ে গেল ভালই হলো মশাই।

টাচস্টোন। সত্যিই ভাল হলো। বস বস, একটা গান করো।

দ্বিতীয় ভৃত্য। আমরা আপনার জন্তেই এসেছি। আপনি আমাদের দুজনের মাঝখানে বসুন।

১ম ভৃত্য। আমরা কি হাত দিয়ে তালি রাজ্যকে না চেতামো? খুশি ফেলব না কি বলব আমাদের গলাটা আজ খারাপ। যারা বাজে গায়ক, যাদের গলা খারাপ তারা সাধারণতঃ গানের আগে এইসব ভূমিকা করে থাকে।

২য় ভৃত্য। ঠিক আছে শোন শোন, একই সঙ্গে চড়ে-খাওয়া দুটো বেদের মত আমরা দুজনে একসঙ্গে গলা মিলিয়ে গাই।

এক যে ছিল প্রেমিক কিশোর প্রেমিকা কিশোরী
তাদের মুখে ছিল সকল সময় হাসির ছড়াছড়ি।

সবুজ ক্ষেতের বুকে বুকে

তার পাখ চলত হাসিমুখে

ক্ষেপা কাণ্ডন ছড়িয়ে দিত প্রেমের মাধুরী

হা হা হা, হি হি হি আহা মরি মরি।।

মাঠের চাষী থাকত শুয়ে যবের ক্ষেতের ধারে

প্রেমিক বেত মনের সুখে নীরব অভিনয়ে।

তুলে যেত সকল কথা

সকল দুখ আর সকল ব্যথা

ভাসত সুখে নিরবধি এই কথাটি স্মৃতি

আহা জীবন যেন ফুলের মতন স্বপন-মঞ্জরি।

স্বপ্নের চেয়ে আনন্দময় প্রেমিকগুণল ভাবে

মলয়পবন-রথে চড়ে ফাগুন আসে যবে।

এক যে ছিল প্রেমিক কিশোর প্রেমিকা কিশোরী

তাদের মুখে ছিল সকল সময় হাসির ছড়াছড়ি।

হা হা হা, হি হি হি, আহা মরি মরি।।

টাচস্টোন। সত্যি কথা বলতে কি তোমাদের গানের বাণীতে এমন কিছু
বড় কথাবস্তু নেই, আবার সুরটাও মোটেই ভাল নয়।

১ম ভূতা। আপনি বুঝতে পারেননি মশাই। ঠিক সময়ে ধরেছি আব ছেড়েছি।
একটুও ভাল নষ্ট করিনি।

টাচস্টোন। তাই হলো। এইরকম বাজে গান শোনা মানেই সময় নষ্ট
করা, তার উপর আবার ভাল গুণতে যাব! ইশ্বর তোমাদের মক্কেল করুন,
তোমাদের গলাটা একটু ভাল করো।

(সকলের প্রস্থান)

১ম ভূতা। বনভূমি।

ভিউক সিনিয়র, গ্র্যামিয়েন্স., জ্যাক, অর্ল্যাণ্ডো, অলিভার ওসিলিয়াস প্রবেশ
ভিউক। ভূমি কি মনে কর অর্ল্যাণ্ডো ছোকরাটা যা যা বলেছে তা সব
পারবে ?

অর্ল্যাণ্ডো। আমি কখনো বিশ্বাস করি, আবার কখনো বিশ্বাস করি না।
ভয়ানক মানুষ যেমন কখনো আশা করে আমার কখনো সা ভয়ে কাতর হয়,
আমারও ঠিক তেমনি অবস্থা।

রোজালিন্দ, সিলভিয়াস ও ফ্রিভার প্রবেশ

রোজালিন্দ। একটু থামুন, খৈর্ষ ধরুন, আমি আমার কথা রাখছি। আচ্ছা

আপনি নাকি বলেছেন যদি আমি রোজালিন্দকে এখানে আনতে পারি
আপনি তাহলে তাকে অর্ন্যাণ্ডোকে সমর্পণ করবেন।

ডিউক। হ্যাঁ, আমি তা করব এবং আমার রাজ্য থাকলে আমার মেয়ের সঙ্গে
তাকে তাও দিতাম।

রোজালিন্দ। আর তুমিও নাকি বলেছ, আমি তাকে আনলে তুমি তাকে
গ্রহণ করবে?

অর্ন্যাণ্ডো। হ্যাঁ, জগতের সমস্ত রাজ্যের রাজা হলেও আমি তাকে গ্রহণ
করব।

রোজালিন্দ। (ফেবির প্রতি) আর তুমি নাকি বলেছ আমি ইচ্ছা করলে
তুমি আমায় বিয়ে করবে?

ফেবি। হ্যাঁ, ঠিক পনের মূহুর্তে মরে গেলেও আমি তোমাকে বিয়ে করব।

রোজালিন্দ। কিন্তু যদি তুমি আমাকে বিয়ে করতে অস্বীকার করো কোন
কারণে তাহলে কিন্তু এই বিশ্বস্ত রাখালকে তোমার স্বামীত্ব বরণ করতে
হবে।

ফেবি। তাই অবশ্য কথা হয়েছে।

রোজালিন্দ। তুমি নাকি বলেছ সে চাইলে তুমি ফেবিকে গ্রহণ করবে?

সিলভিয়াস। তাকে পাওয়ার পর মৃত্যুকেও যদি বরণ করতে হয় তাতেও
আমি রাজী আছি।

রোজালিন্দ। আমি এইসব সমস্যার সমাধান করব বলে প্রতিশ্রুতি দিয়েছি।
হে ডিউক, কন্ডাদান করে আপনি আপনার কথা রাখুন, অর্ন্যাণ্ডো, তুমি তাঁর
কন্ডাকে গ্রহণ করে কথা রাখো। ফেবি, আমি বিয়ে না করলে বা আমাকে
তুমি বিয়ে করতে না চাইলে এই রাখালকে বিয়ে করবে বলে যে
কথা দিয়েছ সে কথা রাখো, সিলভিয়াস, আমাকে সে বিয়ে করতে না
চাইলে তুমি ফেবিকে বিয়ে করবে বলে যে কথা দিয়েছ সে কথা রাখবে।
তোমাদের সকলের সব সংশয় নিরসন করার জন্য আমি এখান থেকে একবার
যাচ্ছি।

(রোজালিন্দ ও সিলভিয়াস প্রস্থান)

ডিউক। এই রাখাল যুবকের মধ্যে আমার মেয়ের চেহারার কিছু কিছু মাদৃশ্য
থাকে পাচ্ছি।

অর্ন্যাণ্ডো। আর, আমি যখন ওকে প্রথম দেখি, তখন ভেবেছিলুম ও বোধ
হয় আপনার মেয়ের আপন ভাই। কিন্তু আর, ও এই বনেও জন্মেছে এবং
যাহুবিন্দায় পারদর্শী, ওর এক কাকার কাছে যাহুবিন্দা শিখেছে। এই বনের
মাঝেই সীমাবদ্ধ ওদের জীবন।

টাচস্টোন ও অদারীর প্রবেশ

জ্যাক। সমস্যার জোরাবে ভাসতে ভাসতে আমি একজোড়া দম্পতি আমাদের
এই সমাধানের তরীর দিকে এগিয়ে আসছে বলে মনে হচ্ছে। দেখে মনে

হচ্ছে যেন ছুটি অসুস্থ জন্তু, যদিও লোক বলে ওরা ভাঁড়।

টাচস্টোন। আপনাদের সকলকে নমস্কার।

জ্যাক। স্মার, ওকে আল্লান করুন। বিচিত্র মনোভাবের এই ভদ্রলোকের সঙ্গে বনে আমার প্রায়ই দেখা হত। ও নাকি বলে ও একদিন রাজসভার সভাসদ ছিল।

টাচস্টোন। আমার একথায় যদি কেউ সন্দেহ করে ত আমার কাছে নিয়ে আসুন, আমি তাকে শুধরে দেব। আমি একটি অসুস্থ ভাল নাচ মেচেছি, আমি এক ভদ্রমহিলার স্তুতিগান করেছি, আমি আমার বন্ধুর সঙ্গে কূটনীতির খেলা খেলেছি, আবার শত্রুর সঙ্গে মোগারেম ব্যবহার করেছি, আমি তিন তিনজন নর্জিকে অগ্রস্বত করেছি। আমি চারটি ঝগড়ায় লিপ্ত হয়েছি এবং একটা ঝগড়ায় লড়াই করার জন্তু আমি প্রস্তুত আছি।

জ্যাক। কেমন করে তুমি ঝগড়া করেছিলে ?

টাচস্টোন। আমার প্রতিশপ্তের সঙ্গে দেখা হতেই দুবাতাম ঝগড়াটা হচ্ছে সপ্তম কারণ নিয়ে।

জ্যাক। সপ্তম কারণ আবার কি ? স্মার, লোকটিকে পছন্দ করুন।

ডিউক। লোকটিকে আমার খুবই ভাল লেগেছে।

টাচস্টোন। ঈশ্বর আপনার মঙ্গল করুন স্মার, আপনাকেও আমার পছন্দ হইয়াছে। অম্লান্ত গ্রাম্য প্রণয়ী যুগলের মাঝে আমিও এখানে এসেছি বিয়ের শপথবাক্য উচ্চারণ করতে। মাথুখ সাধারণতঃ বিয়ের বন্ধনে আবদ্ধ হয় এবং পরে রক্তের তাড়নার স্বে বন্ধন নিজেই ছিন্ন করে। দরকার হলে আমিও তাই করব, আমার প্রতিশ্রুতি আমি নিজেই ভাঙব। যাই হোক স্মার, এই বেচারী কুমারী মেয়েটিকে দেখতে ধারাপ হলেও এ আমার নিজস্ব, যাকে অল্প কেউ গ্রহণ করবে না তাকে গ্রহণ করার জন্তু আমার অসুস্থ খেয়াল হয়েছে। নৌরো স্তম্ভির মাঝে যেমন মুক্তা থাকে তেমনি অনেক সময় কুস্পন মাহুষের মাঝেও অমূল্য সততা বাস করে।

ডিউক। লোকটি ভাল কথা বেশ তাড়াতাড়ি বলতে পারে।

টাচস্টোন। চাটুকারী ভাঁড়দের কাছে এই কথার রোগ বড় মধুর।

জ্যাক। কিন্তু সপ্তম কারণের ব্যাপারটা কি ? আর সপ্তম কারণ নিয়ে কি করেই বা ঝগড়া করলে ?

টাচস্টোন। সাতবার একটা মিথ্যা কথা হাতকড়ন করা হয়েছিল। তোমার দেহটা একটু ভাল করে ঢেকে রাখো অন্ধারী। হ্যাঁ এইভাবে স্মার। কোন এক সভাসদের দাড়ির ছাঁট আমার ভাল লাগেছিল। তিনি আমার জবাবে বললেন, আমার মতে তার দাড়ি ঠিক ছাঁটানো হলেও তার মনে হচ্ছে ঠিকই ছাঁটা হয়েছে। একেই বলা হয় ভদ্র জবাব। এরপরেও আমি যদি বলতাম ঠিক ছাঁটা হয়নি তাহলে তিনি যদি বলতেন তিনি নিজেকে খুশি করার জন্তুই

ওইভাবে ছেঁটেছেন তাহলে সেটা হত বিনীত জবাব। এর পরেও যদি বলতাম ঠিক হয়নি তাহলে তিনি তর্কে আমার বিচারশক্তিকে পরাস্ত করতেন এবং সেটা হত ক্রুদ্ধ জবাব। এরপর আমি ঠিক হয়নি বললে তিনি যদি উত্তর করতেন আমি সভা কথা বলছি না তাহলে সেটা হত বীরের জবাব। তারপর আমি একথা বললে উনি বলতেন আমি মিথ্যা বলছি এবং সেটা হত বিবাদী জবাব এবং এইভাবে আমরা চলে যেতাম ঘটনাচক্রজনিত মিথ্যা থেকে প্রত্যক্ষ মিথ্যার প্রসঙ্গে।

জ্যাক। আর কতবার বলেছিলে যে তার দাড়ির ছাঁট ঠিক হয়নি ?

টাচস্টোন। ঘটনাচক্রজনিত মিথ্যার পর আমি আর এগোতে সাহস করিনি আর তিনিও আমায় প্রত্যক্ষ মিথ্যার অভিযোগে অভিযুক্ত করতে সাহস পাননি। বাই হোক আমরা তাড়াতাড়ি করে সরে পড়েছিলাম।

জ্যাক। তুমি কি মিথ্যার শ্রেণীবিভাগটা ঠিকমত সাজিয়ে দিতে পার ?

টাচস্টোন। আপনাদের তত্ত্ব আচরণ শেখার জন্তু বই আছে, আমাদেরও তেমনি বগড়া শেখার জন্তু বই আছে। আর সেইমতই আমরা বগড়া করি। প্রথমে হলো ভদ্র মিথ্যা, তারপর হলো বিনীত মিথ্যা, তৃতীয় হলো ক্রুদ্ধ মিথ্যা, চতুর্থ বারের বা অহকারী মিথ্যা, পঞ্চম হলো বিবাদী মিথ্যা, ষষ্ঠ হলো ঘটনাচক্রজনিত মিথ্যা, সপ্তম হলো প্রত্যক্ষ মিথ্যা, একমাত্র প্রত্যক্ষ মিথ্যা ছাড়া আর সব মিথ্যাকেই আপনি এড়িয়ে চলতে পারেন। তবে এই প্রত্যক্ষ বা সুস্পষ্ট মিথ্যাকেও আপনি 'যদি' এই কথাটা দিয়ে এড়িয়ে যেতে পারেন। আমি জানি সাতজন বিচারক কোন এক বগড়ার মীমাংসা করতে পারেনি। কিন্তু বাদী বিবাদীরা যখন মিলিত হলো তখন তাদের একজন এক 'যদি' আমদানি করল। অর্থাৎ বলল, যদি তুমি একথা বলে থাক তাহলে আমিও একথা বলছি। এইভাবে বগড়ার অবসান হলো এবং তারা করমর্দন করে 'ভাই ভাই' বলে চলে গেল। তাহলে দেখা যাচ্ছে যদি মধ্যে অনেক গুণ আছে, এই 'যদি'ই প্রকৃত শান্তি স্থাপনকারী।

জ্যাক। আর, সত্যিই লোকটি বিয়ল বুদ্ধির অধিকারী। তুমি ও পেশায় হলো ঠাণ্ড।

ডিউক। এর নিবৃত্তিতাকে ও এক মায়াময় ঘোড়ায় মত ব্যবহার করে এবং সেই ঘোড়ার ভিতর থেকে ও বুদ্ধির শান্তি বাণ নিষ্ক্ষেপ করে।

হাইমেন, রোজালিন্ড ও সিলিয়ার প্রবেশ

গান

হাইমেন।

আনন্দ তুফান জাগে স্বর্গের নন্দন কাননে
হিংসা তুলে মাহুদ যবে ধরু প্রেম প্রীতির বন্ধনে
ডিউক, তোমার কল্পনাকে সাজ এনেছি তোমার পাশে
স্বর্গ হতে এনেছি তাকে অনেক দিনের শেষে।

যার অন্তরে বাঁধা আছে অন্তর তাহার

তাঁহই হাতে দাওগো মঁপে কন্ডারে তোমার ।

রোজালিন্দ । (ডিউকের প্রতি) আপনার চরণে আজ আমি মঁপে দিলাম নিজেকে । কারণ আমি আপনারই । (অর্ন্যাণ্ডোর প্রতি) আমি তোমার কাছে আমার প্রাণ মন সমর্পণ করলাম, কারণ আমি তোমারি ।

ডিউক । চোখে যা দেখছি তা যদি সত্য হয় তাহলে তুমি আমার কন্ডা ।

অর্ন্যাণ্ডো । যা দেখছি তা যদি সত্য হয় তাহলে তুমি আমার রোজালিন্দ ।

ফেবি । আমার দৃষ্টি আর তোমার অবয়ব যদি সত্য হয় তাহলে আমার প্রেমকে বিদায় ।

রোজালিন্দ । আপনি যদি আমার পিতা না হন তাহলে আমার পিতাই নেই । তুমি যদি আমার সেই মনের মানুষ না হও তাহলে আমার কোন স্বামীই নেই । আর তুমি যেহেতু সেই ফেবি সেই হেতু কোন মেয়েমানুষকে বিয়ে করা সম্ভব নয় তোমার পক্ষে ।

হাইমেন । সব চূপ করো । সব সমস্যার সমাধান হয়ে গেল । এবার আমার শেষ কথা বলি । কত অদ্ভুত ঘটনা ঘটে গেল তোমাদের চোখের সামনে । আট আটজন যুবক যুবতী এসে এই হাইমেনের কাছে আবদ্ধ হলো বিশ্বের বন্ধনে । তবে তোমাদের এই বন্ধনের মধ্যে যদি কিছুমাত্র সত্য থাকে তাহলে যেন তোমরা কেউ কারো প্রতি অবিশ্বস্ত হয়ো না কোনদিন । তোমরা যেন পরস্পরের অন্তরে অন্তরে চিরদিনের জন্ত বাঁধা থেকে । যেহেতু, যেন চিরদিন অবিচল থেকে স্বামীপ্রেমে । আবার পুরুষবা, তোমরা যেন কোনদিনের জন্ত অশ্রু কোন নারীর স্পর্শে তোমাদের পবিত্র দাম্পত্য-শয্যাকে কলুষিত করো না । তোমাদের যদি কারো পরস্পরের কাছ থেকে জানার কিছু থাকে তাহলে প্রশ্নের দ্বারা তা জেনে নিতে পার । এর ফলে আপন বিশ্বাসের ঘোরটা কেটে গিয়ে পরস্পরের পরিচয় আরও পরিষ্কার হবে উঠবে পরস্পরের কাছে । যেন রেখো, তোমাদের সব কাজ শেষ করে তোমাদের পবিত্র বিবাহোৎসবের জয়গান গাইছে হাইমেন ।

গান

বিবাহবন্ধন জেমনো ঠিকই কুশল

সংসার পরিতে হয় দাম্পত্য শয়ন ।

প্রতি গাঁয়ে জনপদে যেখানেই যায়

বিবাহের জয়গান হাইমেন গায় ।

বিবাহেই সুখ আর অপার সন্ধান

বিবাহ না করে যারা পুণ্ডরী সমান ।

ডিউক । আমার স্নেহের ভাইবি, কাছে পৌঁচো । রোজালিন্দ যা আমার, তুইও কাছে আয় ।

কেবি। (সিলভিয়াসের প্রতি) আমি আমার প্রতিশ্রুতি ভঙ্গ করব না। এখন আমি তোমার গ্রহণ করব; তুমি আমার। তোমার স্বপ্ন ও বিশ্বস্ততা সত্য করে তুলেছে তোমার প্রেমকে।

জ্যাক ছ বয়স প্রবেশ

জ্যাক ছ বয়। দহা করে আমার দু একটা কথা বলতে দিন। আমি হচ্ছি স্টার রোল্যান্ডের দ্বিতীয় পুত্র। আপনাদের এই উৎসব ও আনন্দ সমাগমের মাঝে আমি কিছু সন্দেহবোধ এনেছি। ডিউক ফ্রেডারিক যখন জন্মলেন, দিনেব পর দিন রাজ্যের বহু যোগ্যতাসম্পন্ন গণ্যমান্য লোক এই বনভূমিতে এসে ভীড় করছেন নির্বাসিত ডিউকের পাশে, দিনে দিনে বেড়ে যাচ্ছে নির্বাসিত ডিউকের সম্মান, তখন তিনি এক বিশাল পদাতিক বাহিনী নিয়ে এই বনভূমির এক প্রান্তে এসে হাজির হলেন নির্বাসিত ডিউককে হত্যা করার জন্য। কিন্তু এই বনপ্রান্তে সহসা এক প্রবীণ সাধকের সঙ্গে আলাপ পরিচয় হতে আমূল পরিবর্তন দেখা দিল তাঁর চরিত্রে। তিনি হয়ে উঠলেন অল্প মায়াব। তিনি শুধু তাঁর বর্তমানের কুটিল সংকল্পই ত্যাগ করলেন না, সঙ্গে সঙ্গে সংসার ও রাজ্য ত্যাগ করে পূর্ণ বৈরাগ্য ও সম্যাস গ্রহণ করলেন। তিনি তাঁর রাজমুকুট মাথা হতে খুলে দিলেন তাঁর নির্বাসিত ভাইএর জন্য আর সঙ্গে সঙ্গে নির্বাসিত ডিউকের যেসব সঙ্গীদের সম্পত্তি বাজেয়াপ্ত করা হয়েছিল তাও ফিরিয়ে দিয়েছেন। এই সত্য সংবাদ শুনে আনার জন্ম নিষ্পত্ত করা হয়েছে আমরা।

ডিউক। স্বাগত যুবক! তুমি জেয়ার ভাইএর বিয়ের সময় এসে খুবই ভাল করেছ। একদিন অর্ল্যাণ্ডো আর আমি দুজনেই ছিলাম হতভাগ্য। কিন্তু আজও অর্ল্যাণ্ডো তার জমি জায়গা থেকে বঞ্চিত আছে আর আমি বিবয়-সম্পত্তির সঙ্গে আমার জমিদারি ফিরে পেয়েছি। এখন আমাদের এই কাজগুলো করতে হবে। যারা প্রথম থেকে শেষ পর্যন্ত আমাদের সঙ্গে এই বনের মাঝে বসে দুঃখের দিন আর রাত্রি কাটিয়েছে তাদের প্রত্যেককে তাদের আপন আপন সম্পদের পরিমাণ অনুসারে যথাযথভাবে তাদের পাণ্ডনাগণ্ডা ভাগ করে দিতে হবে। তবে প্রতিমধ্যে তোমরা তোমাদের হারানো সম্মান ফিরে পেতে গলে বিচলিত হয়ে পড়ো না। আপাততঃ সেসব কথা তুলে নিয়ে গ্রামা চাচার মত সরল আনন্দ উৎসবে গা ভাসিয়ে দাও। সান বাজনা করো। বর-কনেরা, নাচতে থাক। আনন্দে উত্তাল হয়ে পাতে থাক।

জ্যাক। আচ্ছা স্টার, দহা করে একটা কথা উত্তর দেবেন? আপনি যা বলেছেন তা যদি সত্যি হয় তাহলে ডিউক তাঁর ঐশ্বর্য্য রাজকীয় জীবন ও রাজসভা ত্যাগ করে বৈরাগ্যধর্ম গ্রহণ করেছেন। এটা কি সত্যি?

জ্যাক ছ বয়। হ্যাঁ, সত্যিই তিনি তাই করেছেন।

জ্যাক। তাহলে আমিও তাঁর মত তাই করব। এই সব কুসঙ্গ ত্যাগ করে

আমি চলে বাব সেইখানে, যেখানে অনেক কিছু জানবার ও শোনবার আছে। (ডিউকের প্রতি) আপনি আপনার সম্মান ও গৌরবে পুনঃপ্রতিষ্ঠিত হোন। আপনার ঐশ্বর্য সঙ্কীর্ণতা ও বিস্তারিত গুণাবলী প্রমাণ করে দিয়েছে আপনি সে সম্মানের ও গৌরবের যোগ্য। অর্জ্যাণ্ডোর প্রতি তুমি তোমার প্রেমাস্পদকে লাভ করো। প্রেমে তোমার বিশ্বস্ততা সত্যিই প্রশংসার যোগ্য। (অলিভারের প্রতি) তুমি তোমার দেশে তোমার প্রেমাস্পদকে নিয়ে ফিরে যাও। বহু মিত্রশক্তিসহ সুখে শান্তিতে বাস করো। (শিলভিয়াসের প্রতি) তুমিও দীর্ঘ বিচ্ছেদের পর দীর্ঘদিন ধরে দাম্পত্য সুখ উপভোগ করো। (টাচস্টোনের প্রতি) তোমার ভাগ্য আছে শুধু ঝগড়া আর তর্ক। তোমার প্রেমের তরীর আয়ুষ্কাল হলো মাত্র দুমাস। তোমরা সবাই আমনক উৎসব করো। আমার কিন্তু ওসব নাচগান চলবে না।

ডিউক। জ্যাক, থাক থাক, খেও না।

জ্যাক। থেকে কি করব, আমি শু আপনাদের নাচ গান দেখতে পারব না। আপনারা যাকিছু করবেন আপনারা চল গেলে পরে তা আমি জানব।

(প্রস্থান)

ডিউক। নাও নাও, চালাও। আমরা এবার অল্পটান শুরু করব। আশা করি এইসব অল্পটান আনন্দের মধ্য দিয়েই শেষ হবে। (নৃত্য ও সকলের প্রস্থান)

উপসংহার

রোজালিন্দ। নাটকের শেষে নাটিকার মুখে উপসংহার টানার কোন রীতি নেই। কিন্তু তাই যদি হয়, নাটকের প্রারম্ভে নাটকের মুখে প্রস্তাবনা আরও অশোভন। ভাল মদের যদি খড়ের ঢাকনির প্রয়োজন না হয় তাহলে ভাল নাটকের শেষে উপসংহারেরও কোন প্রয়োজন থাকতে পারে না। তবু যেমন ভাল মদের বোতল খড়ঝড়ানো থাকে তেমনি ভাল নাটকের শেষে ভাল উপসংহার জোড়া থাকলে তা আরও উপভোগ্য হয়ে ওঠে। তাহলে আমি কে বহন ত—আমি উপসংহারের জন্মও আসিনি, অথবা জন্ম নাটকের স্বপক্ষে কোন কিছু বলতেও আসিনি। আমার বৈশিষ্ট্য, তুমি যে আমার কোনমতে ভিখারিণী বলে মনে হবে না; সূত্ররূপে ভিক্ষুকী আমার মাজবে না। আমার কাজ হচ্ছে আপনারদের মুখ করা আর এই উদ্দেশ্যেই আমি মেয়েদের নিয়ে গুহু করব আমার কথা। এগো মেয়েদের দল, তোমাদের মনের মাহুদের প্রতি যে ভালবাসা অনুভব করো তার খাতিরে আমি বলছি এই নাটকের যতটুকু তোমাদের ভাল লাগে ততটুকুই উপভোগ করো। আর পুরুষদেরও বলছি, তোমাদের জিতমাদের প্রতি যে পরিমাণ ভালবাসা তোমরা অনুভব করো—আর মুখের হাসি দেখে মনে হয় তোমরা তাদের মোটেই ঘৃণা কর না—সেই ভালবাসার খাতিরে তোমরা সবাই মিলে

একজোটে দেখলে নাটকটি ভাল লাগবে তোষাধের। আমি যদি নারী হতাম, তাহলে যাদের মুখে বেশ ভাল আমার পছন্দমত ঠাড়ি আছে, যাদের গায়ের রং ভাল আর যাদের নিঃশ্বাস আমার মোটামুটি ধারণা লাগে না তাদের আমি চুষন করতাম। তবে আমার বিশ্বাস, এখানে খত জনের মুখে সুন্দর ঠাড়ি আছে, যাদের মুখশ্রী সুন্দর আর যাদের নিঃশ্বাস সুগন্ধি ও মিষ্টি সেইসব ভ্রমহোদয়গণ আমার অভিবাচন গ্রহণ করে আমার বিদায় সম্ভাষণ জানাবেন।

The Online Library of Bangla Books
BANGLA BOOK.ORG